

I. DISPOSICIÓN XERAIS

MINISTERIO DE AGRICULTURA, ALIMENTACIÓN E MEDIO AMBIENTE

1035 *Real decreto 202/2012, do 23 de xaneiro, sobre a aplicación a partir de 2012 dos pagamentos directos á agricultura e á gandaría.*

A aplicación en España do Regulamento (CE) n.º 73/2009 do Consello, do 19 xaneiro de 2009, polo que se establecen disposicións comúns aplicables aos réximes de axuda directa aos agricultores no marco da política agrícola común e se instauran determinados réximes de axuda aos agricultores e polo que se modifican os regulamentos (CE) n.º 1290/2005, (CE) n.º 247/2006, (CE) n.º 378/2007 e se derroga o Regulamento (CE) n.º 1782/2003, materializouse aplicando o acordo aprobado na Conferencia Sectorial de Agricultura e Desenvolvemento Rural o 20 de abril de 2009 mediante dous reais decretos. O Real decreto 66/2010, do 29 de xaneiro, sobre a aplicación no ano 2010 e 2011 dos pagamentos directos á agricultura e á gandaría, e as súas posteriores modificacións, e o Real decreto 1680/2009, do 13 de novembro, sobre a aplicación do réxime do pagamento único na agricultura e a integración de determinadas axudas agrícolas neste a partir do ano 2010.

Do dito acordo emanaban igualmente as decisións de España en relación coas medidas do artigo 69 do Regulamento (CE) n.º 1782/2003 do Consello, do 29 de setembro, polo que se establecen disposicións comúns aplicables aos réximes de axuda directa no marco da política agraria común e se instauran determinados réximes de axuda para as ir adaptando ao artigo 68 do Regulamento 73/2009.

Desta maneira, a partir do 1 de xaneiro 2012, case todos os pagamentos directos pasarán a ser desligados, quedando algúns réximes de axuda ligados á produción e outros sectores que seguirán recibindo unha axuda específica vía artigo 68 do Regulamento (CE) n.º 73/2009 do Consello, do 19 de xaneiro de 2009. Isto fai necesaria a publicación dun novo real decreto sobre a aplicación dos pagamentos directos a partir do ano 2012, e a derogación do Real decreto 66/2010, do 29 de xaneiro.

A regulación básica aplicable ao réxime de pagamento único, contida neste real decreto, dítase en desenvolvemento e facendo uso da potestade regulamentaria habilitada polo artigo 120 da Lei 62/2003, do 30 de decembro, de medidas fiscais, administrativas e da orde social, e de acordo coa disposición derradeira sexta da Lei 45/2007, do 13 de decembro, para o desenvolvemento sustentable do medio rural, que faculta o Goberno para ditar cantas disposicións sexan necesarias para o desenvolvemento e execución da dita lei nas materias competencia do Estado.

Con vistas a posibilitar un control eficaz, dispónse a identificación única dos produtores que presenten solicitudes para diferentes réximes de axuda e a identificación das parcelas agrícolas utilizando as técnicas do sistema de información xeográfica de parcelas agrícolas. Así mesmo, establécese unha única solicitude para todos os réximes de axuda que solicite o agricultor, incluído o réxime do pagamento único.

Así mesmo, para amortecer os efectos do proceso de reestruturación regulada polo Regulamento (CE) n.º 320/2006 do Consello, do 20 de febreiro de 2006, polo que se establece un réxime temporal para a reestruturación do sector do azucre na Comunidade, débese manter a axuda prevista para os produtores de remolacha azucreira e cana de azucre por un período máximo de cinco anos consecutivos a partir da campaña 2009/2010.

En relación co sector dos froitos de casca cómpre que, no primeiro ano de aplicación de cambio de réxime de axudas, se manteña a axuda nacional por superficie, co obxecto de amortecer os efectos da disociación da axuda comunitaria, permitíndose así unha transición.

En aplicación do artigo 68 do Regulamento (CE) n.º 73/2009 do Consello, do 19 de xaneiro de 2009, procede conceder axudas específicas ata o 10 por cento do límite máximo nacional para abordar aspectos ambientais, de benestar animal e mellorar a calidade ou a comercialización dos produtos agrícolas, así como para atenuar as consecuencias da supresión da cota láctea e da disociación dalgúns sectores particularmente sensibles. Para poder cumprir coas obrigas internacionais, os recursos que se poidan destinar a calquera axuda asociada á produción débense limitar a un nivel apropiado.

Modifícase o Real decreto 486/2009, do 3 de abril, polo que se establecen os requisitos legais de xestión e as boas condicións agrarias e ambientais que deben cumprir os agricultores que reciban pagamentos directos no marco da política agrícola común, os beneficiarios de determinadas axudas de desenvolvemento rural e os agricultores que reciban axudas en virtude dos programas de apoio á reestruturación e reconversión e á prima por arrinca da viña, para incluír, con carácter obrigatorio a partir de xaneiro de 2012, a norma de creación de franxas de protección nas marxes dos cursos de auga.

Por outra parte, debido ao elevado número de regulamentos comunitarios e á súa extensión e complexidade, por seguridade xurídica considerouse necesario efectuar no texto as remisións concretas a eles.

Por último, non debe esquecerse que o 12 de outubro de 2011 a Comisión Europea presentou as propostas legislativas relativas á «PAC no horizonte de 2020», que constitúe a base dos debates sobre a reforma da PAC ata alcanzar o acordo que permita aplicar unha PAC reformada a partir de 2014, polo que é de esperar que esta nova normativa teña vixencia ata 2014.

Na elaboración da presente disposición foron consultadas as comunidades autónomas e as entidades representativas dos sectores afectados.

Na súa virtude, por proposta do ministro de Agricultura, Alimentación e Medio Ambiente, logo da aprobación do daquela vicepresidente do Goberno de Política Territorial e ministro de Política Territorial e Administracións Públicas, de acordo co Consello de Estado e logo de deliberación do Consello de Ministros na súa reunión do día 20 de xaneiro de 2012,

DISPOÑO:

TÍTULO I

Disposicións xerais

Artigo 1. *Obxecto e ámbito de aplicación.*

1. Este real decreto ten por obxecto establecer a normativa básica aplicable a partir do ano 2012 aos réximes de axuda comunitarios establecidos no Regulamento (CE) n.º 73/2009 do Consello, do 29 de xaneiro de 2009, polo que se establecen disposicións de política agrícola común e se instauran determinados réximes de axuda aos agricultores e polo que se modifican os regulamentos (CE) n.º 1290/2005, (CE) n.º 247/2006, (CE) n.º 378/2007 e se derroga o Regulamento (CE) n.º 1782/2003:

a) Pagamento único para os titulares de dereitos segundo o establecido no artigo 3, número 1, do Real decreto 1680/2009, do 13 de novembro, sobre a aplicación do réxime de pagamento único na agricultura e a integración de determinadas axudas agrícolas neste a partir do ano 2010, e de acordo co título II.

b) Réximes de axuda aos cultivos contidos no título III (axuda aos produtores de remolacha azucreira, axuda específica ao cultivo do algodón e axuda nacional aos froitos de casca).

c) Réximes de axuda por gando vacún contidos no título IV (prima por vaca nutriz).

d) Axudas específicas aos produtores por aplicación do artigo 68 do Regulamento (CE) n.º 73/2009 do Consello, do 19 de xaneiro, contidos no título V.

2. Así mesmo, establécense as bases para a aplicación en España do sistema integrado de xestión e control de determinados réximes de axudas comunitarios, de acordo co previsto no Regulamento (CE) n.º 73/2009 do Consello, do 19 de xaneiro.

3. Este real decreto será de aplicación en todo o territorio nacional, salvo na Comunidade Autónoma de Canarias, onde se aplicarán os seus programas específicos.

Artigo 2. *Definicións.*

Para os efectos deste real decreto, serán de aplicación as definicións establecidas no Real decreto 1680/2009, do 13 de novembro, sobre a aplicación do réxime de pagamento único e a integración de determinadas axudas agrícolas neste a partir do ano 2010, no Real decreto 2128/2004, do 29 de outubro, polo que se regula o sistema de información xeográfica de parcelas agrícolas, e no artigo 16 da Lei 45/2007, do 13 de decembro, para o desenvolvemento sustentable do medio rural.

Así mesmo, serán de aplicación as seguintes definicións:

a) «Autoridade competente»: o órgano competente da comunidade autónoma para a tramitación, resolución e pagamento das axudas. Será aquela en que radique a explotación ou a maior parte da superficie dela e en caso de non dispor de superficie onde se encontre o maior número de animais.

b) «Superficie agraria»: calquera superficie dedicada a terras de cultivo, pastos permanentes ou cultivos permanentes.

c) «Utilización»: a que se faga da superficie en termos de tipo de cultivo ou cuberta vexetal ou a ausencia deles.

d) «Terra de cultivo»: as terras dedicadas á produción de cultivos ou mantidas en boas condicións agrícolas e ambientais, con independencia de que se encontren en invernadoiro ou baixo protección fixa ou móbil.

e) «Cultivos permanentes»: os cultivos non sometidos á rotación de cultivo, distintos dos pastos permanentes que ocupen as terras durante un período de cinco anos ou máis e produzan colleitas repetidas, incluídos os viveiros e as árbores forestais de cultivo curto.

f) «Pastos permanentes»: as terras utilizadas para o cultivo de gramíneas ou outras forraxes herbáceas, xa sexan naturais (espontáneas) ou cultivadas (sementadas), e non incluídas na rotación de cultivos da explotación durante cinco anos ou máis, excluídas as terras retiradas de conformidade coa normativa comunitaria

g) «Parcela agrícola ou plantación»: superficie de terra continua en que un só agricultor cultiva un único cultivo.

h) «Período de retención»: o período durante o cal un animal se debe manter na explotación para poder percibir a axuda.

i) «Vaca nutriz»: a vaca que pertenza a unha raza cárnica ou que proceda dun cruzamento con algunha desas razas e que forme parte dun rabaño que estea destinado á cría de xatos para a produción de carne.

j) «Xovenca»: o bovino femia a partir da idade de oito meses que non pariu aínda.

k) «Pagamento ligado»: pagamento directo subordinado á produción dun produto específico.

l) «Ovella»: a femia da especie ovina que pariu polo menos unha vez ou que ten un ano de idade como mínimo en 1 de xaneiro do ano de presentación da solicitude única.

m) «Cabra»: a femia da especie cabrúa que pariu polo menos unha vez ou que ten un ano de idade como mínimo en 1 de xaneiro do ano de presentación da solicitude única.

Artigo 3. *Superación dos límites orzamentarios.*

1. Os pagamentos directos non poderán superar os límites máximos orzamentarios establecidos, se é o caso, para os réximes de axuda que figuran no artigo 1, nin o límite global establecido no anexo IV do Regulamento (CE) n.º 73/2009 do Consello, do 19 de xaneiro.

2. O Ministerio de Agricultura, Alimentación e Medio Ambiente, baseándose na información recibida da totalidade das comunidades autónomas correspondente a cada un dos réximes de axuda, verificará o respecto aos límites orzamentarios e comunicará ás comunidades autónomas o coeficiente que se deba aplicar aos importes que se pagarán por cada réxime de axuda ou, se é o caso, o importe unitario que se vaia aplicar.

3. Os remanentes que puidesen existir na aplicación anual das axudas específicas por aplicación do artigo 68 do Regulamento (CE) n.º 73/2009 do Consello, do 19 de xaneiro, recollidas no título V, estarán suxeitos á flexibilidade existente nos límites máximos orzamentarios establecidos regulamentariamente cada ano pola Comisión Europea.

Artigo 4. *Condiciónalidade.*

Todo beneficiario de calquera pagamento directo relacionado no artigo 1 terá que cumprir o establecido polo Real decreto 486/2009, do 3 de abril, polo que se establecen os requisitos legais de xestión e as boas condicións agrarias e ambientais que deben cumprir os agricultores que reciban pagamentos directos no marco da política agrícola común, os beneficiarios de determinadas axudas de desenvolvemento rural e os agricultores que reciban axudas en virtude dos programas de apoio á reestruturación e reconversión e á prima de arrinca da viña.

Artigo 5. *Modulación.*

1. A todo agricultor ao cal se lle deba conceder un montante total de pagamentos directos cuxo importe sexa superior a 5.000 euros, e soamente sobre o importe por riba dos ditos 5.000 euros, aplicaráselle unha redución do 10 por cento.

2. A porcentaxe de redución prevista no número 1 incrementarase en catro puntos porcentuais para os montantes dos pagamentos directos no que excedan de 300.000 euros.

Artigo 6. *Cláusula antielusión.*

Sen prexuízo de calquera disposición específica contida no réxime de axudas concreto, non se efectuará ningún pagamento a ningún beneficiario cando se demostre que este creou artificialmente as condicións requiridas para a concesión de tales pagamentos, con vistas a obter unha vantaxe contraria aos obxectivos do réxime de axuda.

TÍTULO II

Réxime de pagamento único

Artigo 7. *Beneficiarios e requisitos.*

Terán dereito a percibir o pagamento único os agricultores que posúan, en propiedade ou en réxime de arrendamento, dereitos de pagamento único conforme o establecido no artigo 3 do Real decreto 1680/2009, do 13 de novembro.

Os ditos agricultores deberán cumprir os seguintes requisitos:

1. Presentar a solicitude única establecida no artigo 84.

2. Na solicitude incluíranse os dereitos de pagamento único polos que o titular queira percibir o pagamento conforme o disposto no anexo I, que establece a información mínima que debe conter a solicitude. Os dereitos de axuda só poderán ser solicitados polo agricultor que os ten dispoñibles na data límite para a presentación da solicitude única ou que os recibe con posterioridade á dita data mediante cesión ou unha asignación de novos dereitos.

3. Cada dereito de axuda polo que se solicite o pagamento único deberase xustificar cunha hectárea admisible situada no territorio nacional, con excepción das situadas na Comunidade Autónoma de Canarias. Non obstante o anterior, os agricultores que soliciten o cobramento de dereitos excepcionais ou especiais de pagamento único quedan exentos da obriga de os xustificar con hectáreas admisibles, coa condición de que, no caso dos especiais, manteñan polo menos o 50 por cento da actividade exercida no período de referencia expresada en unidades de gando maior, no sucesivo UGM, e en caso dos dereitos excepcionais, sempre e cando se cumpran as normas e requisitos establecidos no número 5 do artigo 7 do Real decreto 1680/2009, do 13 de novembro.

Artigo 8. *Hectáreas admisibles.*

1. Considéranse hectáreas admisibles para efectos da xustificación dos dereitos normais de pagamento único as superficies agrarias da explotación, incluídas as superficies plantadas de plantas forestais de rotación curta que se utilicen para unha actividade agraria ou, cando a superficie se utilice igualmente para actividades non agrarias, se utilice predominantemente para actividades agrarias.

No anexo II especificanse os tipos de plantas forestais de rotación curta, e a súa densidade e ciclo máximo de colleita ou plantación.

Tamén se considerarán hectáreas admisibles as superficies utilizadas para xustificar dereitos de pagamento único no ano 2008 e que:

1.º Deixaron de cumprir a definición de «admissible» como consecuencia da aplicación das directivas 79/409/CEE do Consello, do 2 de abril de 1979, relativa á conservación das aves silvestres, e 92/43/CEE do Consello, do 21 de maio de 1992, relativa á conservación dos hábitats naturais e da fauna e flora silvestres, e da Directiva 2000/60/CE do Parlamento Europeo e do Consello, do 23 de outubro de 2000, pola que se establece un marco comunitario de actuación no ámbito da política de augas, ou que,

2.º durante o transcurso do correspondente compromiso de cada agricultor, sexa forestada de conformidade co artigo 31 do Regulamento (CE) n.º 1257/1999 do Consello, do 17 de maio de 1999, sobre a axuda ao desenvolvemento rural a cargo do Fondo Europeo de Orientación e de Garantía Agrícola (FEOGA), ou o artigo 43 do Regulamento (CE) n.º 1698/2005, do 20 de setembro de 2005, ou conforme un réxime nacional cuxas condicións se axusten ao disposto no artigo 43, números 1, 2 e 3, do dito regulamento e que,

3.º durante o transcurso do correspondente compromiso de cada agricultor, sexa unha superficie que se retirou da produción conforme os artigos 22 a 24 do Regulamento (CE) n.º 1257/1999, do 17 de maio de 1999, ou o artigo 39 do Regulamento (CE) n.º 1698/2005, do 20 de setembro de 2005.

2. As hectáreas cumprarán os criterios de admisibilidade en todo momento ao longo do ano natural en que se presenta a solicitude, excepto en caso de forza maior ou en circunstancias excepcionais.

3. De acordo co previsto no artigo 4, toda hectárea admisible deberá cumprir os requisitos legais de xestión e as boas condicións agrarias e ambientais en todo momento ao longo do ano natural en que se presenta a solicitude, excepto en caso de forza maior ou en circunstancias excepcionais. Para estes efectos, no caso de pastos permanentes, deberanse manter en condicións adecuadas evitando a súa degradación e invasión por matogueira, de acordo co establecido na norma 4 do anexo II do Real decreto 486/2009, xa sexa mediante o mantemento dun nivel mínimo de carga gandeira efectiva ou mediante a realización dun labor de mantemento adecuado que evite a degradación do pasto de que se trate e a súa invasión por matogueira.

Artigo 9. Utilización agraria das terras.

1. Os agricultores poderán utilizar as parcelas declaradas correspondentes ás hectáreas admisibles para xustificar o pagamento dos dereitos de pagamento único en calquera actividade agraria.

Non obstante o anterior, tamén serán admisibles as parcelas utilizadas para actividades non agrícolas sempre que a utilización predominante sexa a agrícola, de modo que a actividade se poida exercer sen estar obstaculizada pola intensidade, a natureza, a duración e o calendario da actividade non agrícola

2. No caso de destinar as parcelas ao cultivo do cânabo, só se poderán utilizar sementes certificadas das variedades que figuran no «Catálogo común das variedades de especies de plantas agrícolas» na data do 15 de marzo do ano respecto ao cal se concede o pagamento e publicadas de conformidade co artigo 17 da Directiva 2002/53/CE, referente ao Catálogo común das variedades das especies de plantas agrícolas, con excepción das variedades Finola e Tiborszallasi.

Artigo 10. Parcelas á disposición do agricultor.

As parcelas de hectáreas admisibles utilizadas para xustificar dereitos de axuda deberán estar á disposición do agricultor o 31 de maio do ano en que se solicita a axuda.

Artigo 11. Xustificación de dereitos especiais e excepcionais con superficie. Cambio de tipoloxía.

1. Os agricultores con dereitos especiais que decidan declarar un ou varios dereitos cun número de hectáreas admisibles correspondente deberano indicar expresamente na súa solicitude. Isto comporta un cambio na tipoloxía dos seus dereitos, que pasarán desde ese momento a considerarse dereitos de axuda normais, sen que poidan solicitar o restablecemento das condicións especiais para estes dereitos.

2. Os dereitos excepcionais que declare o agricultor pasarán a considerarse normais a partir do primeiro ano en que o agricultor declare un número de hectáreas suficientes para xustificalos total ou parcialmente. Os dereitos excepcionais asignados xustificaranse para o número de hectáreas admisibles que poidan optar á axuda, con anterioridade a calquera dereito de pagamento recibido posteriormente polo agricultor mediante cesión.

Artigo 12. Consideracións sobre a xustificación dos dereitos de axuda especiais.

1. Para determinar a utilización dos dereitos especiais xustificadas con actividade gandeira empregárase a información contida na base de datos informatizada creada de conformidade co Real decreto 728/2007, do 13 de xuño, polo que se establece e regula o Rexistro Xeral de Movementos de Gando e o Rexistro Xeral de Identificación Individual de Animais. No caso do gando ovino e cabrún, a comunidade autónoma poderá optar entre utilizar a información contida na dita base de datos ou utilizar os rexistros do libro de explotación establecidos no Real decreto 947/2005, do 29 de xullo, polo que se establece un sistema de identificación e rexistro dos animais das especies ovina e cabrúa. Segundo esa información:

a) Considerarase que se respectou o requisito relativo á actividade agraria mínima se se cumpre, polo menos, ese 50 por cento de actividade gandeira de media durante o período de retención da axuda ligada por vaca nutriz ou da axuda para compensar desvantaxes específicas que afectan os agricultores que manteñen vacas nutrices.

b) No caso de non solicitar a prima por vaca nutriz ou a axuda para compensar desvantaxes específicas que afectan os agricultores que manteñen vacas nutrices determinarase a media ponderada de animais presentes na explotación durante un período de doce meses que determinará a comunidade autónoma competente.

c) Sen prexuízo do disposto nos puntos anteriores, a autoridade competente poderá determinar que se cumpriu o requisito, comparando a actividade gandeira do ano en curso coa exercida durante o período de referencia.

2. Para considerar utilizados os dereitos especiais deberase cumprir o requisito de manter o 50 por cento da actividade do período de referencia calculado segundo se indica no punto 1 do anexo XI. De non se alcanzar a dita porcentaxe o dereito considerárase como non utilizado na súa totalidade, non se admitirá a utilización de fraccións e non será posible considerar as UGM que manteña o agricultor para calcular un número teórico de dereitos especiais utilizados. Para estes efectos, consideráranse dereitos de axuda especiais utilizados unicamente aqueles polos cales se concedeu o pagamento.

Artigo 13. *Utilización dos dereitos de axuda.*

1. Consideráranse dereitos de axuda utilizados aqueles xustificadas na solicitude única, cuxa superficie resulte determinada no sentido do sistema integrado de xestión e control previstos nos regulamentos (CE) n.º 1782/2003 e (CE) n.º 73/2009 do Consello e para a aplicación da condicionalidade prevista no Regulamento (CE) n.º 479/2008 do Consello, do 29 de abril de 2008, polo que se establece a organización común do mercado vitivinícola, se modifican os regulamentos (CE) n.º 1493/1999, (CE) n.º 1782/2003, (CE) n.º 1290/2005 e (CE) n.º 3/2008 e se derrogan os regulamentos (CE) n.º 2392/86 e (CE) n.º 1493/1999.

2. Para os efectos de utilización dos dereitos de axuda, considerárase que se utilizaron en primeiro lugar os dereitos de axuda normais de maior importe. Entre os dereitos de axuda de idéntico valor considerárase a súa utilización segundo a orde de numeración que posúan.

3. Cando un agricultor, despois de utilizar todos os dereitos de axuda completos posibles, necesite utilizar un dereito de axuda unido a unha parcela que represente unha fracción de hectárea, este último dereito de axuda lexitimárase para recibir unha axuda calculada proporcionalmente ao tamaño da parcela e considerárase completamente utilizado.

4. Se un solicitante de axudas por dereitos de pagamento único non activa eses dereitos durante dous anos consecutivos, estes pasarán á reserva nacional.

TÍTULO III

Réximes de axuda aos cultivos

Sección 1.ª Axuda específica ao cultivo do algodón

Artigo 14. *Obxecto, ámbito de aplicación e dotación.*

1. Concederárase unha axuda específica por hectárea admisible que cumpra os requisitos previstos no seguinte artigo aos produtores de algodón, de acordo co establecido no artigo 88 e seguintes do Regulamento (CE) n.º 73/2009 do Consello, do 19 de xaneiro.

2. A axuda será de 1.400 euros por hectárea de algodón para unha superficie básica nacional de 48.000 hectáreas.

3. O Ministerio de Agricultura, Alimentación e Medio Ambiente, en función da información de superficies recibidas das comunidades autónomas, calculará a eventual superación da superficie básica e comunicará ás comunidades autónomas o importe axustado da axuda.

Artigo 15. *Beneficiarios e requisitos.*

1. O Ministerio de Agricultura, Alimentación e Medio Ambiente establecerá, para cada ano de sementeira:

a) Os criterios obxectivos sobre a base dos cales as terras poderán ser recoñecidas para a axuda específica ao algodón. Os criterios deberanse basear na economía agrícola das rexións para as cales a produción de algodón é importante, o estado edafoclimático das superficies en cuestión, a xestión das augas de rega, as rotacións e as técnicas culturais susceptibles de respectar o ambiente.

b) As variedades de algodón que, estando recollidas no catálogo comunitario, se adapten ás necesidades do mercado.

c) As condicións de cultivo e técnicas agronómicas, incluída a densidade de plantación, que se deberán respectar, e que permitan manter e colleitar o cultivo en condicións normais, obtendo un produto de calidade sa, cabal e comercial. Considerarase que o algodón é de calidade sa, cabal e comercial cando sexa entregado e aceptado baixo control do órgano pagador para a súa ripaxe por unha ripadora previamente autorizada conforme o previsto no artigo seguinte.

2. Ademais, as autoridades competentes poderán establecer, ao abeiro do disposto nas normas comunitarias, outros criterios ou requisitos adicionais.

3. As autoridades competentes poderán establecer os rendementos mínimos de cultivo como factor indicativo no marco do cumprimento do artigo 30 do Regulamento (CE) n.º 73/2009 do Consello, do 19 de xaneiro.

4. Os agricultores porán á disposición das autoridades competentes cantos xustificantes permitan acreditar o cumprimento de todos os requisitos.

Artigo 16. *Ripadoras autorizadas e período de entregas.*

As ripadoras que desexen colaborar neste réxime de axudas deberano solicitar ante a autoridade competente da comunidade autónoma en que estean situadas.

Na solicitude deberán figurar expresamente os seguintes compromisos:

1. Levar a contabilidade das cantidades de algodón sen ripar recibido por produtor, e data de cada entrega e o seu contido en humidade e impurezas.

2. Responsabilizarse da exactitude e veracidade das operacións contabilizadas.

3. Ter homologados, de acordo coas normas en vigor, todos os equipamentos de medición, análise e pesaxe.

4. Pór á disposición do organismo de control a contabilidade para as comprobacións e controis necesarios.

5. As entregas de algodón poderanse realizar ás ripadoras autorizadas entre o 1 de setembro e o 31 de xaneiro.

A toma de mostras realizarase de acordo coas instrucións do organismo de control designado pola autoridade competente.

O algodón sen ripar que entre na ripadora non sairá dela salvo causa de forza maior e logo de comunicación á autoridade competente.

Artigo 17. *Organizacións interprofesionais autorizadas.*

1. Para o efecto do disposto no artigo 91 do Regulamento (CE) n.º 73/2009 do Consello, do 19 de xaneiro, consideraranse «organizacións interprofesionais autorizadas» as entidades xurídicas compostas por produtores de algodón cunha superficie non inferior a 4.000 hectáreas e, polo menos, unha ripadora. Os produtores que pertencen a unha organización interprofesional autorizada percibirán unha axuda adicional de dous euros por hectárea.

2. Corresponde ás autoridades competentes autorizar aquelas organizacións interprofesionais que o soliciten. En caso de que unha organización interprofesional comprenda superficies e ripadoras situadas en varias comunidades autónomas, a autoridade competente para a autorización será a da comunidade autónoma en que se sitúen a maioría das ripadoras.

3. Todos os anos, as autoridades competentes autorizarán antes do 15 de decembro, con respecto á sementeira do ano seguinte, toda organización interprofesional que o solicite e reúna as condicións que se establecen no Regulamento (CE) n.º 1121/2009 da Comisión, do 29 de outubro de 2009.

Na solicitude deberá constar, polo menos, o seguinte: datos persoais e cargo que representa na entidade o solicitante, datos da entidade á cal representa, acreditación do número de ripadoras, de produtores e de hectáreas susceptibles de seren sementadas de algodón que representa, e estatutos e regras de funcionamento interno da entidade.

Sección 2.^a Axuda aos produtores de remolacha azucreira

Artigo 18. Obxecto, ámbito de aplicación e dotación.

1. Concederáse unha axuda aos produtores de remolacha azucreira por azucre producido ao abeiro de cotas, asignadas mediante orde ministerial, nas campañas de comercialización 2011/2012 a 2013/2014.

2. A axuda concederáse en función da cantidade de azucre de cota obtida a partir da remolacha azucreira subministrada conforme contratos de subministración. Inclúese o traslado de excedentes do ano anterior segundo o establecido no artigo 63 do Regulamento (CE) n.º 1234/2007 do Consello, do 22 de outubro de 2007, polo que se crea unha organización común de mercados agrícolas e se establecen disposicións específicas para determinados produtos agrícolas.

3. A axuda será de 48,2481 euros por tonelada de azucre branco de calidade corrente.

Artigo 19. Beneficiarios e requisitos.

1. Os produtores de remolacha azucreira que desexen obter a axuda deberán presentar os contratos formalizados coas industrias azucreiras na campaña correspondente á autoridade competente, como máis tarde o 15 de maio para a sementeira primaveral, e o 1 de decembro para a sementeira outonal do ano en que se realiza a solicitude única.

Non obstante, a autoridade competente poderá solicitar directamente das industrias azucreiras a información correspondente aos referidos contratos.

2. As industrias azucreiras deberán levar unha contabilidade específica das entregas para cada agricultor co cal teñan establecido un contrato de subministración e responderán da veracidade dos datos de cada entrega.

Antes do 10 de setembro do ano seguinte á solicitude única, as industrias azucreiras que transformen remolacha mediante contrato para producir azucre de cota enviarán ás autoridades competentes unha relación de todos os produtores e as súas entregas en quilos, expresadas en azucre de cota de calidade corrente. A autoridade competente, receptora dos datos anteriores, remitirá á autoridade competente que corresponda a información relativa a datos das solicitudes únicas non presentadas no seu ámbito territorial.

Sección 3.^a Axuda nacional aos froitos de casca

Artigo 20. Obxecto e ámbito de aplicación.

Os agricultores con plantacións de amendoeira, abeleira, nogueira, pistacho e alfarrobeira que cumpran as condicións que se recollen no seguinte punto poderanse beneficiar dunha axuda nacional por superficie para o ano 2012.

Artigo 21. *Beneficiarios e requisitos.*

Para ter dereito á axuda nacional, as superficies deben cumprir os seguintes requisitos:

1. Teren unha densidade mínima por hectárea de 80 árbores para amendoeira, 150 para abeleira e pistacho, 60 para nogueira e 30 para alfarrobeira.
2. Estaren incluídas entre os recursos produtivos dunha organización ou agrupación de produtores recoñecida para algunha das categorías que inclúan os froitos de casca conforme o artigo 125 ter do Regulamento (CE) n.º 1234/2007 do Consello, do 22 de outubro de 2007.
3. Teren unha superficie mínima por parcela de 0,1 hectárea.

Artigo 22. *Importe das axudas e financiamento.*

1. O Ministerio de Agricultura, Alimentación e Medio Ambiente concederá unha axuda por superficie cuxa contía máxima será de 60,375 euros/ha e ano, suxeita ás dispoñibilidades orzamentarias. Esa axuda poderase conceder para unha superficie máxima en España de 568.200 hectáreas.

2. As comunidades autónomas en cuxo territorio existan plantacións de froitos de casca poderán conceder, con cargo aos seus fondos, outra axuda por superficie cuxa contía máxima será de 60,375 euros/ha e ano. Esta axuda será aboada ao agricultor pola comunidade autónoma onde estean situadas as parcelas de froitos de casca.

Así pois, a axuda nacional poderá ascender como máximo a 120,75 euros/ha e ano.

3. A axuda financiada polo Ministerio de Agricultura, Alimentación e Medio Ambiente transferirase ás comunidades autónomas correspondentes, de acordo coa dispoñibilidade orzamentaria existente, conforme o establecido no artigo 86 da Lei 47/2003, do 26 de novembro, xeral orzamentaria.

Para estes efectos, o Ministerio de Agricultura, Alimentación e Medio Ambiente transferirá ás comunidades autónomas os importes necesarios para afrontar o pagamento da súa axuda correspondente, baseándose nas superficies para as que se solicitou axuda, no importe previsto e nos posibles remanentes que existan de transferencias anteriores.

TÍTULO IV

Réximes de axuda por gando vacún

Artigo 23. *Identificación e rexistro do gando.*

Para que un animal poida dar dereito a percibir algunha das axudas descritas no presente título deberá estar identificado e rexistrado conforme as disposicións do Real decreto 1980/1998, do 18 de setembro, polo que se establece un sistema de identificación e rexistro dos animais da especie bovina. A explotación a que pertencen os animais susceptibles de percibir a axuda deberá cumprir as disposicións establecidas no Real decreto 479/2004, do 26 de marzo, polo que se establece o Rexistro Xeral de Explotacións Gandeiras.

Artigo 24. *Uso ou tenza de substancias prohibidas.*

1. Cando, en aplicación do Real decreto 1749/1998, do 31 de xullo, polo que se establecen as medidas de control aplicables a determinadas substancias e os seus residuos nos animais vivos e os seus produtos, se detecten substancias prohibidas, en virtude do Real decreto 2178/2004, do 12 de novembro, polo que se prohíbe utilizar determinadas substancias de efecto hormonal e tireostático e substancias betagonistas de uso na cría de gando, ou de substancias utilizadas ilegalmente, nun animal pertencente ao gando bovino dun agricultor, ou cando se encontre unha substancia ou un produto

autorizado, pero posuído de forma ilegal na explotación deste agricultor, en calquera forma, este quedará excluído do beneficio dos importes das primas solicitadas durante a campaña correspondente e previstos nas disposicións do presente título, sen prexuízo das responsabilidades de toda índole que poidan derivar, especialmente as previstas na Lei 8/2003, do 24 de abril, de sanidade animal.

En caso de reincidencia, o período de exclusión prorrogarase, en función da gravidade da infracción, ata cinco anos a partir do ano en que se detectou a reincidencia.

2. En caso de obstrución, por parte do propietario ou do posuidor dos animais, das inspeccións e das tomas de mostras necesarias para a aplicación dos plans nacionais de control de residuos, así como das investigacións e controis recollidos no Real decreto 1749/1998, do 31 de xullo, aplicaranse as exclusións previstas no número 1.

3. Calquera autoridade que, no exercicio das súas competencias, detecte algunha das anomalías establecidas nos números anteriores, deberao comunicar ás autoridades competentes da xestión e do control das primas gandeiras.

Artigo 25. *Tipos de primas, contía e límites.*

As axudas por vaca nutriz establecidas no artigo 111 do Regulamento (CE) n.º 73/2009 do Consello, do 19 de xaneiro, son de dous tipos, prima por vaca nutriz cuxo importe unitario base é de 186,00 euros por cabeza e prima complementaria por vaca nutriz cuxo importe unitario é de 22,46 euros por cabeza.

Os límites nacionais determinaranse atendendo ao establecido no artigo 53 do Regulamento (CE) n.º 73/2009 do Consello, do 19 de xaneiro, e na sección 11 do título IV.

Artigo 26. *Prima por vaca nutriz.*

1. O gandeiro que manteña vacas nutrices, logo de solicitude, incluída dentro da solicitude única, poderá obter a prima por vaca sempre que reúna os seguintes requisitos:

a) Ter asignado un límite máximo individual de dereitos de prima, de acordo co establecido no Real decreto 1839/1997, do 5 de decembro, polo que se establecen as normas para a realización de transferencias e cesións de dereitos de prima e para o acceso ás reservas nacionais respecto aos gandeiros de ovino e cabrún e dos que manteñen vacas nutrices.

b) Non ter vendido leite ou produtos lácteos da súa explotación durante os doce meses seguintes á presentación da solicitude ou, se o venden, que teñan unha cantidade de referencia individual, dispoñible en 31 de marzo do ano de solicitude da prima, inferior ou igual a 120.000 quilogramos.

c) Respetar o período de retención correspondente, para o cal o produtor deberá ter mantido na súa explotación, durante polo menos seis meses sucesivos a partir do día seguinte ao da presentación da solicitude, un número de vacas nutrices polo menos igual ao 60 por cento do número total de animais polo que se solicita a prima e un número de xovencas que non supere o 40 por cento do citado número total. Calquera variación do número de animais obxecto de solicitude, incluído o seu traslado, deberá ser comunicado polo solicitante á autoridade competente na forma en que esta determine.

En caso de que o cálculo do número máximo de xovencas, expresado en forma de porcentaxe, dea como resultado un número fraccionario de animais, o dito número arredondarase á unidade inferior se é inferior a 0,5 e ao número enteiro superior se é igual ou superior a 0,5.

2. Serán obxecto de axuda as vacas nutrices e as xovencas que pertencan a unha raza cárnica ou procedan dun cruzamento cunha destas razas e que formen parte dun rabaño destinado á cría de xatos para a produción de carne. Para estes efectos, non se considerarán vacas ou xovencas de raza cárnica as das razas bovinas enumeradas no anexo IV do Regulamento (CE) n.º 1121/2009 da Comisión, do 29 de outubro de 2009.

3. Cando na explotación se venda leite, para determinar o número de cabezas con dereito a prima, a pertenza dos animais ao censo de vacas leiteiras ou ao de nutrices

establecerase mediante a relación entre a cantidade de referencia do beneficiario e o rendemento leiteiro medio para España establecido no anexo V do Regulamento (CE) n.º 1121/2009 da Comisión, do 29 de outubro de 2009.

Non obstante, os produtores que acrediten ante a autoridade competente un rendemento leiteiro superior poderán utilizar este último para a realización do cálculo.

Artigo 27. *Prima complementaria por vaca nutriz.*

1. Os beneficiarios da prima por vaca nutriz poderán obter unha prima complementaria, para o mesmo número de cabezas.

2. O financiamento desta prima complementaria efectuarase da seguinte forma:

a) Con cargo ao Fondo Europeo Agrícola de Garantía (Feaga) se as explotacións se encontran nalgunha das rexións establecidas na normativa comunitaria para o efecto, en particular, o Regulamento (CE) n.º 1082/2006 do Consello, do 11 de xullo de 2006, polo que se establecen as disposicións xerais relativas ao Fondo Europeo de Desenvolvemento Rexional, ao Fondo Social Europeo e ao Fondo de Cohesión, e se derroga o Regulamento (CE) n.º 1260/1999 e disposicións de desenvolvemento da dita normativa, en concreto a Decisión da Comisión do 4 de agosto de 2006, 2006/595/CE, pola que se establece a lista das rexións que poden recibir financiamento dos fondos estruturais conforme o obxectivo de converxencia para o período 2007-2013, e a Decisión 2006/597/CE, pola que se establece a lista das rexións que poden recibir financiamento dos fondos estruturais de forma transitoria e específica conforme o obxectivo de competitividade rexional e emprego para o período 2007-2013.

b) Con cargo aos orzamentos xerais do Estado, que se transferirán ás comunidades autónomas de acordo co disposto no número 2 do artigo 86 da Lei 47/2003, do 26 de novembro, se as explotacións se sitúan noutras rexións e sempre supeditada ás dispoñibilidades orzamentarias correspondentes.

TÍTULO V

Axudas específicas por aplicación do artigo 68 do Regulamento (CE) n.º 73/2009 do Consello, do 19 de xaneiro

CAPÍTULO I

Axuda aos agricultores que exerzan actividade agrícola

Sección 1.ª Programa nacional para o fomento de rotacións de cultivo en terras de secaño

Artigo 28. *Obxecto, ámbito de aplicación e dotación.*

1. En virtude do número 1, letra a), inciso v), do artigo 68 do Regulamento (CE) n.º 73/2009 do Consello, do 19 de xaneiro, concederase unha axuda específica, que adoptará a forma de pagamento por explotación, aos agricultores que produzan, conforme o establecido na presente sección, os cultivos herbáceos elixibles recollidos no anexo III.

Esta axuda específica cumpre as disposicións establecidas no Regulamento (CE) n.º 1120/2009, do 29 de outubro, que establece disposicións de aplicación do réxime de pagamento único previsto no título III do Regulamento (CE) n.º 73/2009 do Consello polo que se establecen disposicións comúns aplicables aos réximes de axuda directa aos agricultores no marco da política agrícola común e se instauran determinados réximes de axuda aos agricultores.

O obxectivo do programa é inverter a forte tendencia dos últimos anos cara ao monocultivo de cereal, implantando de novo as tradicionais rotacións de cultivo mediante a introdución de oleaxinosas, proteaxinosas e leguminosas nas alternativas.

2. O programa terá como ámbito de aplicación a superficie de secaño situada en comarcas con IRC (índice de rendemento comarcal) para cereais en secaño, menor ou igual a 2 toneladas por hectárea (en diante, t/ha), no Plan de Rexionalización Produtiva de España, que figuran no anexo IV.

A superficie elixible, para efectos da axuda recollida nesta sección, será a suma das superficies determinadas en 2007 para o pagamento da axuda ligada aos produtores de cultivos herbáceos, para a xustificación do cobramento dos dereitos de axuda de retirada e para a xustificación do cumprimento dos índices comarcais de barbeito tradicional, de conformidade co título I do Real decreto 1618/2005, do 30 de decembro, sobre aplicación do réxime de pagamento único e outros réximes de axuda directa á agricultura e á gandaría.

Para efectos da axuda recollida na presente sección, considerarase superficie con dereito a pagamento a superficie elixible solicitada, incluídas as hectáreas correspondentes ao cumprimento dos IBS (índices de barbeito simplificado), expresados en hectáreas de barbeito por cada 100 hectáreas solicitadas con dereito a pagamento, que figuran no anexo V, diferenciados por IRC. Se non se respectase este valor, a superficie de cultivo pola que se solicita o pagamento por explotación obxecto do programa reducirase proporcionalmente ata alcanzar o índice de barbeito correspondente.

O barbeito deberase realizar sobre hectáreas elixibles, de acordo coas seguintes directrices:

a) O barbeito realizarase mediante os sistemas tradicionais de cultivo, de mínima labra ou mantendo unha cuberta vexetal adecuada, tanto espontánea como cultivada, para minimizar os riscos de erosión, de aparición de incendios, malas herbas, pragas e enfermidades, conservar o perfil salino do solo, a súa capacidade produtiva e favorecer o incremento da biodiversidade.

b) As aplicacións de herbicidas autorizados serán efectuadas con aqueles que non teñan efecto residual e sexan de baixa perigosidade.

c) No caso de manter unha cuberta vexetal, esta non poderá ser utilizada para a produción de sementes nin aproveitada con fins agrarios, excepto para o pastoreo, antes do 31 de xullo do ano de presentación da solicitude única ou antes do 15 de xaneiro seguinte para producir cultivos destinados a seren comercializados.

A superficie determinada será igual á superficie da que se comprobou que efectivamente ten dereito a pagamento tras superar os controis pertinentes. Esta superficie non superará as 100 hectáreas por beneficiario.

3. A dotación orzamentaria do programa será de 50.000.000 euros para o ano 2012 e 54.100.000 euros para 2013.

Artigo 29. *Beneficiarios e requisitos.*

Poderán ser beneficiarios do pagamento por explotación, tal como se define no artigo 30, os agricultores que o soliciten anualmente na solicitude única e cumpran cos seguintes requisitos:

a) Solicitar anualmente na solicitude única, no modo e maneira establecidos, o dito pagamento pola superficie determinada da explotación que cumpra co establecido no artigo 28.

b) Cultivar con cultivos herbáceos elixibles, dos recollidos no anexo III, e conforme as prácticas locais toda a superficie con dereito a pagamento, excepto aquela que sirva para xustificar o respecto aos IBS, pola que se solicita a axuda. Co fin de dar tempo suficiente para a realización dos controis regulamentarios, o cultivo deberase manter como mínimo ata o 31 de maio ou, se é o caso, ata a data establecida pola comunidade autónoma.

c) Cultivar polo menos o 20 por cento das hectáreas cultivadas a que se refire o parágrafo anterior coas oleaxinosas, proteaxinosas e/ou leguminosas elixibles citadas no anexo III, columnas 2, 3 e 4.

Artigo 30. Pagamento por explotación.

1. O pagamento por explotación calcularase para cada beneficiario como a suma:
 - a) dos produtos dos montantes de base da axuda por hectárea para as 50 primeiras hectáreas, polo número de hectáreas determinadas ata un máximo de 50 por beneficiario, e
 - b) dos produtos dos montantes de base da axuda por hectárea que excedan as 50 hectáreas e ata un máximo de 100, polo número de hectáreas determinadas que excedan as 50 pagadas en virtude da letra a) e ata un máximo doutras 50 por beneficiario, e
 - c) se é o caso, do produto do montante da axuda por hectárea do complemento 1 polo número de hectáreas determinadas, e
 - d) se é o caso, do produto do montante da axuda por hectárea do complemento 2 polo número de hectáreas determinadas.

2. Sen prexuízo do disposto no artigo 3, o Ministerio de Agricultura, Alimentación e Medio Ambiente, segundo a información subministrada polas autoridades competentes de acordo co establecido na letra f) do punto 2 do artigo 97, calculará e comunicará ás comunidades autónomas os montantes da axuda base por hectárea para os dous tramos de volume de superficie, así como os montantes de axuda por hectárea para o complemento 1 e o complemento 2.

Artigo 31. Cálculo do montante base da axuda por hectárea.

1. O montante base da axuda por hectárea será de 60 euros/hectárea para todas as hectáreas determinadas con dereito a pagamento ata un límite de 100 hectáreas por beneficiario e de 833.333 ha en 2012 e de 901.666 ha en 2013, para a totalidade dos beneficiarios.
2. En caso de se superar o límite de superficie para a totalidade dos beneficiarios, aplicaranse os seguintes criterios de priorización por volume de superficie determinada para o cálculo do montante base da axuda por hectárea:
 - a) Para as 50 primeiras hectáreas determinadas por beneficiario o montante base da axuda por hectárea será igual ao cociente entre a dotación orzamentaria do presente programa e o número de hectáreas determinadas tendo en conta só as ditas 50 hectáreas por beneficiario cun máximo de 60 euros/hectárea.
 - b) No caso de que unha vez calculado o montante da axuda ás primeiras 50 hectáreas por beneficiario, de conformidade co punto anterior, non se esgote a dotación orzamentaria do programa, concederáse unha axuda ás hectáreas determinadas que excedan as ditas hectáreas e ata un máximo de 50, e o montante base desta axuda será igual á dotación orzamentaria do programa, unha vez descontados os importes resultantes da aplicación da letra a), entre o número de hectáreas determinadas e non pagadas en virtude do dito punto, cun máximo de 60 euros/hectárea.

Artigo 32. Beneficiarios e cálculo do montante da axuda por hectárea do complemento 1.

1. Poderanse beneficiar do complemento 1, por un número de hectáreas igual ás determinadas para o pagamento da axuda base, aqueles beneficiarios do programa que incrementen en 5 puntos porcentuais o compromiso establecido na letra c) do artigo 29.
2. O montante da axuda do complemento 1 unicamente se concederá no caso de que unha vez calculado o montante da axuda para as primeiras 100 hectáreas, de conformidade co artigo anterior, non se esgote a dotación orzamentaria, caso en que se calculará dividindo a dotación orzamentaria do presente programa, unha vez restados os importes correspondentes ao pagamento do montante base da axuda por hectárea a que se refire o artigo anterior, entre o número de hectáreas determinadas para os beneficiarios a que fai referencia o punto anterior, cun máximo de 20 euros/hectárea.

Artigo 33. *Beneficiarios e cálculo do montante da axuda do complemento 2.*

1. Poderanse beneficiar do complemento 2 os beneficiarios do complemento 1, por un número igual de hectáreas, que dediquen o mínimo do 25 por cento de superficie con dereito a pagamento ao cultivo dunha ou varias das leguminosas elixibles que figuran no anexo III, columna 4.

2. O montante da axuda do complemento 2 unicamente se concederá no caso de que unha vez calculados os montantes da axuda para as primeiras 100 hectáreas, de conformidade co artigo 31, así como do complemento 1, de acordo co artigo 32, non se esgote a dotación orzamentaria, caso en que se calculará dividindo a dotación orzamentaria do presente programa, unha vez restados os importes correspondentes tanto ao pagamento do montante base da axuda por hectárea a que se refire o artigo 31, como ao pagamento do complemento 1, entre o número de hectáreas determinadas para os beneficiarios a que fai referencia o punto anterior, cun máximo de 20 euros/hectárea.

3. Non serán, en ningún caso, hectáreas con dereito a pagamento do complemento 2 aquelas con que se xustifique o cobramento da axuda prevista no Programa nacional para a calidade dos legumes que se describe na sección 2.^a do presente capítulo.

Artigo 34. *Priorización da axuda por explotación por continuidade no programa.*

1. A partir do segundo ano de aplicación do programa, serán considerados prioritarios da axuda por explotación a que se refire o programa os beneficiarios do ano anterior.

Así, procederase en primeiro lugar ao pagamento das hectáreas determinadas, solicitadas no ano en curso, polos beneficiarios do ano anterior ata un máximo das efectivamente pagadas no dito ano.

Posteriormente, procederase ao cálculo dos montantes base da axuda por hectárea para novos beneficiarios ou para novas hectáreas incorporadas por beneficiarios do ano anterior, no modo establecido no artigo 31, unha vez descontados á dotación orzamentaria do programa e en cada un dos puntos os importes resultantes da aplicación do parágrafo anterior, e ás hectáreas determinadas as pagadas en virtude daquel.

2. En ningún caso o montante base de axuda por hectárea superará no ano en curso o aplicado aos beneficiarios do ano anterior no dito ano en curso, polo que se deberán igualar ambos montantes se o resultado dos cálculos establecidos así o determinase.

3. O cálculo do complemento 1 e do complemento 2 a que fan referencia os artigos 32 e 33 será calculado do modo establecido neles unha vez descontados á dotación orzamentaria do programa os importes resultantes da aplicación dos parágrafos anteriores do presente artigo, e á superficie determinada para o pagamento dos ditos complementos a xa complementada en virtude do segundo parágrafo do número 1 do presente artigo.

Artigo 35. *Ruptura de compromisos agroambientais para os beneficiarios.*

As comunidades autónomas que opten por modificar as medidas agroambientais contidas nos seus programas de desenvolvemento rural, co obxecto de delimitalas xeograficamente a aquelas superficies situadas en comarcas de índice de rendemento comarcal de máis de 2 t/ha para os cereais en secaño, poderán por fin aos compromisos agroambientais das medidas suprimidas sen que os beneficiarios estean obrigados a reembolsar os importes recibidos, sempre que se cumpra co establecido no número 3 do artigo 39 do Regulamento (CE) n.º 1698/2005 do Consello, do 20 de setembro.

Sección 2.^a Programa nacional para o fomento da calidade dos legumes

Artigo 36. *Obxecto, ámbito de aplicación e dotación.*

1. En virtude do número 1, letra a), inciso ii), do artigo 68 do Regulamento (CE) n.º 73/2009 do Consello, do 19 de xaneiro, concederase unha axuda específica, que adoptará

a forma de pagamento por explotación, aos agricultores que produzan, conforme o establecido na presente sección, leguminosas de consumo humano das establecidas na parte I do anexo VI.

Esta axuda específica cumpre as disposicións establecidas no Regulamento (CE) n.º 1120/2009, do 29 de outubro, que establece disposicións de aplicación do réxime de pagamento único previsto no título III do Regulamento (CE) n.º 73/2009 do Consello polo que se establecen disposicións comúns aplicables aos réximes de axuda directa aos agricultores no marco da política agrícola común e se instauran determinados réximes de axuda aos agricultores.

O programa ten como obxectivo o fomento e a defensa dunha produción de calidade no sector dos legumes.

2. O programa terá como ámbito de aplicación a superficie dedicada á produción de leguminosas de gran de consumo humano e como superficie elixible a rexistrada ou en trámite de rexistro en denominacións de orixe protexidas (en diante, DOP), indicacións xeográficas protexidas (en diante, IXP), que se producen no marco regulamentario da agricultura ecolóxica, ou en denominacións de calidade diferenciada recoñecidas a nivel nacional ou privado e enumeradas, na data do 1 de febreiro do ano de presentación da solicitude, na parte II do anexo VI.

3. A dotación orzamentaria do programa será de 1.000.000 de euros ao ano.

Artigo 37. *Pagamento por explotación.*

O pagamento por explotación calcularase como o produto do importe da axuda base por hectárea polo número de hectáreas determinadas para o cobramento da axuda máis, se é o caso, o importe por hectárea do complemento para DOP e IXP polo número de hectáreas determinadas, rexistradas ou en proceso de rexistro baixo as ditas denominacións e/ou, se é o caso, o importe por hectárea do complemento para o resto de denominacións de calidade polo número de hectáreas determinadas, rexistradas ou en proceso de rexistro baixo as ditas denominacións.

O importe máximo anual por explotación será de 3.000 euros.

Artigo 38. *Beneficiarios e requisitos.*

Poderán ser beneficiarios do pagamento por explotación os agricultores que o soliciten anualmente na solicitude única pola superficie da explotación que cumpra co establecido no artigo 36 e estean inscritos, ou en proceso de inscrición, nalgunha denominación de calidade das relacionadas, na data do 1 de febreiro do ano da presentación da solicitude, na parte II do anexo VI.

Para tal efecto, cada consello regulador ou entidade acreditativa da produción agrícola ecolóxica ou outras denominacións de calidade diferenciada das incluídas na parte II do anexo VI deberán remitir antes do 30 de xuño do ano en curso, á autoridade competente, os NIF dos agricultores inscritos ou en trámite de inscrición en denominacións de calidade diferenciada para os legumes, así como a superficie rexistrada por cada un deles.

Os beneficiarios do pagamento por explotación deberán cumprir os seguintes requisitos obrigatorios:

- a) Solicitar anualmente na solicitude única, no modo e maneira establecidos, o dito pagamento.
- b) Cultivar con leguminosas de gran pertencentes a algunha das denominacións de calidade recollidas na parte II do anexo VI a totalidade da superficie pola cal se solicita a axuda. Permitiranse sistemas de produción asociados se o prego de condicións da denominación de calidade diferenciada así o exige nos seus métodos de produción.

Para se poder acoller a esta axuda, as denominacións de calidade diferenciada recoñecidas a nivel nacional ou privado a que se refire o artigo 36 deberán cumprir co establecido no artigo 22.2 do Regulamento (CE) n.º 1974/2006 da Comisión, do 15 de decembro, polo que se establecen disposicións de aplicación do Regulamento (CE) n.º

1698/2005 do Consello, do 20 de setembro. Con tal obxecto, a inclusión das ditas denominacións na parte II do anexo VI deberá ser aceptada pola Dirección Xeral de Producións e Mercados Agrarios, para o que a produción do legume en cuestión debe estar suxeita a un regulamento técnico específico e a controis específicos efectuados por un organismo independente. O legume debe pertencer a algunha das especies elixibles recollidas na parte I do anexo VI.

Para tal fin, toda denominación de calidade diferenciada que desexe ser incluída na parte II do anexo VI deberá remitir, antes do 1 de outubro, a información acreditativa do anteriormente exposto á Dirección Xeral de Producións e Mercados Agrarios do Ministerio de Agricultura, Alimentación e Medio Ambiente para que os seus agricultores inscritos poidan pedir esta axuda na solicitude única do seguinte ano.

Artigo 39. Importe da axuda base por hectárea.

1. A axuda base por hectárea será de 100 euros.
2. A superficie de base total será de 10.000 hectáreas, dividida en 3 subsuperficies:
 - a) Subsuperficie de base 1: DOP, IXP: 4.000 hectáreas.
 - b) Subsuperficie de base 2: agricultura ecolóxica: 5.500 hectáreas.
 - c) Subsuperficie de base 3: outras denominacións de calidade diferenciada distintas das anteriores: 500 hectáreas.

3. Sen prexuízo do establecido no artigo 3, en caso de que a superficie determinada para a axuda supere a superficie de base total, efectuarase unha redución lineal en cada un dos tramos de subsuperficie de base proporcional ao seu exceso unha vez compensados, se é o caso, con posibles déficits de superficie determinada nalgún tramo de subsuperficie, os excesos de superficie determinada no outro. Compensaranse prioritariamente os excesos na subsuperficie de base 1.

Se, froito da aplicación do parágrafo anterior, o factor de redución lineal de superficie para as superficies baixo DOP e IXP resultase superior ao obtido para as de agricultura ecolóxica, ambos os factores se igualarían. De igual maneira se procederá se o factor de redución lineal de superficie para as superficies de agricultura ecolóxica resultase superior ao obtido para as doutras denominacións de calidade diferenciada.

Artigo 40. Complemento para DOP e IXP.

1. Se a superficie determinada para a axuda base é menor á superficie base total, concederase un complemento da axuda ás superficies determinadas, rexistradas ou en trámite de rexistro, baixo DOP e IXP.

2. Ese complemento será o resultado de multiplicar a axuda base por hectárea polo coeficiente que resulta do cociente entre a superficie de base, unha vez deducida a superficie determinada, e o número de hectáreas determinadas correspondentes á subsuperficie de base 1, multiplicado por 100.

3. O montante por hectárea do complemento non superará os 50 euros/hectárea e igualarase ao dito importe se o resultado dos cálculos establecidos no número anterior dese un importe superior. Neste caso concederase un complemento adicional ao resto de superficies determinadas baixo outras denominacións de calidade diferenciada de igual contía por hectárea para todas elas por importe máximo de 50 euros/hectárea.

Sección 3.^a Programa nacional para o fomento de actividades agrícolas específicas que reporten maiores beneficios agroambientais en determinadas especies do sector dos froitos de casca

Artigo 41. Obxecto, ámbito de aplicación e dotación.

1. En virtude do número 1, letra a), inciso v), do artigo 68 do Regulamento (CE) n.º 73/2009 do Consello, do 19 de xaneiro, apróbase un programa para o fomento de

actividades agrícolas específicas que reporten maiores beneficios agroambientais no sector dos froitos de casca, polo que se concederán unhas axudas específicas aos agricultores que produzan améndoas, abelás, noces e alfarrobas, no período 2012 e 2013.

2. O obxectivo do programa é reducir a contaminación atmosférica que se produce queimando no campo os residuos vexetais resultantes da poda, sen obter contrapartida ningunha.

Por outra parte, débense ter en conta as dificultades existentes para conseguir a autorización necesaria para realizar a queima ordenada dos residuos, o que require un traballo engadido para amontoalos nun lugar adecuado, cos conseguintes riscos de que se xeren pragas e enfermidades, así como de que se propague un incendio pola propia acción de queimar a ramallada.

Todo isto dá lugar a que existan plantacións en que non se realiza a poda de mantemento, o que dá lugar ao paso previo ao seu abandono. Isto suporía unhas perdas do poder de captación do dióxido de carbono existente na atmosfera e do hábitat da zona, así como a deterioración do ecosistema e da paisaxe.

Coa aplicación do programa contribuiríase á contención da regresión do cultivo destas especies de froitos de casca, o que suporía evitar a perda dos beneficios agroambientais que xa de por si proporcionan, á vez que se prevé que os ditos beneficios aumenten.

3. A dotación orzamentaria do programa é de 13.100.000 euros no ano 2012 e de 14.000.000 euros no ano 2013.

Artigo 42. *Actividades agrícolas específicas subvencionables.*

Poderá ser obxecto de percepción de axuda a xestión dos residuos vexetais da poda, para conseguir un beneficio agroambiental. Establécense como actividades elixibles para a xestión de residuos da poda calquera das dúas operacións seguintes:

1. A súa recolla e retirada para a súa utilización como biomasa, ou
2. a súa recolla e trituración, co que quedan estendidos sobre o solo da parcela.

Artigo 43. *Beneficiarios e requisitos.*

1. Poderán ser beneficiarios das axudas os agricultores que o soliciten anualmente a través da solicitude única.

No período de aplicación, só se poderá realizar unha solicitude para cada plantación, independentemente da operación subvencionable que se elixise.

2. As plantacións deberán cumprir os requisitos seguintes:

a) Teren unha densidade mínima por hectárea de 150 árbores para abeleira, 80 para amendoeira, 60 para nogueira e 30 para alfarrobeira.

b) Estaren incluídas entre os recursos produtivos dunha organización ou agrupación de produtores recoñecida para algunha das categorías que inclúan os froitos de casca conforme o artigo 125 ter do Regulamento (CE) n.º 1234/2007 do Consello, do 22 de outubro.

c) Teren unha superficie mínima por parcela de 0,1 hectáreas.

d) Seren cultivadas en secaño.

3. Os beneficiarios destas axudas terán as seguintes obrigas:

a) Podar a plantación, cortando as pólas vivas e as decaídas e mortas, os gomos ladróns e desbastar a copa por dentro.

b) Proceder cos residuos vexetais obtidos da poda, como máis tarde o 31 de maio do ano de presentación da solicitude, a unha das operacións seguintes:

i) Recolla e retirada para a súa utilización como biomasa, ou

ii) recolla e trituración, co que quedan estendidos sobre o solo da parcela.

Artigo 44. Importe das axudas.

1. De conformidade co establecido no artigo 68.2.a.i) do Regulamento (CE) n.º 73/2009 do Consello, a contía das axudas para cada unha das actividades agrícolas subvencionables fíxase no mesmo importe. Non obstante, establécese unha diferenza, en función da pendente media Sixpac, cos seguintes importes:

- a) Para plantacións en parcelas ou, se é o caso, recintos cunha pendente media Sixpac superior ou igual ao 10 por cento: 136 euros por hectárea.
- b) Resto de plantacións: 109 euros por hectárea.

2. Sen prexuízo do disposto no artigo 3 do real decreto, no suposto de que o total dos importes das axudas, unha vez realizados os controis oportunos das solicitudes aceptadas, supere a dotación orzamentaria mencionada no número 3 do artigo 41, o importe unitario final das axudas será determinado polo Ministerio de Agricultura, Alimentación e Medio Ambiente.

Artigo 45. Compatibilidade das medidas específicas de axuda do programa.

1. O artigo 38 do Regulamento (CE) n.º 1120/2009 da Comisión, do 29 de outubro, establece a necesidade de que os Estados membros velen pola coherencia entre as diferentes medidas aplicadas e garantan a inexistencia de dobre financiamento para unha mesma operación.

2. Co obxecto de dar cumprimento á dita disposición e en relación cos «programas de desenvolvemento rural de medidas agroambientais» (PDR) das comunidades autónomas, desenvolvidos de acordo co Regulamento (CE) n.º 1698/2005 do Consello, do 20 de setembro, establécense as seguintes incompatibilidades:

- a) As plantacións que se estean beneficiando de axudas a través de medidas dos PDR que inclúan as actividades do artigo 42 non poderán ser obxecto de axuda pola mesma actividade deste programa.
- b) A partir da posta en aplicación deste programa, as comunidades autónomas establecerán, se é o caso, a demarcación precisa entre estas medidas e as xa existentes nos seus respectivos PDR.

*Sección 4.ª Programa nacional para o fomento da calidade do tabaco**Artigo 46. Obxecto, ámbito de aplicación e dotación.*

1. En virtude do artigo 68, número 1, letra a), inciso ii), do Regulamento (CE) n.º 73/2009, concederáse unha axuda específica aos agricultores que produzan tabaco cru do código NC 2401, conforme o establecido na presente sección.

2. A dotación orzamentaria para este programa é de 5.883.235 euros ao ano e determínase aplicando, de conformidade co recollido no artigo 69, número 2, do Regulamento (CE) n.º 73/2009 do Consello, do 19 de xaneiro, unha retención do dez por cento do límite máximo nacional da axuda desligada do tabaco, establecido a partir de 2010.

Artigo 47. Beneficiarios e requisitos.

Poderanse beneficiar desta axuda os agricultores que percibiron durante as colleitas 2006, 2007, 2008 e/ou 2009 a axuda á produción de tabaco recollida no Regulamento (CE) n.º 1782/2003, que cultiven tabaco e o entreguen, con independencia do grupo de variedades cultivado (I, II, III e IV) que se describen no anexo VII, número I, en virtude dun contrato de cultivo, a unha empresa de primeira transformación. No caso de que pertenzan a unha agrupación de produtores recoñecida, poderana autorizar para que esta presente no seu nome comunicacións e xustificacións de forma colectiva.

Deberase mellorar a calidade intrínseca do tabaco curado que produce o cultivador e a súa presentación ante as empresas transformadoras, co obxecto de optimizar a súa comercialización e competitividade.

Os requisitos que ten que cumprir o tabaco no momento da entrega á empresa de primeira transformación serán os seguintes:

- a) Proceder de sementes acreditadas producidas por empresas públicas ou privadas autorizadas e especializadas no cultivo do tabaco.
- b) Utilizar no seu cultivo produtos fitosanitarios autorizados para o tabaco e recomendados polas empresas e industrias do sector.
- c) Estar libre de materias estrañas sintéticas (plásticos, restos de poliuretano e outras), así como de materias inorgánicas (pedras, terra, metais, vidro e outras) e orgánicas (vexetais e animais).
- d) Estar libre de follas moi danadas pola sarabia, follas que teñan máis dun terzo da súa superficie gravemente danada, follas enfermas ou danadas polos insectos en máis do vinte e cinco por cento da superficie, follas que presenten residuos de praguicidas, follas xeadas, follas balorecidas ou podres e follas das xemas axilares.
- e) Estar separado por posición foliar e ter sido colleitado no seu óptimo de madurez.
- f) Estar perfectamente curado. Deberá estar exento de follas inmaturas ou de cor totalmente verde e follas con nervios non curados.
- g) Deberase presentar o tabaco cos seguintes contidos de humidade de referencia, por grupo de variedades: grupo I, 16 por cento; grupo II, 20 por cento; grupos III e IV, 22 por cento; acéptase unha tolerancia máxima por riba da humidade de referencia do 3 por cento para os grupos I e IV, e do 5 por cento para os grupos II e III, e unha tolerancia máxima por debaixo da humidade de referencia do 2 por cento para os grupos I e IV e do 3 por cento para os grupos II e III, tal como queda reflectido na táboa recollida no anexo VIII, número I.

En consecuencia, se o grao de humidade difire do fixado, adaptarase o peso por cada punto porcentual de diferenza, dentro dos límites de tolerancia indicados. No anexo VIII, número II, recóllense os métodos para determinar o grao de humidade, así como os niveis e frecuencias da toma de mostras e o modo de cálculo do peso adaptado.

O tabaco entregado non presentará danos por exceso de humidade nin terá un exceso de temperatura debido a unha humidade elevada e excesiva presión.

h) O olor será o característico dun tabaco no seu óptimo de madurez, propio de cada variedade de tabaco, e deberá estar libre de olores estraños (fitosanitarios, fertilizantes, combustibles, lubricantes, fumes e humidade).

i) As distintas formas de presentación do tabaco (fardos ou caixas, entre outros), que se pactarán entre as partes, serán homoxéneas e terán as dimensións e pesos reflectidos contractualmente.

Estarán perfectamente codificadas para permitir a súa rastrexabilidade e garantir a súa integridade, e serán conformes coa lexislación vixente sobre envases e residuos de envases. No caso de fardos, estarán atados exclusivamente con cordas de orixe vexetal que non estean tratadas quimicamente para evitar residuos indesexables.

Quedarán excluído da axuda específica á calidade o tabaco clasificado nos dous últimos graos de calidade contractuais.

Artigo 48. *Contrato de cultivo.*

1. Os contratos de cultivo deberán ser asinados entre o produtor individual ou a agrupación recoñecida de produtores de tabaco e un primeiro transformador antes do 15 de marzo do ano da colleita, excepto en caso de forza maior debidamente acreditada.

En cada colleita, un agricultor só poderá contratar e entregar tabaco dunha variedade determinada, cunha única empresa de primeira transformación.

Os contratos realizaranse por variedade ou grupo de variedades. O primeiro transformador comprométese a recibir a cantidade referida no contrato, e o produtor ou,

se é o caso, a agrupación de produtores, a entregar a dita cantidade, sempre que a súa produción llelo permita.

O contido mínimo que deberán incluír os contratos establécese no número I do anexo IX.

2. Os contratos débense enviar para o seu rexistro ao órgano competente da comunidade autónoma en que teña lugar a transformación, dentro dos 15 días naturais posteriores á data límite fixada para a súa celebración, excepto en caso de forza maior debidamente acreditada. Cando a transformación se realice nunha comunidade autónoma distinta daquela en que se cultivou o tabaco, o organismo competente da comunidade autónoma de transformación transmitirá inmediatamente unha copia do contrato rexistrado ao organismo competente da comunidade autónoma de produción.

En caso de transformación noutro Estado membro da Unión Europea, os contratos serán enviados para o seu rexistro ao órgano competente da comunidade autónoma onde radique o correspondente centro de compra autorizado. No suposto de que o dito centro de compra se sitúe nunha comunidade autónoma distinta da de produción, o órgano competente da comunidade autónoma onde se encontre o centro de compra transmitirá inmediatamente unha copia do contrato rexistrado ao órgano competente da comunidade autónoma de produción.

3. As agrupacións de produtores ou produtores individuais para rexistrar un contrato deberán presentar a documentación establecida no número II do anexo IX.

4. As partes implicadas nun contrato de cultivo poderán incrementar, mediante unha cláusula adicional escrita, as cantidades inicialmente estipuladas no dito contrato. A cláusula adicional presentárase para efectos do seu rexistro ao órgano competente, como máis tarde, o 15 de abril do ano da colleita.

5. No caso de que teñan lugar modificacións nos contratos como consecuencia das cláusulas adicionais e da adaptación dos contratos ao contido da solicitude única, as agrupacións de produtores e os produtores con contrato individual deberán enviar, para o seu rexistro ao órgano competente da comunidade autónoma que rexistrou os contratos, a lista actualizada de produtores e a actualización dos datos modificados, respectivamente.

Artigo 49. *Entregas de tabaco.*

1. Excepto en casos de forza maior, os agricultores deben entregar toda a súa produción á empresa de primeira transformación antes do 15 de marzo do ano seguinte ao ano da colleita. En caso contrario, perderán o dereito á axuda.

2. As entregas de tabaco efectuaranse nas instalacións de primeira transformación ou nos centros de compra autorizados polo órgano de control competente.

3. En caso de que as entregas se realicen nunha comunidade autónoma distinta da competente para o pagamento da axuda, o órgano competente de control onde se realicen as entregas diarias de cada un dos produtores emitirá un certificado de control que remitirá ao órgano correspondente da comunidade autónoma competente para o pagamento da axuda. O dito documento certificará a recepción, por parte da empresa de primeira transformación, da cantidade de tabaco que cumpre os requisitos cualitativos establecidos no artigo 47, así como a entrega desta cantidade en virtude dun contrato rexistrado.

4. As empresas transformadoras enviarán ao órgano xestor, no prazo de 15 días contados desde a data de finalización das entregas, un ficheiro informático de lotes, coa información mínima establecida na parte IV do anexo IX en que expresamente se detallará o importe do prezo comercial aboado aos produtores.

Artigo 50. *Centros de compra.*

1. Os órganos xestores das comunidades autónomas poderán autorizar un determinado local como centro de compras, sempre que se cumpran as seguintes condicións:

a) Que as empresas comunicasen aos ditos órganos, antes do 15 de xullo do ano da colleita, a súa situación exacta e xuntasen á dita comunicación un programa de compras xeral, que incluíra como mínimo a seguinte información:

As cantidades previsibles de entrega, con desagregación por variedades.

Os centros de compra situados na dita comunidade autónoma, identificando para cada un deles os contratos con cargo aos cales se vai comprar tabaco.

Un calendario de compras, indicando os días en que se vai proceder a realizar compras de tabaco e, para cada un dos ditos días, as cantidades de tabaco que previsiblemente se van comprar. Non se poderán realizar compras en días que non estean fixados no calendario de compras. En caso contrario, as cantidades compradas neses días non se terán en conta para efectos da axuda.

b) Que o órgano xestor de que se trate outorgase a súa conformidade ao dito programa con respecto aos centros situados no seu territorio, desde o punto de vista da súa viabilidade, das características dos centros referidos, das dispoñibilidades de persoal de inspección.

c) Que reúnan as adecuadas garantías e as condicións para a recepción, compra e almacenamento do tabaco:

Contar, polo menos, coas instalacións apropiadas, equipamentos homologados de pesaxe e locais adaptados.

Condicións de seguridade, hixiene e idoneidade para os fins a que se destina e dos elementos e condicións necesarias que aseguren o seu control.

Locais de oficina ou local acondicionado para a realización de traballos administrativos e de control e exame de mostras.

Dispor de suficiente número de aparellos de control de medida de humidade, así como das necesarias básculas homologadas de precisión e muíños de mostras.

Unha vez comprobados os ditos aspectos, emitirá informe acreditativo o órgano xestor.

2. Os centros de compras comunicarán por escrito a súa apertura para a realización das compras ao órgano xestor correspondente, segundo as instrucións ditadas por este, polo menos con dez días naturais de anticipación á iniciación das entregas de tabaco.

Artigo 51. *Agrupacións de agricultores produtores de tabaco.*

1. A autoridade competente a que se refire o número 5 do artigo 14 do Real decreto 684/2002, do 12 de xullo, sobre regulación do tabaco cru, poderá recoñecer como agrupacións de produtores de tabaco as cooperativas agrarias, as sociedades agrarias de transformación e calquera outra entidade con personalidade xurídica que cumpra os requisitos que se determinan na normativa comunitaria e nacional e, en especial, ademais, os seguintes:

a) Dispor dunha cantidade mínima de 400 toneladas de tabaco, correspondentes a unha superficie mínima de cultivo de 100 hectáreas e cun número mínimo de 75 produtores.

Nas rexións de produción illada de Castilla y León, Navarra e zona do Campezo, no País Vasco, disporase dunha cantidade mínima de 35 toneladas de tabaco, correspondentes a unha superficie mínima de cultivo de 14 hectáreas e cun número mínimo de 5 produtores.

b) Estar constituídas por iniciativa dos seus membros e co obxecto de adaptar en común a produción de tabaco cru dos seus socios e comercializala conxuntamente.

c) Establecer normas comúns de produción e comercialización, e facer que os seus membros as apliquen, principalmente no que respecta á calidade dos produtos e á utilización de prácticas de cultivo e curación.

d) Dispor dun estatuto que estableza o seu obxecto e regule o seu funcionamento. O estatuto debe incluír, polo menos, a obriga de que os seus membros:

1.º Comercialicen a totalidade da produción de tabaco a través da agrupación.

2.º Se axusten ás normas comúns de produción e comercialización.

Así mesmo, o dito estatuto deberá incluír disposicións que garantan que os socios produtores que queiran renunciar á súa condición de tales poidan facelo, tras ter participado como mínimo un ano a partir da súa adhesión á agrupación, coa condición de que o comuniquen por escrito, como máis tarde o 31 de outubro, con efecto a partir da colleita seguinte. Estas disposicións aplicaranse sen prexuízo das disposicións legais ou regulamentarias nacionais que teñan por obxecto protexer en determinados casos a agrupación ou os seus acredores fronte ás consecuencias financeiras que puidesen derivar da perda dun membro, ou impedir a partida dun membro durante o exercicio orzamentario.

Nos estatutos reflectirase o órgano competente na entidade para decidir as altas e baixas dos socios produtores de tabaco.

2. A comercialización da produción por parte da agrupación a que se refiren as letras b) e d) do número 1 comprenderá, polo menos, as seguintes actividades:

a) A celebración, por parte da agrupación, no seu nome e pola súa conta, dos contratos de cultivo para toda a produción dos seus membros.

b) A subministración á agrupación da totalidade da produción dos seus membros, preparada segundo normas comúns, para a súa entrega aos transformadores.

3. Un produtor de tabaco só poderá pertencer a unha agrupación de produtores. A adscrición ou non a unha agrupación por parte dun produtor é voluntaria.

4. As agrupacións de produtores de tabaco non poderán exercer a actividade de primeira transformación.

5. As entidades que desexen ser recoñecidas como agrupacións de produtores deberán presentar a solicitude, que conterá a documentación recollida no número III do anexo IX, antes do 30 de novembro do ano anterior ao da colleita para a que se solicita o recoñecemento, ante o órgano competente. A actualización dos datos para as sucesivas campañas deberase presentar antes desa data, salvo que non variasen, caso en que se manterá o recoñecemento.

No caso de que a agrupación non cumpra as condicións para o recoñecemento, deberá efectuar as correccións oportunas para iso e presentar unha solicitude de recoñecemento, antes do vencemento do prazo para a celebración dos contratos de cultivo fixado no artigo 48, co obxecto de poder manter o recoñecemento para a colleita do mesmo ano.

Artigo 52. *Empresas de primeira transformación de tabaco.*

1. Defínese como empresa de primeira transformación toda persoa física ou xurídica autorizada que efectúe a primeira transformación do tabaco cru explotando, no seu propio nome ou por conta propia, un ou varios establecementos de primeira transformación de tabaco equipados convenientemente para este fin.

Para poderen desenvolver a actividade de primeira transformación en España, deberán estar recoñecidas e autorizadas para asinar contratos de cultivo pola autoridade competente a que se refire o capítulo VI do Real decreto 684/2002, do 12 de xullo, e deberán cumprir os requisitos e características que alí se establecen e, ademais, os seguintes:

a) dispor dun delegado ou administrador para a xestión da empresa e polo menos dun técnico competente experto no sector;

b) as súas instalacións de primeira transformación estarán localizadas nas zonas de produción recoñecidas para as variedades que comercialicen, cuxa relación figura no número II do anexo VIII;

c) polo menos o 60 por cento do tabaco de orixe comunitaria comercializado de que dispoñan deberá ser vendido directa ou indirectamente sen transformacións posteriores a empresas de fabricación de tabaco.

2. As solicitudes de autorización das empresas interesadas deberanse presentar ante o órgano competente, antes do 30 de novembro do ano anterior, xuntando a documentación que acredite fidedignamente o cumprimento dos requisitos de autorización establecidos na normativa comunitaria e neste artigo. O órgano competente fixará a data a partir da cal producirá efecto o recoñecemento en caso de que este se acepte.

3. No suposto de incumprimento da data límite de pagamento ao produtor do prezo comercial establecido no número I do anexo IX, retirárase durante un ano a autorización á empresa de primeira transformación. Cada período adicional de trinta días provocará a retirada da autorización durante un ano máis ata un máximo de tres anos.

4. No suposto de incumprimento, deliberado ou por negligencia grave, das disposicións aplicables ao tabaco cru a escala comunitaria ou nacional, retirárase a autorización á empresa de primeira transformación.

5. As empresas transformadoras enviarán ao órgano xestor da comunidade autónoma onde estean situadas as existencias e vendas por cada centro onde teñan tabaco almacenado ou se producisen vendas de tabaco. Recolleranse as vendas producidas durante a campaña de comercialización que comprende desde o 1 de xullo do ano da colleita ata o 30 de xuño do ano seguinte e as existencias de todo tipo de tabaco na data do 30 de xuño do ano seguinte á colleita. A data límite para a súa remisión ao órgano xestor será o 5 de xullo do ano seguinte ao da colleita.

6. En caso de compra de tabaco, cultivado en España, por unha empresa autorizada noutro país comunitario, esa empresa deberá presentar a documentación oportuna ao Ministerio de Agricultura, Alimentación e Medio Ambiente, de forma que se poida verificar a autorización antes do 30 de novembro do ano anterior ao da colleita.

Artigo 53. *Importe unitario da axuda específica.*

1. O importe unitario establecerase por quilogramo de tabaco entregado ás empresas de primeira transformación que cumpra os requisitos establecidos no artigo anterior. Será uniforme para todos os grupos de variedades e, se é o caso, poderase diferenciar para incentivar a calidade.

2. O importe unitario terá un valor máximo de 4 euros por quilogramo.

3. O Ministerio de Agricultura, Alimentación e Medio Ambiente establecerá o importe unitario da axuda nos vinte días laborables seguintes á data límite en que as comunidades autónomas deben comunicar as entregas finais realizadas de conformidade coa letra h) do punto 2 do artigo 97.

Sección 5.ª Programa nacional para o fomento da calidade do algodón

Artigo 54. *Obxecto, ámbito de aplicación e dotación.*

1. En virtude do número 1, letra a), inciso ii), do artigo 68 do Regulamento (CE) n.º 73/2009 do Consello, do 19 de xaneiro, concederáse unha axuda específica aos produtores de algodón que cumpran os requisitos establecidos nesta sección. O programa cumpre as disposicións establecidas no Regulamento (CE) n.º 1120/2009 da Comisión, do 29 de outubro, que establece as disposicións de aplicación do réxime de pagamento único previsto no título III do Regulamento (CE) n.º 73/2009.

2. O obxectivo do programa é obter unha produción de algodón de calidade que facilite a súa transformación e permita mellorar o prezo pagado aos produtores, rendibilizando o cultivo e mantendo as superficies cultivadas.

3. A dotación orzamentaria do programa é de 13.400.000 euros ao ano e será aplicable a partir da campaña 2012.

Artigo 55. Requisitos e beneficiarios.

1. Os beneficiarios da axuda serán os agricultores que cumpran os seguintes requisitos:

- Producir algodón de variedades recollidas no «Catálogo común de variedades comerciais de especies e plantas agrícolas da Unión Europea» de *Gossypium ssp.* para uso téxtil, das especies *Hirsutum*, *Barbadensis* ou dos seus híbridos.
- Entregar nunha ripadora autorizada algodón de calidade sa, cabal e comercial cun contido en humidade non superior ao 11,5 por cento e un contido en materias estrañas non superior ao 5 por cento, exento de restos plásticos.

2. As ripadoras que desexen colaborar no programa deberano solicitar ante a autoridade competente da comunidade autónoma en que estean situadas e cumprir cos requisitos establecidos no artigo 16.

Artigo 56. Importe unitario da axuda.

1. O importe da axuda establecerase por tonelada de algodón entregado nas ripadoras autorizadas que cumpran os requisitos recollidos na presente sección.

2. As autoridades competentes poderán establecer, baseándose nos criterios do artigo anterior, varios tramos de axuda, definindo para cada un o seu importe, así como outros requisitos relativos á calidade.

3. As autoridades competentes fixarán un limiar máximo de produción por hectárea que cumpra os requisitos exixidos para recibir a axuda, a nivel municipal, comarcal ou rexional.

4. O Ministerio de Agricultura, Alimentación e Medio Ambiente establecerá unha vez recibidos os datos correspondentes das comunidades autónomas, segundo o establecido na letra b) do punto 2 do artigo 97, a axuda de referencia para a tonelada de algodón sen ripar cuxa produción cumpra os requisitos mínimos exixidos, sen prexuízo de que as comunidades autónomas apliquen os criterios de diferenciación mencionados neste artigo.

Sección 6.^a Programa nacional para o fomento da calidade da remolacha azucreira

Artigo 57. Obxecto, ámbito de aplicación e dotación.

1. En virtude do número 1, letra a), inciso ii), do artigo 68 do Regulamento (CE) n.º 73 do Consello, do 19 de xaneiro, concederase unha axuda específica aos produtores de remolacha azucreira que cumpran os requisitos establecidos nesta sección e participen nun sistema de certificación da calidade de alimentos.

O programa cumpre as disposicións establecidas no Regulamento (CE) n.º 1120/2009 da Comisión, do 29 de outubro, que establece as disposicións de aplicación do réxime de pagamento único previsto no título III do Regulamento (CE) n.º 73/2009.

2. O programa terá como ámbito de aplicación as superficies dedicadas á produción de remolacha azucreira que cumpra os requisitos exixidos nesta sección.

3. A dotación orzamentaria do programa é de 9.620.300 euros por ano e será aplicable a partir da campaña 2012.

Artigo 58. Beneficiarios e requisitos.

1. Poderán ser beneficiarios da axuda á calidade os produtores de remolacha azucreira, que a soliciten anualmente na solicitude única, que cumpran co recollido nesta sección e cos seguintes requisitos:

a) Producir remolacha azucreira das variedades recollidas no «Catálogo común de variedades comerciais de especies e plantas agrícolas da Unión Europea» ou no Catálogo nacional dos Estados membros.

b) Os produtores de remolacha azucreira deberán entregar en empresas produtoras de azucre autorizadas de acordo co artigo 57 do Regulamento (CE) n.º 1234/2007 do Consello, do 22 de outubro, remolacha azucreira para a súa transformación en azucre. A remolacha azucreira entregada terá un grao polarimétrico mínimo de 14º e unha porcentaxe de terra, coroa e outros elementos externos entregados xunto coa raíz menor do 23 por cento. A determinación do cumprimento destes requisitos de calidade realizarase sobre o conxunto das entregas realizadas polo produtor á industria azucreira.

c) Os produtores de remolacha azucreira deberán ter subscrito un contrato de subministración coa industria azucreira para a súa entrega e transformación en azucre de cota.

2. A produción de remolacha azucreira obxecto da axuda estará sometida a un sistema de certificación da calidade dos alimentos que se poderá realizar por unha das seguintes modalidades, á elección de cada comunidade autónoma no seu ámbito territorial:

a) Organismos de certificación, privados ou públicos, que xustifiquen estar acreditados para certificar os requisitos exixidos no programa en cumprimento da norma UNE/EN/45011.

b) Un órgano de control, con capacidade xurídica suficiente, que garanta a certificación do cumprimento dos requisitos exixidos no programa. O órgano de control deberá dispor dos recursos necesarios e instalacións adecuadas para levar a cabo a toma de mostras, comprobacións analíticas, estatísticas, análise de riscos, rexistros e a homologación dos equipamentos analíticos, de medida e de pesaxe. Os controis deberanse realizar de acordo cos manuais de procedemento aprobados pola comunidade autónoma.

Artigo 59. *Importe da axuda.*

1. O importe da axuda establecerase por tonelada de remolacha azucreira de cota entregada nas industrias azucreiras autorizadas que cumpra os requisitos recollidos nesta sección.

2. O Ministerio de Agricultura, Alimentación e Medio Ambiente establecerá unha vez recibidos os datos correspondentes das comunidades autónomas, segundo o establecido no punto 2, letra c, do artigo 97, unha axuda por tonelada de remolacha azucreira tipo, que será igual para toda a produción que cumpra os requisitos establecidos.

CAPÍTULO II

Axudas aos agricultores que exerzan actividade gandeira

Artigo 60. *Disposicións comúns.*

1. Para poderen percibir os pagamentos recollidos neste capítulo, os solicitantes deberán cumprir:

a) O establecido no Real decreto 479/2004, do 26 de marzo, no momento da solicitude.

b) O establecido no artigo 24 para efectos de uso ou tenza de substancias prohibidas.

Ademais, para poderen percibir algunha das axudas descritas no presente capítulo, cada animal deberá estar identificado e rexistrado conforme as disposicións do Real decreto 1980/1998, do 18 de setembro, no caso dos animais da especie bovina ou, se é o

caso, conforme as disposicións do Real decreto 947/2005, do 29 de xullo, para as especies ovina e cabrúa.

2. No caso das axudas establecidas para o sector vacún de leite, deberánse cumprir os seguintes requisitos:

a) Non ter sido sancionado por incumprimento da normativa vixente en materia de calidade do leite cru nos últimos tres anos anteriores ao ano en que se soliciten as axudas.

b) Non ter sido sancionado, no ano anterior ao ano en que se solicite a axuda, con motivo dun control destinado a comprobar a coherencia entre a capacidade de produción da explotación e as entregas declaradas, no marco do establecido no Real decreto 754/2005, do 24 de xuño, e no capítulo IV do Regulamento (CE) n.º 595/2004 da Comisión.

c) A explotación deberá dispor de cota láctea asignada e realizar entregas de leite ou venda directa, conforme as definicións do Real decreto 347/2003, do 21 de marzo, polo que se regula o sistema de xestión de cota láctea, no período de taxa que se inicia o ano de solicitude.

d) Ter subscrito e en vigor para o ano correspondente ao da solicitude das axudas un contrato de subministración de leite de vaca nos termos e condicións establecidas no Real decreto 460/2011, do 1 de abril, polo que se regula o recoñecemento das organizacións de produtores de leite e das organizacións interprofesionais no sector lácteo e se explicitan as decisións de España sobre a contratación no sector lácteo en relación coa normativa europea que modificará para o sector lácteo o Regulamento (CE) n.º 1234/2007 do Consello. Este requisito estará supeditado á aprobación e publicación do citado regulamento comunitario.

3. As accións obxecto das axudas recollidas no presente capítulo serán susceptibles de seren incluídas en contratos territoriais de explotación celebrados entre as administracións públicas e os titulares das explotacións, aos cales se refire o Real decreto 1336/2011, do 3 de outubro, polo que se regula o contrato territorial como instrumento para promover o desenvolvemento sustentable do medio rural, e que derivan do establecido na Lei 45/2007, do 13 de decembro, para o desenvolvemento sustentable do medio rural.

Sección 1.ª Axuda para a mellora da calidade da carne de vacún

Artigo 61. Obxecto e dotación.

1. En virtude do número 1.a).ii) do artigo 68 do Regulamento (CE) n.º 73/2009 do Consello, do 19 de xaneiro, concederase unha axuda específica aos agricultores de carne de vacún para incentivar a mellora da calidade e a comercialización da carne de vacún.

2. A dotación orzamentaria para esta axuda é de 7.000.000 de euros ao ano.

Artigo 62. Beneficiarios e requisitos.

1. A axuda específica concederase aos agricultores de carne de vacún polas cabezas sacrificadas dentro dalgún dos seguintes sistemas de calidade de carne recoñecidos oficialmente mediante a correspondente norma legal:

De ámbito comunitario:

- a) Indicacións xeográficas protexidas.
- b) Denominacións de orixe protexidas.
- c) Gandaría ecolóxica.

De ámbito nacional:

- d) Gandaría integrada.

e) Etiquetaxe facultativa da carne que implique uns requisitos superiores aos exixidos na normativa aplicable. Neste caso, soamente se poderán aceptar os que inclúan como elementos que proporcionen valor engadido algún dos que se relacionan a continuación:

- 1.º Características do animal: animais pertencentes a razas autóctonas.
- 2.º Características de produción: produción en réxime extensivo ou ceba e sacrificio de animais que permaneceron coa nai un período mínimo de cinco meses.
- 3.º Alimentación: sistemas de alimentación que inclúan porcentaxes ou cantidades mínimas no penso de cereais, vitaminas, ácidos graxos ou outros compoñentes coa finalidade de mellorar a calidade organoléptica ou nutritiva da carne.
- 4.º Ambiente: utilización de enerxías renovables na explotación, programas de aforro enerxético ou de recursos, principalmente hídricos, redución de emisións de gases de efecto invernadoiro.

En todo caso, o alcance do prego débese estender desde a explotación gandeira, de forma que o cumprimento de todos os elementos que proporcionen valor engadido que conteña dependerá directamente das actuacións realizadas na propia explotación.

Todos os pregos se axustarán ao previsto no Real decreto 1698/2003, do 12 de decembro, polo que se establecen disposicións de aplicación dos regulamentos comunitarios sobre o sistema de etiquetaxe da carne de vacún. As entidades independentes de control verificarán o cumprimento das características que proporcionen valor engadido a través de auditorías, aplicando criterios técnicos suficientes que permitan asegurar o control das características de toda a produción amparada polo prego.

A entidade xestora do prego deberá ter no seu poder toda a información de identificación e rexistro dos animais sacrificados ao abeiro do prego de etiquetaxe facultativa para, se é o caso, póla á disposición do órgano xestor da comunidade autónoma por requirimento deste, para os efectos da comunicación indicada na letra j) do número 2 do artigo 97.

Para estes efectos, a partir da información achegada polas comunidades autónomas segundo se establece na letra j) do número 2 do artigo 97, o Ministerio de Agricultura, Alimentación e Medio Ambiente fará pública, antes do 1 de febreiro de cada ano de solicitude, unha relación nacional de pregos de etiquetaxe facultativa que cumpran coas condicións establecidas neste punto.

2. Soamente se admitirán animais cebados e sacrificados en España dentro dalgún sistema de calidade de carne recoñecido oficialmente en España.

3. Para poder realizar o pagamento, os responsables dos pregos de etiquetaxe facultativa, consellos reguladores das identificacións xeográficas protexidas ou as entidades que acreditan a produción gandeira ecolóxica comunicarán aos organismos competentes, para estes efectos, antes do 1 de febreiro do ano seguinte ao da presentación da solicitude única por parte do produtor, a información necesaria sobre os animais sacrificados durante o ano anterior dentro destes programas de calidade de que sexan responsables, segundo os datos mínimos que se especifican no anexo X.

Artigo 63. *Importe unitario da axuda.*

1. O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra j) do número 2 do artigo 97 e no anexo X, establecerá anualmente a contía da axuda específica por cabeza dividindo o montante global dos fondos entre o número de cabezas que cumpran as condicións do artigo 62, cun máximo de 200 cabezas por explotación.

2. No caso de cebadeiros comunitarios o límite máximo de 200 cabezas por explotación para percibir estes pagamentos aplicarase a cada gandeiro socio del. Presentarase a documentación necesaria que xustifique a pertenza dos socios ao cebadeiro comunitario. A este respecto, verificarase que os cebadeiros comunitarios cumpren as seguintes condicións:

a) Que teñan entre os seus obxectivos a engorda ou ceba en común dos xatos nacidos nas explotacións de vacas de cría dos seus socios. Para verificar este aspecto, o límite de 200 cabezas por socio para percibir estes pagamentos reducirase ao número de xatos nacidos das vacas nutrices da explotación, se é un número inferior a 200 cabezas.

b) Que todos os socios que fornecen animais á solicitude posúan vacas nutrices e dereitos de prima e solicitasen a prima por vaca nutriz no ano civil de que se trate. Os animais dos socios que non cumpren este requisito non se incluírán na modulación adicional do cebadeiro comunitario.

3. Os socios que figuren nunha solicitude presentada por un cebadeiro comunitario tamén poderán solicitar a axuda específica á produción de carne de vacún de calidade a título individual. Non obstante, o total de animais aboados a un produtor, correspondente á suma das solicitudes individuais e da solicitude presentada polo cebadeiro comunitario, en ningún caso superará o límite de 200 animais. Nestes casos, o produtor deberá indicar na solicitude que presente a título individual que é socio dun cebadeiro comunitario que solicitou a axuda específica indicando o NIF do dito cebadeiro.

Sección 2.^a Axuda para compensar desvantaxes específicas que afectan os agricultores que manteñen vacas nutrices

Artigo 64. Obxecto e dotación.

1. En virtude da letra b) do número 1 do artigo 68 do Regulamento (CE) n.º 73/2009 do Consello, do 19 de xaneiro, concederase unha axuda específica aos agricultores que manteñan vacas nutrices, co fin de compensar as desvantaxes específicas que afectan estas explotacións.

2. A dotación orzamentaria para esta axuda é de 47.966.000 euros ao ano.

Artigo 65. Beneficiarios e requisitos.

1. Os pagamentos concederanse aos agricultores, teñan ou non dereitos de prima por vaca nutriz dos mencionados no artigo 26.1.a) polas vacas nutrices que manteñan durante o período de retención, que será de polo menos seis meses sucesivos a partir do día seguinte ao de presentación da solicitude. Non se admitirá un número de xovencas superior ao 40 por cento do número total de animais obxecto de subvención.

2. A concesión destes pagamentos estará supeditada a que a carga gandeira da explotación do solicitante calculada segundo se indica no punto 2 do anexo XI non exceda 1.5 UGM por hectárea dedicada á alimentación dos animais nela mantidos, de acordo coa declaración de superficie forraxeira realizada polo solicitante e calculada segundo o establecido no dito anexo XI. Non obstante, os produtores quedarán exentos da aplicación da carga gandeira cando o número de animais que manteñan na súa explotación e que se deba tomar en consideración para a determinación da dita carga non supere as 15 UGM.

Para estes efectos entenderase por superficie forraxeira a superficie da explotación, incluídas as superficies utilizadas en común e as que estean dedicadas a un cultivo mixto, dispoñible durante todo o ano natural, para a cría de bovinos, ovinos ou cabrúns, conforme o disposto no sistema integrado de xestión e control previstos no Regulamento (CE) n.º 73/2009 do Consello, do 19 de xaneiro. Non se contabilizarán nesta superficie:

1.º As construcións, os bosques, os corgos nin os camiños.

2.º As superficies que se empreguen para outros cultivos beneficiarios dun réxime de axuda comunitario ou que se utilicen para cultivos permanentes ou hortícolas.

3.º As superficies ás cales se aplique o réxime de apoio fixado para os produtores de determinados cultivos herbáceos, utilizadas para o réxime de axuda para as forraxes desecadas ou obxecto dun programa nacional ou comunitario de retirada de terras.

Artigo 66. *Importe unitario da axuda.*

O Ministerio de Agricultura, Alimentación e Medio Ambiente, segundo a información subministrada polas comunidades autónomas tal e como se establece na letra k) do número 2 do artigo 97, establecerá anualmente un importe unitario para cada tramo de modulación da axuda específica por estratos nas explotacións que manteñan vacas nutrices, segundo o establecido neste artigo.

1. O importe por cabeza modularase proporcionalmente aos efectivos da explotación, de forma que:

- a) Polas primeiras 40 cabezas cobrarase a axuda específica completa.
- b) De 41 a 70 cabezas percibiranse dous terzos da axuda específica.
- c) De 71 a 100 cabezas percibirase un terzo da axuda específica.

2. En cada rabaño só se recibirá axuda polas 100 primeiras cabezas.

3. No caso de explotacións asociativas, esta modulación aplicarase por cada profesional da agricultura, na data de finalización do prazo de solicitude. En ningún caso computará para efectos de modulación se algún dos socios da explotación, aínda que sexa profesional da agricultura, percibe xa unha axuda das previstas por esta mesma axuda específica.

4. No caso de explotacións agrarias de «titularidade compartida», inscrita conforme se establece na Lei 35/2011, do 4 de outubro, sobre titularidade compartida nas explotacións agrarias, esta modulación aplicarase por cada persoa titular da explotación agraria en réxime de titularidade compartida.

5. Para efectos de aplicar esta modulación, no caso de que o titular das explotacións sexa unha persoa física, poderanse considerar os familiares de primeiro grao tanto por consanguinidade como por afinidade do titular, sempre que estes sexan profesionais da agricultura. En explotacións familiares, en ningún caso computará para efectos de modulación se algún destes profesionais da agricultura percibe xa unha axuda das previstas por esta mesma axuda específica.

Sección 3.ª Axuda para a mellora da calidade das producións de ovino e cabrún

Artigo 67. *Obxecto, ámbito de aplicación e dotación.*

1. En virtude do número 1.a).ii) do artigo 68 do Regulamento (CE) n.º 73/2009 do Consello, do 19 de xaneiro, concederase unha axuda específica aos agricultores de ovino e cabrún que comercialicen polo menos unha parte da súa produción de leite e/ou carne ao abeiro dunha denominación de calidade.

Terán a consideración de denominación de calidade para estes efectos os seguintes sistemas de calidade recoñecidos oficialmente no sector ovino-cabrún mediante a correspondente norma legal.

De ámbito comunitario:

- a) Indicacións xeográficas protexidas.
- b) Denominacións de orixe protexidas.
- c) Especialidades tradicionais garantidas.
- d) Gandaría ecolóxica.

De ámbito nacional:

- e) Gandaría integrada.
- f) Etiquetaxe facultativa desenvolvida con base no establecido no Real decreto 104/2008, do 1 de febreiro, ou normativa básica estatal equivalente que o substitúa, ou norma autonómica de desenvolvemento e execución deste, así como, para o caso do País Vasco, o establecido no Decreto 13/2004, do 20 de xaneiro, de agrupacións de

produtores agrarios e as súas unións na Comunidade Autónoma do País Vasco. Ademais, deberán ser conformes coas condicións recoñecidas mediante a Resolución do 10 de setembro de 2009, da Dirección Xeral de Recursos Agrícolas e Gandeiros, pola que se aproba a guía da etiquetaxe facultativa de carne de año e cabrito ou con calquera esquema de certificación de calidade equivalente recoñecida polas autoridades competentes autonómicas nos territorios forais mediante a correspondente norma.

Para estes efectos, a partir da información achegada polas comunidades autónomas segundo se establece na letra l) do número 2 do artigo 97, o Ministerio de Agricultura, Alimentación e Medio Ambiente elaborará e fará pública antes do 1 de febreiro de cada ano de solicitude unha relación nacional de pregos de etiquetaxe facultativa que cumpran coas condicións establecidas neste número.

2. A dotación orzamentaria para esta axuda específica é de 7.200.000 euros ao ano.

Artigo 68. *Beneficiarios e requisitos.*

1. A axuda aboarase por animal elixible, que será toda ovella ou cabra, tal e como foi definida no artigo 2, que ademais se encontre correctamente identificada e rexistrada conforme a normativa vixente, en 1 de xaneiro do ano de presentación da solicitude única, nas explotacións que cumpran os requisitos establecidos na presente sección.

2. Os agricultores que queiran optar a estas axudas deberán comercializar baixo os programas de produción de calidade de que se trate a produción de polo menos un 25 por cento das femias elixibles en 2012 e un 35 por cento en 2013, distinguindo por especie, da explotación. No caso de explotacións con ambas as especies, ovella e cabra, comprobarase se se cumpre este requisito en cada unha das especies independentemente. No caso de explotacións con distintas orientacións produtivas para unha mesma especie, para considerar cumprido este requisito deberase alcanzar a dita porcentaxe nalgunha das orientacións produtivas. En todo caso, para unha mesma especie, a axuda percibirase por unha das orientacións produtivas. Para todas as denominacións de calidade, o cómputo das cantidades comercializadas para o cumprimento desta porcentaxe mínima exixida comezará a realizarse a partir da data de obtención do primeiro certificado de conformidade emitido pola entidade certificadora, logo de autorización da autoridade competente. Non obstante, cando proceda a renovación dese certificado, para o cómputo das cantidades comercializadas considerarase o ano natural.

3. Para a determinación destas porcentaxes mínimas aplicaranse os coeficientes de conversión das cantidades de leite ou número de anos e/ou cabritos comercializados, durante o ano de presentación da solicitude única, a número de reprodutoras, conforme se establece no anexo XIII.

Artigo 69. *Importe unitario da axuda.*

1. O importe das axudas por animal elixible será:

a) No caso de denominacións de calidade de ámbito comunitario: o importe completo da axuda.

b) No caso de denominacións de calidade de ámbito nacional: o 80 por cento do importe completo da axuda.

No caso de que nunha explotación se comercialicen simultaneamente producións de calidade baixo denominacións de ambos os ámbitos, comunitarias e nacionais, o cálculo dos importes da axuda realizarase contabilizando as femias elixibles de cada ámbito de calidade por separado.

Para poderen realizar o pagamento da axuda, os responsables dos pregos de etiquetaxe facultativa, consellos reguladores das indicacións xeográficas protexidas, denominacións de orixe protexidas ou as entidades que acreditan a produción gandeira ecolóxica e integrada, comunicarán aos organismos competentes, para estes efectos, antes do 1 de febreiro do ano seguinte ao da presentación da solicitude única, a información necesaria sobre as explotacións e titulares que comercializaron a súa

producción durante o ano anterior ao abeiro destes programas de calidade dos cales sexan responsables, segundo os datos mínimos que se especifican no anexo XII.

2. O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra l) do número 2 do artigo 97 e no anexo XII, establecerá anualmente a contía da axuda específica por cabeza dividindo o montante global dos fondos entre o número de cabezas que cumpran as condicións do artigo 68.

Sección 4.^a Axuda para compensar as desvantaxes específicas que afectan os agricultores do sector ovino

Artigo 70. Obxecto, ámbito de aplicación e dotación.

1. En virtude da letra b) do número 1 do artigo 68 do Regulamento (CE) n.º 73/2009 do Consello, do 19 de xaneiro, concederáse unha axuda específica aos titulares de explotacións de ovino que se agrupen entre si en entidades asociativas co fin de que a través do fomento da mellora da súa competitividade ou da ordenación da oferta ou do incremento do valor da súa produción se poida garantir a súa permanencia na actividade.

2. A dotación orzamentaria para esta axuda é de 28.200.000 euros ao ano.

Artigo 71. Beneficiarios e requisitos.

1. A axuda aboarase polos animais elixibles presentes nas explotacións, sendo estes toda ovella, tal e como foi definida no artigo 2, que se encontre correctamente identificada e rexistrada, segundo a normativa vixente, en 1 de xaneiro do ano da presentación da solicitude única, e cumpra os requisitos establecidos na presente sección.

2. As axudas limitaranse a titulares de explotacións de ovino agrupados en entidades asociativas constituídas antes da data de finalización do prazo de presentación da solicitude única nalguna das entidades asociativas que define o artigo 6, letras a) e b), da Lei 19/1995, do 4 de xullo, cuns censos mínimos de femias reprodutoras elixibles, propiedade dos titulares de explotación agrupados de 5.000 reprodutoras e que levasen a cabo actuacións antes do último día de presentación da solicitude, recollidas nos seus estatutos, para a consecución dalgún dos seguintes obxectivos:

a) A dotación de infraestruturas para a ceba e tipificación de anos e/ou a comercialización en común da súa carne, leite ou produtos lácteos e/ou la.

b) Empezar accións comúns para a mellora da rastrexabilidade e/ou etiquetaxe da produción.

c) Dotación de servizos comúns e de substitución (por exemplo, para o pastoreo, rapa...).

d) Levar a cabo accións comúns de formación, mellora tecnolóxica ou innovación, no ámbito da produción e/ou da comercialización.

Un titular de explotación de ovino só poderá presentar unha única solicitude de axuda vinculada á entidade asociativa da súa elección, que deberá indicar na solicitude.

3. Pola súa vez, as entidades asociativas comprometeranse a:

a) Manter a súa actividade e polo menos o 90 por cento do censo indicativo durante os tres anos seguintes á data de solicitude da primeira axuda, é dicir, durante o ano de solicitude e os dous seguintes.

Para os efectos dos compromisos derivados do mantemento do censo indicativo da entidade asociativa, só se considerarán os animais elixibles dos solicitantes.

b) Achegar compromiso individual dos titulares de explotación agrupados que soliciten a axuda de permaneceren polo menos 3 anos na agrupación e de comunicaren a súa baixa cunha antelación mínima de 6 meses á súa data efectiva.

O feito de que un socio solicitante se dea de baixa inxustificadamente será suficiente para consideralo como incumprimento do seu compromiso individual de permanencia, independentemente do que suceda co censo indicativo ou mínimo da entidade asociativa. Neste caso poderase exixir a devolución dos importes xa percibidos en anos anteriores aos ditos solicitantes, ademais de proceder á denegación da axuda específica do ano en curso no caso de que se presentase solicitude para pertenza a outra entidade asociativa.

Se ademais, como consecuencia desta baixa dun socio solicitante, o censo indicativo da entidade asociativa diminúese dun ano a outro por debaixo do 90 por cento do censo indicativo inicial, ou o censo mínimo descendese por debaixo de 5.000, consideraríase como incumprimento da entidade asociativa e afectaría todos os integrantes. Neste suposto non se exixiría a devolución dos importes percibidos en anos anteriores polos socios que mantiveron individualmente o seu compromiso.

En todo caso, teranse en conta os casos de xubilación dun solicitante, as situacións excepcionais e as causas de forza maior.

4. O censo indicativo correspondente ao conxunto de femias reprodutoras elixibles da entidade asociativa referirase ao 1 de xaneiro do ano de presentación da solicitude.

Artigo 72. *Importe unitario da axuda.*

1. O importe por cabeza modularase proporcionalmente, de forma que:

a) Nas explotacións cuxos titulares non comercialicen leite ou produtos lácteos conforme o Real decreto 61/2011, do 21 de xaneiro, sobre declaracións que deben efectuar os compradores de leite e produtos lácteos de ovella e cabra, o importe unitario por femia elixible na explotación será o importe completo da axuda.

b) Nas explotacións cuxos titulares comercialicen leite ou produtos lácteos independentemente da especie produtora conforme o Real decreto 61/2011, do 21 de xaneiro, o importe unitario por femia elixible na explotación será o 70 por cento do importe completo da axuda.

2. O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra m) do número 2 do artigo 97, establecerá anualmente a contía da axuda específica por cabeza dividindo o montante global dos fondos entre o número de cabezas que cumpran as condicións establecidas na presente sección.

3. As entidades asociativas elaborarán unha listaxe en que figure a relación de socios solicitantes, indicando o seu DNI/NIF, censo de femias elixibles, e código Rega das explotacións. A listaxe será posta á disposición da autoridade competente en que radique a súa razón social antes da data de finalización do prazo de presentación da solicitude única.

Sección 5.^a Axuda para compensar as desvantaxes específicas que afectan os agricultores do sector cabrún

Artigo 73. *Obxecto, ámbito de aplicación e dotación.*

1. En virtude da letra b) do número 1 do artigo 68 do Regulamento (CE) n.º 73/2009 do Consello, do 19 de xaneiro, concederáse unha axuda específica aos titulares de explotacións de cabrún que se encontren en zonas desfavorecidas, segundo a relación que recolle o anexo 9.1.1. Listaxe de zonas desfavorecidas de España, do Programa de desenvolvemento rural das medidas de acompañamento do período de programación 2000-2006, aprobado pola Decisión C (2000) 3549, do 24 de novembro, e modificado pola Decisión C (2006) 607, do 22 de febreiro, así como as modificacións desta relación definidas polo procedemento establecido no artigo 90, número 2, do Regulamento (CE) n.º 1698/2005, do 20 de setembro.

Para estes efectos, a comunidade autónoma de Illes Balears pola súa condición de insularidade asimilárase para efectos desta medida como zona desfavorecida na totalidade do seu territorio.

2. A dotación orzamentaria para esta axuda é de 4.700.000 euros ao ano.

Artigo 74. Beneficiarios e requisitos.

1. A axuda aboarase por animal elixible, que será toda cabra, tal e como foi definida no artigo 2, que ademais se encontre correctamente identificada e rexistrada conforme a normativa vixente, en 1 de xaneiro do ano de presentación da solicitude única, nas explotacións que cumpran os requisitos establecidos na presente sección.

2. Só recibirán esta axuda os titulares de explotacións cun censo de cabras elixibles igual ou superior a 10.

3. Poderán optar a estas axudas os titulares de explotacións de cabrún localizadas nas zonas desfavorecidas conforme se establece no artigo anterior.

Nos casos en que a explotación se compoña de máis dunha unidade de produción situada en diferentes zonas, para determinar se a explotación do solicitante se sitúa en zona desfavorecida atenderase ao censo de cabras conformes coa definición do artigo 2 presentes en cada unha das unidades de produción. A explotación entenderase situada en zona desfavorecida se a unidade ou unidades de produción situadas nalguna das zonas desfavorecidas conforme se establece no artigo anterior reúnen máis do 50 por cento do censo total de cabras da explotación.

Igualmente nestes casos, só se considerarán elixibles os animais que ademais de cumpriren o establecido no punto anterior se encontren nas unidades de produción situadas en zonas desfavorecidas.

Artigo 75. Importe unitario da axuda.

O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra n) do número 2 do artigo 97, establecerá anualmente a contía da axuda específica por cabeza dividindo o montante global dos fondos entre o número de cabezas que cumpran as condicións establecidas nesta sección.

Sección 6.ª Axuda para compensar desvantaxes específicas que afectan os agricultores do sector vacún de leite

Artigo 76. Obxecto, ámbito de aplicación e dotación.

1. En virtude do número 1, letra b), do artigo 68 do Regulamento (CE) n.º 73/2009 do Consello, do 19 de xaneiro, concederáse unha axuda específica ás explotacións de vacún de leite españolas para facilitar a súa adaptación á eliminación progresiva do réxime de cotas.

2. A dotación orzamentaria para este programa é de 56.010.400 euros ao ano. Este importe distribuirase da seguinte forma:

a) 51.210.400 euros para unha axuda ás explotacións situadas en zonas desfavorecidas, segundo a relación que recolle o anexo 9.1.1. Listaxe de zonas desfavorecidas de España do Programa de desenvolvemento rural das medidas de acompañamento do período de programación 2000-2006, aprobado pola Decisión C (2000) 3549, do 24 de novembro, e modificado pola Decisión C (2006) 607, do 22 de febreiro, así como as modificacións desta relación definidas polo procedemento establecido no artigo 90, número 2, do Regulamento (CE) n.º 1698/2005, do 20 de setembro, coa seguinte desagregación:

▪ 18.200.000 euros para unha axuda ás explotacións situadas en zonas de montaña e zonas con dificultades específicas.

- 19.600.000 euros para unha axuda ás explotacións situadas noutras zonas desfavorecidas distintas ás de montaña afectadas por desvantaxes naturais.
- 13.410.400 euros para unha axuda complementaria ás explotacións situadas nas zonas anteriores que ademais dispoñan da base territorial para a alimentación do gando produtor de leite conforme se establece no artigo 77.

Para estes efectos, a Comunidade Autónoma de Illes Balears pola súa condición de insularidade asimilárase para os efectos desta medida como zona desfavorecida con dificultades específicas na totalidade do seu territorio.

b) 4.800.000 euros para unha axuda ás explotacións situadas no resto de zonas do territorio español distintas ás recollidas anteriormente.

Artigo 77. *Beneficiarios e requisitos.*

1. As axudas concederanse por animal elixible e ano. Serán animais elixibles as femias de aptitude láctea que pertencen a algunha das razas de vacún enumeradas no anexo IV do Regulamento (CE) 1121/2009, do 29 de outubro, ou aquelas consideradas mediante normativa da comunidade autónoma como de aptitude eminentemente láctea que teñan unha idade igual ou maior a 24 meses que se encontren inscritas no Rexistro Xeral de Identificación Individual de Animais (RIIA), conforme se establece no Real decreto 728/2007, localizadas na explotación o último día de presentación da solicitude.

2. O órgano competente determinará o número de animais elixibles de cada explotación que cumpra os requisitos establecidos na presente sección en cada tipo de zona e en cada tramo de modulación

3. Poderán optar a estas axudas os titulares de explotacións de gando vacún leiteiro que, ademais do establecido nas disposicións comúns do artigo 60, estean situadas nas zonas desfavorecidas e non desfavorecidas do territorio español.

Nos casos en que a explotación se compoña de máis dunha unidade de produción situada en diferentes zonas, para determinar o tipo de zona en que se sitúa a explotación do solicitante atenderase ao número de animais elixibles presentes o último día de presentación da solicitude en cada unha das unidades de produción. A explotación entenderase situada na zona onde radiquen as unidades de produción que sumen o maior número de animais elixibles.

Para os efectos da modulación prevista no punto 2 do artigo 78, o cómputo dos animais que recibirán axuda iníciase polos presentes nas unidades de produción da zona a que se determinou que pertence a explotación. O cómputo continuará, se é o caso, coa seguinte ou seguintes zonas, ordenadas en función do maior número de animais elixibles presentes nelas.

4. Aqueles agricultores cuxa explotación estea situada nas zonas indicadas no artigo 76.2.a) que posúan unha superficie forraxeira dispoñible na súa explotación para a alimentación do gando produtor de leite poderán percibir unha axuda complementaria sempre e cando a dita superficie sexa superior a 0,40 hectáreas por femia elixible, conforme se define no número 1 do artigo 77.

5. Para os efectos desta axuda entenderase por superficie forraxeira aquela que, ademais de responder á definición establecida no número 2 do artigo 65, teña uso de pastos ou terra arable no Sixpac e estea situada no termo municipal onde se encontra a explotación ou en municipios adxacentes.

Artigo 78. *Importe unitario da axuda.*

1. O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra ñ) do número 2 do artigo 97, establecerá anualmente as contías das axudas por cabeza, dividindo os montantes dos fondos correspondentes descritos no número 2 do artigo 76 entre o número de cabezas que cumpran as condicións de concesión do artigo anterior, e tendo en conta a modulación prevista no seguinte número.

2. O importe das axudas por animal elixible será:

a) O importe completo da axuda para os 40 primeiros animais e o 80 por cento do importe completo para os seguintes, ata un máximo de 100 animais por explotación.

b) No caso de explotacións situadas nas zonas indicadas no artigo 76.2.a) que posúan unha superficie forraxeira dispoñible na súa explotación para a alimentación do gando produtor de leite superior a 0,40 hectáreas por animal elixible: o importe completo da axuda complementaria para os 40 primeiros animais e o 70 por cento do importe completo para os seguintes, ata un máximo de 100 animais por explotación.

Sección 7.^a Axuda para a mellora da calidade do leite e os produtos lácteos de vaca

Artigo 79. Obxecto, ámbito de aplicación e dotación.

1. En virtude da letra a).ii do número 1 do artigo 68 do Regulamento (CE) n.º 73/2009 do Consello, do 19 de xaneiro, concederáse unha axuda específica aos titulares de explotacións de vacún de leite que comercialicen a súa produción ao abeiro dalgunha das seguintes liñas:

a) Unha denominación de calidade das recollidas no artigo 80.

b) A etiquetaxe facultativa co logotipo «Letra Q», que deberá cumprir o establecido no Real decreto 405/2010, do 31 de marzo, polo que se regula o uso do logotipo «Letra Q» na etiquetaxe do leite e os produtos lácteos.

2. A dotación orzamentaria para esta axuda é de 3.952.600 euros ao ano.

Artigo 80. Sistemas de calidade recoñecidos.

Terán a consideración de denominación de calidade para estes efectos os seguintes sistemas de calidade recoñecidos oficialmente no sector vacún leiteiro:

De ámbito comunitario:

- a) Indicacións xeográficas protexidas.
- b) Denominacións de orixe protexidas.
- c) Especialidades tradicionais garantidas.
- d) Gandaría ecolóxica.

De ámbito nacional:

e) Gandaría integrada.
f) Esquemas de certificación de calidade que impliquen uns requisitos superiores aos exixidos na normativa xeral. Neste caso, soamente se poderán aceptar os que inclúan como elementos que proporcionen valor engadido algún dos que se relacionan a continuación:

1.º Características de produción: produción en réxime extensivo.

2.º Alimentación: sistemas de alimentación que inclúan porcentaxes ou cantidades mínimas no penso de cereais, vitaminas, ácidos graxos ou outros compoñentes coa finalidade de mellorar a calidade organoléptica ou nutritiva do leite.

3.º Ambiente: utilización de enerxías renovables na explotación, programas de aforro enerxético ou de recursos (auga), redución de emisións de gases de efecto invernadoiro.

4.º Calidade hixiénico-sanitaria de leite máis aló dos requisitos legais obrigatorios:

Os esquemas de certificación de calidade que se baseen neste último elemento valorizante deberán incluír entre os seus requisitos unha exixencia de calidade hixiénica referida ao leite cru de vaca compatible cos seguintes criterios:

- Colonias de xermes a 30 °C (por ml): ≤ 50.000 .
- Contido de células somáticas (por ml): ≤ 350.000 .

O cumprimento deste requisito realizarase tendo en conta as medias xeométricas móbiles obtidas da análise das mostras tomadas dos tanques de almacenamento do leite e rexistradas na base de datos Letra Q en aplicación do Real decreto 1728/2007, do 21 de decembro, ou en calquera outro rexistro equivalente autorizado pola autoridade competente.

Para estes efectos, un produtor que comercialice o seu leite e produtos lácteos baixo estes sistemas de calidade, ademais de cumprir co resto de requisitos establecidos na presente sección, só se poderá beneficiar desta axuda se todos os resultados analíticos correspondentes ás mostras tomadas na súa explotación durante o ano de solicitude cumpren os criterios anteriormente indicados.

Artigo 81. Recoñecemento oficial dos esquemas de certificación de calidade de ámbito nacional.

1. Os esquemas de certificación de calidade de ámbito nacional, recollidos na letra f) do artigo anterior, deberán estar recoñecidos oficialmente mediante a correspondente norma legal de ámbito autonómico, para o que será necesario que a norma inclúa as condicións e requisitos do sistema de calidade.

A autoridade competente responsable do recoñecemento será aquela en que radique a sede social do titular do sistema de calidade, e o dito recoñecemento terá validez en todo o territorio nacional.

2. O control externo será levado a cabo por organismos independentes de control que deberán estar acreditados polas entidades de acreditación reguladas no capítulo II, sección 2.^a, do Regulamento de infraestruturas para a calidade e seguridade industrial, aprobado polo Real decreto 2200/1995, do 28 decembro, ou, se é o caso, por calquera outro organismo de acreditación asinante do Acordo multilateral de recoñecemento da European Co-operation for Accreditation (EA), conforme a norma UNE-EN 45011, relativa ás exixencias que deben observar as entidades que realizan a certificación de produto no ámbito agroalimentario, cunha antigüidade mínima dun ano.

3. Os organismos independentes de control deberanse acreditar conforme a norma UNE-EN 45011 para o alcance establecido no correspondente esquema de certificación.

Non obstante o anterior, as autoridades competentes das comunidades autónomas onde radique a sede social dos organismos independentes de control ou aquelas en que o dito organismo vaia iniciar a súa actividade poderán autorizar provisionalmente eses organismos sen a acreditación previa específica co alcance establecido no correspondente esquema de certificación, coas seguintes condicións:

a) Deberán estar xa acreditados conforme a norma UNE-EN 45011 no ámbito agroalimentario cunha antigüidade mínima dun ano e ter solicitado a citada acreditación específica para o correspondente sistema de calidade.

b) A autorización provisional producirá efectos durante o prazo máximo dun dous anos desde a data da notificación desta ao organismo solicitante, ou ata que sexan acreditados se o prazo é menor. Se o organismo independente de control non obtívese a acreditación no dito prazo, a autorización provisional caducará automaticamente, sen que a mesma persoa física ou xurídica poida volver solicitar outra autorización provisional na mesma ou outra comunidade autónoma. Non obstante, se a non obtención da acreditación se debese a causas alleas ao organismo, este prazo poderase prorrogar seis meses máis.

c) A autorización provisional terá efectos en todo o territorio nacional, sen prexuízo de que o organismo independente de control deberá comunicar previamente á autoridade competente o inicio da súa actividade no seu ámbito territorial cando a dita autoridade sexa distinta da que outorgou a autorización provisional.

4. As entidades independentes de control verificarán o cumprimento das características que proporcionen valor engadido a través de auditorías, aplicando criterios técnicos suficientes que permitan asegurar o control das características de toda a produción amparada polos esquemas de certificación.

Para estes efectos, a partir da información achegada polas comunidades autónomas, segundo se establece na letra o) do número 2 do artigo 97, o Ministerio de Agricultura, Alimentación e Medio Ambiente fará pública, antes do 1 de febreiro de cada ano de solicitude, unha relación nacional dos esquemas de certificación de calidade que cumpran coas condicións establecidas neste número

Artigo 82. *Beneficiarios e requisitos.*

1. A axuda aboarase por animal elixible e ano. Serán animais elixibles as femias da especie bovina de idade igual ou maior a 24 meses que se encontren inscritas no Rexistro Xeral de Identificación Individual de Animais (RIIA), conforme se establece no Real decreto 728/2007, localizadas na explotación o último día de presentación da solicitude, cuxa produción fose comercializada ao abeiro dalgunha das liñas establecidas no artigo 79.1.

2. Os agricultores que queiran optar a estas axudas en calquera das dúas liñas establecidas no artigo 79.1, ademais de cumprir o establecido nas disposicións comúns do artigo 60, deberán comercializar baixo os requirimentos exixibles en cada caso a produción de polo menos un 25 por cento das femias de aptitude láctea da explotación. O cómputo das cantidades comercializadas para o cumprimento desta porcentaxe mínima exixida comezará a realizarse a partir da data de obtención do primeiro certificado de conformidade emitido pola entidade certificadora, logo de autorización da autoridade competente. Non obstante, cando proceda a renovación dese certificado, para o cómputo das cantidades comercializadas considerárase o ano natural.

3. Os responsables dos consellos reguladores das indicacións xeográficas protexidas, denominacións de orixe protexidas ou especialidades tradicionais garantidas, así como os da produción gandeira ecolóxica, integrada, esquemas de certificación de calidade e do logotipo «Letra Q», comunicarán aos organismos competentes, para estes efectos, antes do 1 de febreiro do ano seguinte ao da presentación da solicitude única, a información establecida no anexo XIV.

No caso dos esquemas de certificación mencionados na letra f) do artigo 80, nos cales a certificación do cumprimento dos requisitos dos ditos esquemas por parte do organismo independente de control non se realice a nivel da explotación, senón nunha fase posterior, así como no caso da etiquetaxe co logotipo Letra Q do número 1.b) do artigo 79, a suma do total de quilogramos de leite comercializados polas explotacións expresados no punto B) do anexo XIV deberá coincidir co volume total de leite comercializado polo responsable do esquema ou polo usuario do logotipo Letra Q baixo este.

Co obxectivo de realizar a dita comprobación, o organismo independente de control deberá certificar o volume total de leite que os responsables deses esquemas e etiquetaxe comercializasen baixo a marca ou logotipo en cuestión. A dita cantidade consignarase na letra c) do anexo XIV de forma que a suma das cantidades consignadas no punto B) do dito anexo non poderá ser superior en máis dun 10 por cento a esta cantidade consignada no punto C).

4. Para determinar o número de femias elixibles por cada explotación que cumpra os requisitos do número 2, dividirase a cantidade en quilogramos comercializados durante o ano de presentación da solicitude única baixo as distintas denominacións de calidade e logotipo Letra Q entre o rendemento lácteo medio recoñecido para España no Regulamento (CE) n.º 1121/2009, do 29 de outubro.

Non obstante, a autoridade competente poderá utilizar calquera documento por ela recoñecido para certificar un rendemento medio do gando leiteiro diferente para cada agricultor.

Cando a autoridade competente poida comprobar que a totalidade da produción dunha explotación é destinada a unha ou varias producións de calidade, poderase entender que todas as femias de idade igual ou maior a 24 meses que se encontren inscritas no RIIA, conforme se establece no Real decreto 728/2007, localizadas na explotación o último día de presentación da solicitude, son elixibles para os efectos desta axuda, sen necesidade de realizar cálculos con base no rendemento lácteo.

Artigo 83. *Importe das axudas.*

1. O Ministerio de Agricultura, Alimentación e Medio Ambiente, segundo a información subministrada polas comunidades autónomas de acordo co establecido na letra o) do número 2 do artigo 97 e no anexo XIV, establecerá anualmente a contía da axuda por animal elixible, dividindo o montante global dos fondos entre o número de animais elixibles que cumpran as condicións para a concesión da axuda.

2. O importe das axudas por animal elixible será:

a) No caso de denominacións de calidade de ámbito comunitario: o importe completo da axuda.

b) No caso do resto de denominacións de calidade e etiquetaxe facultativa co logotipo Letra Q: o 80 por cento do importe completo da axuda.

No caso de que unha explotación comercialice a súa produción baixo as dúas letras a) e b) anteriores, o cálculo dos importes da axuda realizarase contabilizando os animais elixibles de cada punto por separado.

TÍTULO VI

Solicitudes, control, compatibilidade, pagamento das axudas e comunicacións

Sección 1.ª Solicitudes e declaracións

Artigo 84. *Solicitude única.*

Os agricultores que desexen obter no ano algunha ou algunhas das axudas citadas no artigo 1 deberán presentar unha solicitude única segundo o establecido no anexo I.

Para estes efectos, o FEAGA e, se é o caso, as comunidades autónomas, publicarán cada ano na súa páxina web a base de datos do Sixpac actualizada antes do 1 de febreiro.

Artigo 85. *Contido da solicitude única.*

1. A solicitude única cubrirase nos formularios e soportes establecidos para o efecto polas autoridades competentes.

2. A solicitude única poderase presentar por medios electrónicos ou por calquera das formas que estableza a autoridade competente.

3. Na solicitude única declararanse todas as parcelas agrícolas da explotación, mesmo aquelas polas cales non se solicite ningún réxime de axuda.

A identificación de cada parcela agrícola realizarase mediante o código de identificación do recinto ou recintos Sixpac que a integren e indicarse a superficie en hectáreas con dous decimais.

4. O agricultor deberá facer unha declaración expresa en que dará a súa conformidade á delimitación, o uso e demais información contida no Sixpac para cada un dos recintos declarados. En caso contrario, deberá facer as correspondentes alegacións segundo se especifica no artigo seguinte.

5. Ademais do previsto no presente artigo, a solicitude deberá conter como mínimo a información que se recolle no anexo I acompañada, segundo o réxime de axudas que se solicite, da documentación adicional que se indica nos anexos correspondentes. Non

obstante, en función da información que estea á disposición da autoridade competente, esta decidirá a información e documentación que ten que presentar o agricultor.

Artigo 86. Alegacións ao Sixpac.

1. Os agricultores deberán comprobar que a información contida no Sixpac referida aos recintos que compoñen as súas parcelas agrícolas é correcta, en concreto, deberán comprobar que a delimitación gráfica e o uso asignado aos seus recintos é correcto. Así mesmo, deberán asegurarse de que os seus recintos non conteñen elementos non elixibles, en particular, camiños e edificacións

2. En caso de que a información recollida no Sixpac non coincida coa realidade da súa explotación, o solicitante deberá presentar, como máis tarde antes de que finalice o prazo de presentación da solicitude única ou o prazo que determine a autoridade competente para cada un dos recintos afectados, as alegacións ou solicitudes de modificación que correspondan sobre o uso, a delimitación ou outra información do contido do sistema de información xeográfica de parcelas agrícolas.

Artigo 87. Lugar e prazo de presentación da solicitude única.

1. A solicitude dirixirase á autoridade competente.

2. A solicitude única deberase presentar no período comprendido entre o día 1 de febreiro e o 30 de abril, ambos inclusive, do ano que se trate en calquera dos lugares previstos no número 4 do artigo 38 da Lei 30/1992, do 26 de novembro, de réxime xurídico das administracións públicas e do procedemento administrativo común.

Non obstante o disposto nos números anteriores, admitiranse solicitudes de axudas ata os 25 días naturais seguintes á data de finalización do prazo establecido, caso en que, e a excepción dos casos de forza maior e circunstancias excepcionais, os importes se reducirán un 1 por cento por cada día hábil en que se supere a dita data. Se o atraso é superior a 25 días naturais, a solicitude considerárase inadmisibile.

A redución mencionada no punto anterior tamén será aplicable respecto á presentación de contratos ou declaracións e outros documentos ou xustificantes que sexan elementos constitutivos da admisibilidade da axuda de que se trate, segundo o previsto na normativa comunitaria.

Artigo 88. Modificación das solicitudes.

Os agricultores que presentaron a solicitude única poderana modificar no correspondente a réximes de axuda por superficie sen penalización ningunha ata o 31 de maio, e non se admitirán modificacións despois desa data.

Artigo 89. Límites mínimos por solicitude.

1. Para o réxime de axuda ao algodón e no réxime de pagamento único, a superficie mínima será de 0,1 hectáreas.

2. Non se concederán pagamentos directos aos agricultores cuxo importe total de pagamentos directos solicitados ou resultantes antes de aplicar reducións ou exclusións sexa inferior a 100 euros.

A base para o cálculo deste importe será a superficie e animais determinados axustados, se é o caso, á superficie máxima garantida e ao límite máximo de animais, respectivamente.

Artigo 90. Compatibilidade dos réximes.

1. As parcelas declaradas para xustificar os dereitos de axuda do réxime de pagamento único pódense utilizar para as actividades agrarias expresadas no artigo 9 (utilización agraria das terras). Por conseguinte, o pagamento do dito réxime é compatible

cos pagamentos ligados derivados dos réximes correspondentes ás utilizacións permitidas.

2. Nun ano dado, non se poderá presentar respecto a unha parcela agrícola máis dunha solicitude de pagamento ligado.

Sección 2.^a Control, reducións e exclusións e pagamento das axudas

Artigo 91. Disposicións xerais de control.

1. O Fondo Español de Garantía Agraria (en diante, FEGA), en colaboración coas comunidades autónomas, elaborará un plan nacional de control para cada campaña.

O plan nacional de control deberá recoller calquera aspecto que se considere necesario para a realización dos controis, tanto administrativos como sobre o terreo das solicitudes de axudas. Este plan elaborárase de conformidade cos criterios especificados no Regulamento (CE) n.º 1120/2009 da Comisión, do 29 de outubro, e no Regulamento (CE) n.º 1121/2009 da Comisión, do 29 de outubro.

2. As comunidades autónomas elaborarán plans rexionais de control axustados ao plan nacional. Os plans rexionais deberán ser comunicados ao FEGA.

3. Corresponde ás autoridades competentes a responsabilidade dos controis das axudas. Naqueles casos en que o control dunha solicitude única a leven a cabo dúas ou máis comunidades autónomas, deberán establecer, entre as administracións implicadas, os mecanismos de colaboración para a súa mellor xestión.

Artigo 92. Reducións e exclusións.

1. Os pagamentos directos estarán suxeitos ás reducións e exclusións previstas no título IV do Regulamento (CE) 1122/2009.

2. Para efectos do cálculo das penalizacións previstas no artigo 55 do dito regulamento, por declaración incompleta das superficies de todas as parcelas da explotación na solicitude única, calcularase a diferenza entre, por unha parte, a superficie global declarada na solicitude única e, por outra, esta superficie global declarada máis a superficie global das parcelas non declaradas.

Se esta diferenza supón unha porcentaxe maior ao 3 por cento sobre a superficie global declarada, o importe global dos pagamentos directos ao agricultor reducirase segundo os niveis de redución seguintes:

Se a porcentaxe é superior ao 3 por cento pero inferior ou igual ao 25 por cento, aplicarase unha redución do 1 por cento do total dos pagamentos directos.

Se a porcentaxe é superior ao 25 por cento pero inferior ou igual ao 50 por cento, aplicarase unha redución do 2 por cento do total dos pagamentos directos

Se a porcentaxe é superior ao 50 por cento, aplicarase unha redución do 3 por cento do total dos pagamentos directos.

Artigo 93. Superficies e animais con dereito a pagamento.

1. Para efectos do establecemento das superficies e animais con dereito a pagamento teranse en conta, segundo proceda, as disposicións específicas aplicables a cada un dos réximes incluídos no artigo 1, así como as establecidas no artigo 3 e no Regulamento (CE) n.º 1122/2009, do 29 de outubro de 2009, polo que se establecen normas de desenvolvemento do Regulamento (CE) n.º 73/2009 do Consello, no referido á condicionalidade, a modulación e o sistema integrado de xestión e control nos réximes de axuda directa aos agricultores establecidos por ese regulamento, e normas de desenvolvemento do Regulamento (CE) n.º 1234/2007 do Consello, no referido á condicionalidade no réxime de axuda establecido para o sector vitivinícola.

2. Os pagamentos correspondentes estarán sometidos, se é o caso, ás reducións como consecuencia dos límites orzamentarios e da modulación recollidos nos artigos 3 e 5.

Artigo 94. Resolucións e pagamento.

1. O outorgamento e pagamento ou a denegación das axudas a que se refire corresponde á autoridade competente.

2. As axudas reguladas neste real decreto financiaranse con cargo ao Fondo Europeo Agrícola de Garantía (en diante, Feaga), con excepción da prima complementaria por vaca nutriz, segundo o previsto no número 2 do artigo 27, a axuda nacional aos froitos de casca, segundo o previsto no artigo 22, e da loita contra a mosca da oliveira de acordo co número 1 da disposición adicional primeira. Nestes casos, nas resolucións da axuda deberase facer constar a parte da axuda financiada con cargo aos orzamentos do Feaga e a parte financiada con cargo aos orzamentos xerais do Estado.

Artigo 95. Períodos de pagamento e anticipos.

1. Con carácter xeral, os pagamentos correspondentes ás axudas recollidas no artigo 1 efectuaranse entre o 1 de decembro e o 30 de xuño do ano natural seguinte. Os pagamentos poderanse efectuar ata en dous prazos.

2. O pagamento da axuda aos produtores de remolacha azucreira establecida no artigo 18 realizarase no período comprendido desde o 1 de decembro ao 15 de outubro do ano natural seguinte.

3. O anticipo do 60 por cento previsto para o réxime de prima por vaca nutriz aboarase nos prazos e condicións establecidos no Regulamento (CE) n.º 1121/2009, do 29 de outubro.

Artigo 96. Devolución dos pagamentos indebidamente percibidos.

1. No caso de pagamentos indebidos, os produtores deberán reembolsar os seus importes, máis os xuros correspondentes ao tempo transcorrido entre a notificación da obriga de reembolso ao produtor e o reembolso ou a dedución efectivas, de acordo co disposto no artigo 80 do Regulamento (CE) n.º 1122/2009 da Comisión, do 29 de outubro de 2009, polo que se establecen normas de desenvolvemento do Regulamento (CE) n.º 73/2009 do Consello, no referido á condicionalidade, a modulación e o sistema integrado de xestión e control nos réximes de axuda directa aos agricultores establecidos por ese regulamento, e normas de desenvolvemento do Regulamento (CE) n.º 1234/2007 do Consello, no referido á condicionalidade no réxime de axuda establecido para o sector vitivinícola. O tipo de xuro que se aplicará será o da demora establecida na correspondente lei de orzamentos xerais do Estado.

2. No caso de que os importes que hai que reembolsar sexan iguais ou inferiores a 100 euros, xuros non incluídos, por agricultor e por campaña, poderá non exixirse o reembolso.

3. A obriga de reembolso non se aplicará se o pagamento indebido é consecuencia dun erro da propia autoridade competente ou doutro órgano administrativo e non puidese ser razoablemente detectado polo produtor, excepto nos casos que se indican no número 3 do artigo 80 do Regulamento (CE) n.º 1122/2009 da Comisión, do 29 de outubro de 2009.

*Sección 3.ª Comunicacóns**Artigo 97. Comunicacóns das comunidades autónomas.*

As comunidades autónomas remitirán ao Ministerio de Agricultura, Alimentación e Medio Ambiente a seguinte información:

1. Información xeral. Antes do 15 de agosto e do 30 de outubro do ano de presentación da solicitude, e antes do 15 de xullo do ano seguinte, a información segundo se establece no artigo 4 número 1, letras a), c) e e), do Regulamento (CE) n.º 1121/2009 da Comisión, do 29 de outubro de 2009.

2. Información específica.

a) Respecto ao réxime de pagamento único:

- Como máis tarde o 15 de agosto do ano de presentación da solicitude, os datos correspondentes aos solicitantes do réxime de pagamento único do ano en curso. A información correspondente aos sectores que se incorporan ao réxime de pagamento único durante o dito ano basearase en dereitos provisionais.

- Como máis tarde o 15 de abril do ano seguinte ao da presentación da solicitude, a mesma información recollida no guión anterior baseada en dereitos definitivos, sempre e cando se incorporase algún sector ao réxime durante o ano anterior.

b) Respecto ás axudas para o algodón, en canto á axuda específica ao cultivo do algodón establecida na sección I do título III:

- Antes do 15 de decembro do ano anterior á presentación da solicitude, a súa proposta sobre as variedades autorizadas, os criterios de superficie admisible, a densidade mínima de plantación e as prácticas agronómicas exixidas.

- Antes do 31 de xaneiro do ano da presentación da solicitude, os criterios adoptados a que se refire o artigo 15.

- Antes do 15 de abril do ano de presentación da solicitude, os nomes das organizacións interprofesionais autorizadas, así como a superficie que agrupan, os seus potenciais de produción, nome dos produtores e ripadores que a compoñen e a súa capacidade de ripaxe.

En canto ao Programa nacional de fomento á calidade do algodón, establecido na sección 5.^a do capítulo I do título V:

- Antes do 1 de outubro do ano da presentación da solicitude, os criterios a que se refire o artigo 55.

- Antes do 1 de marzo do ano seguinte ao de presentación da solicitude, para calcular o importe da axuda, as cantidades entregadas polos produtores ás ripadoras autorizadas que cumpran cos requisitos establecidos no artigo 16.

- Antes do 15 de agosto do ano de presentación da solicitude, o número total de solicitudes da axuda presentadas no ano en curso.

- Antes do 31 de agosto do ano seguinte ao de presentación da solicitude, o número total de solicitudes aceptadas ao pagamento e o importe pagado.

c) Respecto ás axudas á remolacha azucreira, en canto á axuda aos produtores de remolacha azucreira establecida na sección 2.^a do título III:

- Antes do 15 de setembro do ano seguinte ao da solicitude, para comprobar o respecto dos límites orzamentarios, as cantidades con dereito a cobrar a axuda aos produtores.

En canto ao Programa nacional para o fomento da calidade da remolacha azucreira, establecido na sección 6.^a do capítulo I do título V:

- Antes do 15 de agosto do ano de presentación da solicitude, o número total de solicitudes da axuda presentadas no ano en curso.

- Antes do 31 de agosto do ano seguinte ao de presentación da solicitude, o número total de solicitudes aceptadas ao pagamento e o importe pagado.

- Antes do 30 de abril do ano seguinte ao da solicitude, para calcular o importe da axuda, remitirán as cantidades entregadas polos produtores ás industrias azucreiras de remolacha azucreira que cumpran cos requisitos establecidos no artigo 58.

d) Respecto ás axudas aos froitos de casca:

- En canto á axuda nacional aos froitos de casca, establecida na sección 3.^a do título III:

- Antes do 15 de agosto do ano de presentación da solicitude, a superficie total pola cal se solicitou a axuda, desagregada por especies, así como os remanentes existentes de transferencias anteriores correspondentes á axuda do Ministerio de Agricultura, Alimentación e Medio Ambiente.

- Antes do 30 de outubro do ano de presentación da solicitude, a superficie total determinada, desagregada por especies.

- Antes do 31 de agosto do ano seguinte ao de presentación da solicitude, a superficie total pola que se pagou a axuda, desagregada por especies.

– En canto ao Programa para o fomento de actividades agrícolas específicas que reporten maiores beneficios agroambientais no sector dos froitos de casca establecido na sección 3.^a do capítulo I do título V:

- Antes do 15 de agosto do ano de presentación da solicitude, a superficie total pola cal se solicita a axuda para cada unha das actividades do artigo 42, desagregadas por tipos de plantación segundo o artigo 44.

- Antes do 15 de novembro do ano de presentación da solicitude, co obxecto de poder calcular o importe das axudas específicas, a superficie total determinada para cada unha das actividades do artigo 42, desagregadas por tipos de plantación segundo o artigo 44.

- Antes do 31 de agosto do ano seguinte ao de presentación da solicitude, o número total de beneficiarios, así como a superficie e importe total pagado para cada unha das actividades do artigo 42, desagregado por tipos de plantacións segundo o artigo 44, distribuído por especies

e) Respecto ás axudas á vaca nutriz establecida no título IV:

- Antes do 15 de xaneiro e do 15 de febreiro do ano seguinte ao de presentación da solicitude, a información sobre solicitudes presentadas prevista nas letras c) e d) do número 1 do artigo 4 do Regulamento (CE) 1121/2009 da Comisión, do 29 de outubro de 2009.

- Antes do 15 de xullo do ano seguinte ao de presentación da solicitude, a información referente ás solicitudes pagadas.

f) Respecto do Programa nacional para o fomento de rotacións de cultivo en terras de secaño establecido na sección 1.^a do capítulo I do título V:

- Antes do 15 de agosto do ano de presentación da solicitude, se é o caso, o número de solicitudes presentadas no ano en curso e a superficie con dereito a pagamento solicitada en virtude destas desagregada esta última por volume de superficie (ata 50 hectáreas ou de 50 a 100 hectáreas por beneficiario) que foron obxecto de pagamento o ano anterior e o número de solicitudes presentadas no ano en curso e a superficie con dereito a pagamento solicitada en virtude destas e que non foron obxecto de pagamento o ano anterior, desagregada esta última por volume de superficie (ata 50 hectáreas ou de 50 a 100 hectáreas por beneficiario) e a superficie solicitada con dereito a pagamento do complemento 1 e a solicitada do complemento 2.

- Antes do 15 de novembro do ano de presentación da solicitude co obxecto de poder calcular os montantes de axuda por hectárea:

- A superficie total determinada no ano en curso que foi determinada e pagada o ano anterior, desagregada por estrato de dimensión e, se é o caso, dos complementos 1 e 2.

- A superficie determinada unha vez excluída a anterior, desagregada así mesmo por estrato de dimensión e, se é o caso, dos complementos 1 e 2.

- Antes do 31 de agosto do ano seguinte ao de presentación da solicitude, o número definitivo de solicitudes e superficies elixibles determinadas, así como as pagadas, desagregadas estas últimas por dimensión, así como desagregadas por tipo de cultivo elixible, e o importe concedido.

g) Respecto do Programa nacional para a calidade dos legumes establecido na sección 2.^a do capítulo I do título V:

- Antes do 15 de agosto do ano de presentación da solicitude, o número de solicitudes presentadas e a superficie elixible solicitada en virtude destas, desagregada por tipo de denominación de calidade, diferenciando a agricultura ecolóxica das DOP e IXP, así como doutras denominacións de calidade diferenciada recoñecidas.

- Antes do 15 de novembro do ano de presentación da solicitude, a superficie determinada para o pagamento da axuda desagregada por tipo de denominación de calidade, diferenciando a agricultura ecolóxica das DOP e IXP, así como doutras denominacións de calidade diferenciada recoñecidas.

- Antes do 31 de agosto do ano seguinte ao de presentación da solicitude, o número definitivo de solicitudes e superficies pagadas desagregadas por tipo de denominación de calidade diferenciada e o importe concedido.

h) Respecto ao Programa nacional para o fomento da calidade do tabaco a que se refire a sección 4.^a do capítulo I do título V:

- Antes do 15 de xaneiro do ano de presentación da solicitude, nome e enderezo dos órganos responsables do rexistro de contratos de cultivo e nome e enderezo das empresas de primeira transformación autorizadas e das agrupacións de produtores recoñecidas ou, se é o caso, a retirada do seu recoñecemento, indicando, neste último suposto, o motivo e o prazo de suspensión.

- Antes do 30 de xuño do ano de presentación da solicitude, a información relativa aos contratos rexistrados.

- Antes do 15 de xullo do ano de presentación da solicitude, o número de solicitudes presentadas, os quilos contratados en virtude destas, así como a superficie correspondente, diferenciados, ambos os conceptos, por grupo de variedades.

- Antes do 31 de marzo do ano seguinte ao de presentación da solicitude, os datos relativos ás entregas realizadas nos centros de transformación ou nos centros de compra autorizados polas agrupacións de produtores ou produtores individuais e postas baixo control, correspondentes á colleita anterior, correctamente validadas, así como os datos relativos ás entregas admisibles para o cobramento da axuda específica á calidade do tabaco desagregadas por grupo de variedades. Estas últimas serán as cantidades consideradas para o cálculo da axuda unitaria por quilogramo de tabaco.

- Antes do 15 de xullo do ano seguinte ao de presentación da solicitude, os datos relativos á evolución de existencias dos primeiros transformadores na data 30 do xuño.

- Antes do 15 de agosto do ano seguinte ao de presentación da solicitude, o número total de solicitudes, quilos aceptados ao pagamento e importe pagado.

- Antes do 15 de xullo do ano seguinte ao de presentación da solicitude, desagregado por variedades, o número de agricultores, a superficie en hectáreas, a cantidade entregada en toneladas e o prezo medio pagado aos agricultores.

i) Para todas as *axudas específicas aos agricultores* que exerzan actividade gandeira:

- Antes do 15 de agosto do ano de presentación da solicitude, o número de solicitudes presentadas o ano en curso.

- Antes do 15 de agosto do ano seguinte ao de presentación da solicitude, o número total de solicitudes aceptadas ao pagamento e o importe pagado.

j) Respecto á axuda para a mellora *da* calidade da carne de vacún a que se refire a sección 1.^a do capítulo 2 do título V:

- Antes do 1 de xaneiro do ano de presentación da solicitude, lista de pregos de etiquetaxe facultativa que cumpran coas condicións establecidas na letra e) do número 1 do artigo 62.

- Antes do 1 de marzo do ano seguinte ao de presentación da solicitude, un ficheiro informático conforme a estrutura detallada no anexo X, que incluíra os animais sacrificados baixo sistemas de vacún de calidade en cada comunidade autónoma durante o ano anterior que lles fosen comunicados polos responsables dos pregos de etiquetaxe facultativa, consellos reguladores das identificacións xeográficas protexidas ou as entidades que acreditan a produción gandeira ecolóxica segundo o establecido no artigo 62, para calcular o importe unitario mencionado no artigo 63.

- Antes do 1 de maio do ano seguinte ao de presentación da solicitude, número total de solicitudes aceptadas para o pagamento e número de animais con dereito a pagamento.

k) Respecto á axuda para compensar desvantaxes específicas que afectan os agricultores que manteñen vacas nutrices a que se refire a sección 2.^a do capítulo 2 do título V:

- Antes do 1 de maio do ano seguinte ao de presentación da solicitude, as solicitudes aceptadas para o pagamento e número de animais con dereito a pagamento para cada estrato dos mencionados no artigo 66 para calcular o importe unitario:

l) Respecto á axuda para a mellora da calidade das producións de ovino e cabrún, a que se refire a sección 3.^a do capítulo 2 do título V, para calcular o importe unitario mencionado no número 3 do artigo 69:

- Antes do 1 de xaneiro do ano de presentación da solicitude, lista de pregos de etiquetaxe facultativa que cumpran coas condicións establecidas na letra f) do número 1 do artigo 67.

- Antes do 1 de marzo do ano seguinte ao de presentación da solicitude, un ficheiro informático conforme a estrutura detallada no anexo XII, que incluíra as explotacións que comercializaron a súa produción ao abeiro das marcas de calidade indicadas no número 1 do artigo 67 durante o ano anterior, que lles fosen comunicadas polos responsables dos pregos de etiquetaxe facultativa, produción gandeira ecolóxica, consellos reguladores das indicacións xeográficas protexidas, denominacións de orixe protexidas ou segundo o establecido no artigo 69.

- Antes do 1 de maio do ano seguinte ao de presentación da solicitude, número total de solicitudes aceptadas para o pagamento e número de animais con dereito a pagamento.

m) Respecto á axuda para compensar as desvantaxes específicas que afectan os agricultores do sector ovino a que se refire a sección 4.^a do capítulo 2 do título V, co fin de compensar as desvantaxes específicas ligadas á viabilidade económica.

- Antes do 1 de xuño, as listaxes a que se refire o artigo 72.3.

Ademais, para calcular o importe unitario mencionado no artigo 72:

- Antes do 20 de novembro do ano de presentación da solicitude, número total de solicitudes aceptadas para o pagamento e número de animais con dereito a pagamento.

n) Respecto á axuda para compensar as desvantaxes específicas que afectan os agricultores do sector cabrún a que se refire a sección 5.^a do capítulo 2 do título VI, para calcular o importe unitario mencionado no artigo 75:

- Antes do 20 de novembro do ano de presentación da solicitude, as solicitudes aceptadas para o pagamento e número de animais con dereito a pagamento.

ñ) Respecto á axuda para compensar desvantaxes específicas que afectan os agricultores do sector vacún de leite a que se refire a sección 6.^a do capítulo 2 de título V, para calcular os importes unitarios mencionados no artigo 78:

- Antes do 20 de novembro do ano de presentación da solicitude, as solicitudes aceptadas para o pagamento e número de animais con dereito a pagamento:

- En cada tramo de modulación para cada un dos dous grupos de zonas desfavorecidas.

- En cada tramo de modulación para os que dispoñen de superficie forraxeira suficiente para recibir o pagamento complementario.

- En cada tramo de modulación para as explotacións situadas no resto de zonas distintas ás desfavorecidas.

o) Respecto á axuda para a mellora da calidade do leite e os produtos lácteos a que se refire a sección 7.^a do capítulo 2 do título V, co obxecto de calcular o importe unitario mencionado no número 3 do artigo 83:

- Antes do 1 de xaneiro do ano de presentación da solicitude, lista dos esquemas de certificación de calidade que cumpran coas condicións establecidas na letra f) do artigo 80.

- Antes do 1 de marzo do ano seguinte ao de presentación da solicitude, un ficheiro informático conforme a estrutura detallada no anexo XIV, que incluíra as explotacións que comercializaron a súa produción ao abeiro das marcas de calidade indicadas no artigo 79 durante o ano anterior completo, que lles fosen comunicadas polos responsables dos consellos reguladores das indicacións xeográficas protexidas, denominacións de orixe protexidas responsables do logotipo «Letra Q», da produción gandeira ecolóxica e integrada e dos esquemas de certificación de calidade, segundo o establecido no número 4 do artigo 81.

- Antes do 1 de maio do ano seguinte ao de presentación da solicitude, número total de solicitudes aceptadas para o pagamento e número de animais con dereito a pagamento.

p) Respecto ao sector do arroz: os produtores de arroz ou as súas asociacións remitirán anualmente á autoridade competente, de conformidade co establecido no artigo 1 do Regulamento (CE) n.º 1709/2003 da Comisión, do 26 de setembro de 2003, relativo ás declaracións de colleita e existencias de arroz:

- Antes do 15 de outubro, a declaración de existencias que se encontren no seu poder na data do 31 de agosto.

- Antes do 15 de novembro, a declaración de colleita.

Os industriais arroseiros, en relación coas actividades de transformación e importación que desenvolvan, remitirán anualmente á autoridade competente, de conformidade co establecido no artigo 2 do Regulamento (CE) n.º 1709/2003 da Comisión:

- Antes do 15 de outubro, a declaración das existencias de arroz que se encontren no seu poder na data do 31 de agosto.

3. Calquera outra información que o Ministerio de Agricultura, Alimentación e Medio Ambiente lles solicite en relación coas axudas reguladas neste real decreto, para os efectos de poder cumprir coas obrigas impostas aos Estados membros sobre información á Comisión Europea.

Disposición adicional única. *Programa para o fomento de actividades agrícolas específicas que reporten maiores beneficios agroambientais en determinadas especies do sector dos froitos de casca.*

A aplicación deste programa quedará condicionada á súa aprobación pola Comisión Europea, de acordo co establecido na letra a).ii) do punto 2 do artigo 68 do Regulamento (CE) n.º 73/2009 do Consello, do 19 de xaneiro.

Disposición derogatoria única.

Queda derogado o Real decreto 66/2010, do 29 de xaneiro, sobre a aplicación nos anos 2010 e 2011 dos pagamentos directos á agricultura e á gandaría do 31 de xaneiro de 2010, con excepción da disposición adicional primeira, a disposición transitoria segunda e a disposición derradeira terceira.

Disposición derradeira primeira. *Título competencial.*

Este real decreto dítase ao abeiro do punto 13 do número 1 do artigo 149 da Constitución, que reserva ao Estado a competencia exclusiva en materia de bases e coordinación da planificación xeral da actividade económica.

Disposición derradeira segunda. *Facultade de desenvolvemento e modificación.*

Facúltase o ministro de Agricultura, Alimentación e Medio Ambiente para adaptar ás exixencias derivadas da normativa comunitaria os seguintes aspectos deste real decreto:

- a) Os anexos.
- b) As datas que se establecen.
- c) Os requisitos cuantitativos para a concesión das axudas aos produtores de tabaco, algodón e remolacha azucreira por aplicación do artigo 68 do Regulamento (CE) n.º 73/2009 do Consello, recollidos nos artigos 47, 55 e 58, respectivamente.
- d) Os requisitos cuantitativos de recoñecemento das agrupacións de produtores de tabaco exixidos no artigo 51.

Disposición derradeira terceira. *Modificación do Real decreto 1680/2009, do 13 de novembro, sobre a aplicación do réxime de pagamento único na agricultura e a integración de determinadas axudas agrícolas neste a partir do ano 2010.*

O Real decreto 1680/2009, do 13 de novembro, sobre a aplicación do réxime de pagamento único na agricultura e a integración de determinadas axudas agrícolas neste a partir do ano 2010, queda modificado como segue:

Un. O primeiro parágrafo da definición de hectárea admisible da letra d) do artigo 2 redáctase do seguinte modo:

«Hectáreas admisibles: para efectos da xustificación dos dereitos normais de pagamento único, son as superficies agrarias da explotación, incluídas as superficies plantadas de plantas forestais de rotación curta, que se utilicen para unha actividade agraria ou, cando a superficie se utilice igualmente para actividades non agrarias, se utilice predominantemente para actividades agrarias. No anexo XX especificanse os tipos de plantas forestais de rotación curta e a súa densidade e ciclo máximo de colleita.»

Dous. Engádesse o seguinte número 4 no artigo 10:

«4. Cando as hectáreas calculadas de acordo co número anterior se tiveron en conta previamente para a asignación de dereitos de pagamento único no sector do viño, o importe dos dereitos existentes verase incrementado polo novo importe mencionado no número 1.»

Tres. A letra c) do número 1 do artigo 18 redáctase do seguinte modo:

«c) Catástrofe natural grave que afectase seriamente as terras agrarias da explotación. Para poderse acoller a este suposto, deberá existir declaración de zona catastrófica por parte da autoridade competente na rexión onde estea situada a explotación, establecida mediante a publicación dunha norma legal, estatal ou autonómica que cualifique, en primeiro lugar, o suceso destrutivo acaecido como

catástrofe natural ou fenómeno climatolóxico asimilable a catástrofe natural, delimitándose a continuación a zona afectada pola catástrofe ben nesa norma legal ou noutra norma complementaria posterior.»

Catro. No número 2.c.1.º do artigo 23 substitúese do texto a frase:

«... e beneficiarios de dereitos da reserva nacional de programas gandeiros que os recibisen de maneira previa ao inicio do prazo de presentación da solicitude á reserva nacional...»

Pola seguinte redacción:

«... e beneficiarios de dereitos da reserva nacional de programas gandeiros que os recibisen de maneira previa ao final do prazo de presentación da solicitude á reserva nacional...»

Cinco. O número 3 do artigo 27 redáctase do seguinte modo:

«A partir de 2012, no caso de cesión dos dereitos especiais, o cesionario poderase acoller á exención da obriga de declarar un número de hectáreas admisible equivalente ao número de dereitos de axuda establecida no real decreto que regule a solicitude única en cada campaña, unicamente cando se trate dunha transferencia inter vivos ou mortis causa.»

Seis. Engádesse o seguinte anexo XX:

«ANEXO XX

Plantas forestais de ciclo curto admisibles para o RPU, densidade mínima de plantación e ciclo máximo de colleita

Árbores forestais de cultivo curto	Densidade mínima de plantación – Plantas/hectárea	Ciclo máximo de colleita
Eucalyptus (eucalipto)	5.000	18 anos.
Paulownia	1.500	5 anos.
Populus Sp (chopo)	1.100	15 anos.
Salix Sp (salgueiros e vimbios)	5.000	4 anos.
Robinia Pseudoacacia L.	5.000	14 anos.»

Disposición derradeira cuarta. *Modificación do Real decreto 486/2009, do 3 de abril, polo que se establecen os requisitos legais de xestión e as boas condicións agrarias e ambientais que deben cumprir os agricultores que reciban pagamentos directos no marco da política agrícola común, os beneficiarios de determinadas axudas de desenvolvemento rural e os agricultores que reciban axudas en virtude dos programas de apoio á reestruturación e reconversión e á prima por arrinca da viña.*

O Real decreto 486/2009, do 3 de abril, polo que se establecen os requisitos legais de xestión e as boas condicións agrarias e ambientais que deben cumprir os agricultores que reciban pagamentos directos no marco da política agrícola común, os beneficiarios de determinadas axudas de desenvolvemento rural e os agricultores que reciban axudas en virtude dos programas de apoio á reestruturación e reconversión e á prima por arrinca da viña, queda modificado como segue:

Un. Elimínase a letra h) Uso da auga e rega, do punto 4 do anexo II.

Dous. Engádesse o punto 5 ao anexo II

«5. Normas para garantir a protección e a xestión da auga: protección da auga contra a contaminación e os escorregamentos e xestión do seu uso.

a) Creación de franxas de protección nas marxes dos cursos de auga:

Tanto dentro como fóra das zonas vulnerables designadas conforme o número 2 do artigo 3 da Directiva 91/676/CEE, nas marxes das augas correntes ou estancadas, consideradas a partir da ribeira, non se poderán aplicar fertilizantes nin produtos fitosanitarios nunha franxa cuxa largura será polo menos a establecida pola comunidade autónoma no Código de boas prácticas agrarias elaborado en virtude do punto A4 do anexo II da Directiva 91/676/CEE. As ditas franxas estarán ocupadas por vexetación espontánea.

Para efectos do parágrafo anterior, considerarase a definición de fertilizantes da letra e) do artigo 2 da Directiva 91/676/CEE, e entenderase por augas correntes os mananciais, corgas, regatos e ríos, e por augas estancadas os lagos, lagoas, charcas e pantanos, excluíndose as balsas ou canles de rega.

b) Cumprimento dos procedementos de autorización, cando o uso da auga para a rega a precise.

1.º Para as superficies de regadío o agricultor deberá acreditar o seu dereito de uso de auga de rega concedido pola Administración hidráulica competente.

2.º Os titulares das concesións administrativas de augas e todos aqueles que por calquera outro título teñan dereito ao seu uso privativo estarán obrigados a dispor dos sistemas de control da auga de rega establecidos polas respectivas administracións hidráulicas competentes, de forma que garantan unha información precisa sobre os caudais de auga efectivamente utilizados.»

Disposición derradeira quinta. *Entrada en vigor.*

O presente real decreto entrará en vigor o día seguinte ao da súa publicación no «Boletín Oficial del Estado».

Dado en Madrid o 23 de xaneiro de 2012.

JUAN CARLOS R.

O ministro de Agricultura, Alimentación e Medio Ambiente,
MIGUEL ARIAS CAÑETE

ANEXO I

Información mínima que debe conter a solicitude única

I. Información xeral

1. A identificación do agricultor: NIF, apelidos e nome do agricultor e do seu cónxuxe e réxime matrimonial, se é o caso, ou razón social, domicilio (con rúa ou praza e o seu número, código postal, municipio e provincia), teléfono e apelidos e nome do representante legal, se é o caso, co seu NIF.

2. Os datos bancarios, con indicación da entidade financeira así como das cifras correspondentes ao código de banco e ao de sucursal, os dous díxitos de control e o número da conta corrente, cartilla, etc., onde se queiran recibir os pagamentos.

3. Declaración de que o titular da explotación coñece as condicións establecidas pola Unión Europea e o Estado español relativas aos réximes de axuda solicitados.

4. Compromiso expreso de colaborar para facilitar os controis que efectúe calquera autoridade competente para verificar que se cumpren as condicións regulamentarias para a concesión das axudas.

5. Compromiso expreso de devolver os anticipos ou axudas cobradas indebidamente, por requirimento da autoridade competente, incrementados, se é o caso, no xuro correspondente.

6. Declaración de que non presentou noutra comunidade autónoma nesta campaña ningunha outra solicitude por estes réximes de axuda.

7. Declaración formal de que todos os datos consignados son verdadeiros.

8. As advertencias contidas na Lei orgánica 15/1999, do 13 de decembro, de protección de datos de carácter persoal, e demais normativa vixente.

9. Declaración de todas as parcelas agrícolas da explotación, mesmo aquelas para as que non se solicite ningún réxime de axuda, indicándose en todo caso e para cada parcela o recollido nos puntos 1 a 4 da epígrafe III do presente anexo.

10. Declaración expresa de que coñecen os usos e delimitacións que figuran na base de datos do Sixpac (visor) para as parcelas agrícolas declaradas e que estes se corresponden cos usos e aproveitamentos que realiza na súa explotación; presentarán, en caso contrario, a alegación de cambio de uso Sixpac ou delimitación que corresponda.

II. Declaración expresa do que solicita

1. Deberase indicar expresamente a superficie de cada un dos réximes de axuda polos cales solicita o pagamento. En caso de solicitar o réxime de pagamento único indicarase que desexa solicitar o pagamento correspondente aos dereitos de pagamento único declarados tendo en consideración toda a superficie da súa explotación admisible para o dito réxime.

2. Se se solicita o pagamento único, deberase indicar que se solicita por todos os dereitos que posúa na campaña en cuestión ou, en caso de non solicitar o pagamento único por todos os dereitos, deberá presentar unha relación identificativa dos dereitos solicitados.

Os agricultores que decidan declarar un ou varios dereitos especiais co número de hectáreas admisibles correspondente deberano indicar expresamente na súa solicitude. En cambio, para os agricultores que declaren dereitos excepcionais cun número de hectáreas suficientes para xustificalos total ou parcialmente, automaticamente os ditos dereitos perderán o seu carácter excepcional.

3. A consideración das superficies forraxeiras segundo a definición do artigo 65.2, declaradas para o cálculo da carga gandeira, no caso de solicitar a axuda específica ás explotacións que manteñan vacas nutrices.

III. *Réximes de axuda aos cultivos e outras axudas aos agricultores que exerzan actividade agrícola*

Deberanse declarar todas as parcelas agrícolas da explotación, indicándose en todo caso e para cada unha delas o recollido nos puntos 1 a 4 seguintes, e segundo o réxime de axuda solicitado indicárase o que proceda do resto de puntos:

1. A identificación realizarase mediante as referencias alfanuméricas do Sixpac. Non obstante, naqueles termos municipais en que se produzan modificacións territoriais ou outras razóns, debidamente xustificadas, as comunidades autónomas poderán determinar a autorización temporal doutras referencias oficiais. No caso de que a remolacha sexa de sementeira outonal, indicárase na solicitude única que se solicita a axuda para este réxime, e as referencias Sixpac presentaranse unha vez sementadas as parcelas xunto cos contratos formalizados coas industrias azucreiras, segundo se establece no artigo 19, como máis tarde o 1 de decembro.

2. A superficie en hectáreas, indicárase con dous decimais.

3. Os réximes para os cales se solicita a axuda.

4. A utilización das parcelas, indicándose en todo caso o produto cultivado, os pastos permanentes, outras superficies forraxeiras, o barbeito e o seu tipo, os cultivos permanentes, as superficies plantadas con plantas forestais de rotación curta; poderase indicar «non cultivo» no caso de parcelas non cultivadas e declaradas exclusivamente para xustificar dereitos de pagamento único.

5. Declarárase por separado o barbeito ambiental conforme o Regulamento (CE) n.º 1698/2005 do Consello, do 20 de setembro de 2005, e a repoboación forestal conforme o mesmo regulamento, ou o Regulamento (CE) 1257/1999 do Consello, do 17 de maio de 1999, sobre a axuda ao desenvolvemento rural a cargo do Fondo Europeo de Orientación e de Garantía Agrícola (FEOGA) e polo que se modifican e derrogan determinados regulamentos.

6. O sistema de explotación: secaño ou regadío, segundo proceda.

7. No caso de que a parcela se semente de cereais ou oleaxinosas indicárase, con fins estatísticos, se a semente utilizada é certificada, provén de reemprego ou outros e a variedade sementada cando se trate de trigo duro, arroz, cânabo, algodón e remolacha azucreira. No caso de cultivo de millo, deberase indicar se a variedade sementada está modificada xeneticamente ou non.

8. No caso dos froitos de casca, o número de árbores de cada especie.

9. No caso da axuda prevista no Programa nacional para o fomento de rotacións de cultivo en terras de secaño, a que se refire a sección 1.ª do capítulo I do título V, a superficie pola cal se solicita o pagamento deberase desagregar por tipo de cultivo, indicando especie, para cada tramo de índice de rendemento comarcal.

10. No caso da axuda prevista no Programa nacional para a calidade dos legumes, a que se refire a sección 2.ª do capítulo 1 do título V, a superficie deberase desagregar por tipo de denominación de calidade diferenciada e especie cultivada, se é o caso.

11. No caso da axuda prevista no Programa nacional para o fomento de actividades agrícolas específicas que reporten maiores beneficios agroambientais en determinadas especies do sector dos froitos de casca, a que se refire a sección 3.ª do capítulo I do título V, a pendente media Sixpac da parcela ou, se é o caso, do recinto da plantación.

12. No caso da axuda prevista no Programa para o fomento da calidade do tabaco, a que se refire a sección 4.ª do capítulo I do título V, as variedades contratadas, con indicación da superficie correspondente a cada variedade.

IV. *Réximes de axuda por gando vacún e axudas aos agricultores que exerzan actividade gandeira*

1. Indicación da comunidade autónoma que tramitou a súa solicitude de axuda o ano inmediatamente anterior.

2. Descrición completa de todas as unidades de produción que constitúen a explotación e nas cales se manterán animais obxecto de solicitudes de axuda ou que deben ser tidos en conta para a percepción destas. Incluirase referencia expresa ao código de identificación asignado a cada unidade de produción en virtude do Real decreto 479/2004, do 26 de marzo, polo que se establece e regula o Rexistro Xeral de Explotacións Gandeiras.

3. Tanto para a prima por vaca nutriz como para as axudas aos agricultores que exerzan actividade gandeira, o produtor debe solicitar que lle sexa concedida esta axuda polo máximo número de animais que cumpran os requisitos.

Na prima por vaca nutriz, e en todas as axudas aos agricultores que exerzan actividade gandeira, o produtor non debe indicar na solicitude a relación de brincos nin indicar os DIB dos animais polos cales pretende que se lle conceda a prima ou a axuda específica.

Non obstante o anterior, no caso da axuda para a mellora da calidade da carne de vacún, o produtor pode presentar, para efectos informativos, certificado en papel expedido pola marca de calidade, coa relación de brincos dos animais sacrificados para ese solicitante.

De acordo co número 3 artigo 16 do Regulamento (CE) n.º 1122/2009 da Comisión, do 29 de outubro de 2009, debe figurar na solicitude a declaración do produtor, afirmando que é consciente de que os animais para os cales se comprobouse que non están correctamente identificados ou rexistrados no sistema de identificación e rexistro poderán contar como animais respecto dos cales se detectaron irregularidades, segundo se recolle nos artigos 65 e 69 do Regulamento (CE) n.º 1122/2009 da Comisión, do 29 de outubro de 2009.

4. Declaración de que os datos da súa explotación corresponden aos contidos na base de datos informatizada, ou en caso contrario, compromiso de comunicar ao órgano competente a rectificación segundo o establecido no Real decreto 479/2004, do 26 de marzo.

Declaración de que os datos dos animais do sector vacún e ovino e cabrún corresponden aos contidos na base de datos informatizada ou, en caso contrario, compromiso de comunicar ao órgano competente a rectificación, segundo o establecido no Real decreto 1980/1998, do 18 de setembro, polo que se establece un sistema de identificación dos animais da especie bovina, e o Real decreto 947/2005, do 29 de xullo, polo que se establece un sistema de identificación e rexistro dos animais das especies ovina e cabrúa, respectivamente.

5. Para a prima por vaca nutriz e a axuda para compensar as desvantaxes específicas que afectan os agricultores do sector ovino, declaración, se é o caso, respecto da venda de leite ou produtos lácteos procedentes da explotación do solicitante.

6. Compromisos de:

Notificar os traslados dos animais a outros lugares non indicados na solicitude.

Comunicar as diminucións do número de animais da explotación.

Para a prima por vaca nutriz:

– Manter na súa explotación o mesmo número de animais polos cales pretende que se lle conceda a prima durante o período de retención,

– Manter durante o período de retención como máximo un número de xovencas que non supere o 40 por cento dos animais obxecto de solicitude.

– As indicacións e compromisos relativos á cantidade de referencia de leite e produtos lácteos que o agricultor ten asignada conforme o Regulamento (CE) n.º 1234/2007 do Consello, do 22 de outubro, e, se é o caso, o compromiso de non incrementar a cantidade de referencia asignada, por riba do límite cuantitativo a que se refire o número 1 do artigo 26 durante o período de doce meses seguinte á presentación da solicitude. A cantidade a que se fai referencia é a cota dispoñible na explotación para a liquidación da taxa láctea na campaña que finaliza o 31 de marzo do ano correspondente.

V. Información e documentación adicional

1. Bosquexo das parcelas agrícolas cando o produtor non declare a totalidade dun recinto Sixpac, excepto no caso de superficies forraxeiras e pastos permanentes de uso común.

2. No caso dos froitos de casca, xuntarase á solicitude:

a) En canto á axuda nacional, establecida na sección 3 do título III, e ao programa establecido na sección 3.^a do capítulo I do título V:

1.º Un certificado da organización ou agrupación de produtores acreditativo de que o socio que solicita a axuda está integrado na súa organización, para efectos de xustificar o requisito establecido no número 2 do artigo 21.

2.º O compromiso do agricultor de realizar a entrega da súa colleita á organización ou agrupación de produtores citada.

b) En canto ao Programa de medidas agroambientais, ademais dos documentos exixidos no punto precedente, un documento que acredite a cesión dos residuos vexetais obtidos da poda ou, se é o caso, unha declaración responsable de que estes van ser aproveitados polo seu propietario ou estendidos sobre o solo da parcela.

3. No caso da axuda específica ao cultivo do algodón, deberá indicar, se é o caso, a organización interprofesional autorizada a que pertence.

4. No caso da axuda específica prevista no Programa para o fomento da calidade do tabaco, deberase indicar a referencia ao número de rexistro dos contratos. Ademais:

Se o agricultor contratou de forma individual, deberá indicar a/s empresa/s de primeira transformación con que contratou a colleita.

Se o agricultor contratou a través dunha agrupación de produtores recoñecida da cal é socio, bastará con indicar na solicitude a referencia á dita agrupación.

5. Réximes de axuda aos gandeiros.

a) Libro de rexistro actualizado:

– Para a prima por vaca nutriz, deberase xuntar fotocopia da folla en que figuren os datos identificativos da explotación e do propietario e das follas en que figuren as anotacións correspondentes ás vacas e xovencas polas cales solicita axudas.

– Para as axudas para compensar as desvantaxes específicas que afectan os agricultores do sector ovino e cabrún, deberase xuntar fotocopia da folla en que figuren os datos identificativos da explotación e do propietario e das follas en que figure o balance de reprodutoras da explotación en 1 de xaneiro do ano de presentación da solicitude.

Non obstante, non será necesario que os agricultores presenten o libro de rexistro cando todas as unidades de produción gandeiras do titular estean radicadas na mesma comunidade autónoma.

b) No caso da prima por vaca nutriz, a axuda específica para o fomento da calidade das producións de ovino e cabrún e a axuda para a mellora da calidade do leite e dos produtos lácteos de vaca, certificado oficial sobre rendemento leiteiro cando sexa necesario.

c) Pagamentos específicos aos gandeiros: no caso da axuda para compensar desvantaxes específicas que afectan os agricultores que manteñen vacas nutrices, para acreditar a condición de profesional da agricultura deberase xuntar a seguinte documentación:

• Documentación xustificativa da condición de profesional da agricultura das persoas declaradas nesta solicitude como tales.

- No caso de que non se trate dunha explotación asociativa, documentación xustificativa da relación de cónxuxe ou familiar de primeiro grao co titular da explotación.
- No caso de cooperativas agrarias de produción, SAT, sociedades civís, comunidades de bens e outras persoas xurídicas:
 - Fotocopia da declaración do imposto persoal directo estatal que lle corresponda e, se é o caso, de retencións dos rendementos de traballo.
 - Documentación que relacione e xustifique o número de membros.

No caso da axuda para compensar as desvantaxes específicas que afectan os agricultores do sector ovino débese xuntar á solicitude:

- Un xustificante documental de pertenza a unha explotación asociativa que cumpra as condicións establecidas no número 2 do artigo 71, xunto cos estatutos da dita asociación.
- Documentación que probe que existen os compromisos de permanencia da agrupación e do produtor recollidos no número 3 do artigo 71.

No caso da axuda para compensar desvantaxes específicas que afectan os agricultores do sector vacún de leite, o produtor que solicite a axuda complementaria para as explotacións que dispoñan de base territorial para a alimentación do gando produtor de leite, e xustifiquen a dita base territorial con base en pastos comunais, deberá presentar un xustificante documental da dispoñibilidade dos ditos recursos para o seu gando.

6. Sen prexuízo do establecido nos parágrafos anteriores, cando a autoridade competente teña acceso á documentación exixida neste número V, eximirase o solicitante da necesidade de presentación desa documentación, que se substituirá, se é o caso, por unha autorización expresa á autoridade competente para acceder á dita información.

ANEXO II

Plantas forestais de ciclo curto admisibles para o RPU, densidade mínima de plantación e ciclo máximo de colleita

Árbores forestais de cultivo curto	Densidade mínima de plantación (plantas/hectárea)	Ciclo máximo de colleita
Eucalyptus (eucalipto)	5.000	18 anos.
Paulownia	1.500	5 anos.
Populus sp (chopo)	1.100	15 anos.
Salix sp (salgueiros e vimbios)	5.000	4 anos.
Robinia Pseudoacacia L.	5.000	14 anos.

ANEXO III

Cultivos herbáceos elixibles para o cobramento das axudas do Programa nacional para o fomento de rotacións de cultivo en terras de secaño recollido na sección 1.^a do capítulo I do título V

Columna 1 – Cereais	Columna 2 – Oleaxinosas	Columna 3 – Proteaxinosas	Columna 4 – Leguminosas
Trigo brando.	Xirasol.	Fabas.	Feixón.
Trigo duro.	Colza.	Fabonciños.	Garavanzo.
Orxo.	Cártamo.	Chícharo.	Lentella.

Columna 1 – Cereais	Columna 2 – Oleaxinosas	Columna 3 – Proteaxinosas	Columna 4 – Leguminosas
Avea. Centeo. Triticale. Sorgo. Triticum Spelta. Trigo mourisco. Millo miúdo. Alpiste. Trigo mesturado con centeo. Outros cereais.		Tremozo doce.	Tremozo. Pedrelo. Pedrelos bravos. Ervellas brancas. Veza. Veza forraxeira. Mesturas: Veza-Avea. Outras mesturas con leguminosa*.

* A porcentaxe mínima de leguminosa na mestura deberá alcanzar os valores utilizados tradicionalmente neste tipo de mesturas.

ANEXO IV

Índices de rendemento comarcal

Comarca de rexionalización	IRC
Andalucía	
– Almería:	
Los Vélez	2,0
Alto Almanzora	1,5
Bajo Almanzora	1,5
Río Nacimiento	1,5
Campo Tabernas	1,5
Alto Andarax	1,5
Campo Dalías	1,5
Campo Níjar e Bajo Andarax	1,5
– Córdoba:	
Pedroches I	1,5
La Sierra	1,5
– Granada:	
Guadix	1,8
Baza	1,8
Huéscar	1,5
La Costa	1,8
Las Alpujarras	1,5
Valle de Lecrín	1,8
– Huelva:	
Sierra	1,5
Andévalo Occidental	1,5
Andévalo Oriental	1,5
Costa	1,5
– Jaén:	
Sierra Morena	1,8

Comarca de rexionalización	IRC
El Condado	1,5
Sierra de Segura	1,5
MMagina	1,8
Sierra de Cazorla	1,8
– Málaga:	
Serranía de Ronda	1,8
Centro Sur ou Guadalhorce	1,8
Vélez-Málaga	1,8
– Sevilla:	
La Sierra Norte	1,8
Aragón	
– Huesca:	
Hoya de Huesca I	1,8
Hoya de Huesca II	2,0
Monegros I	1,8
Bajo Cinca	1,8
– Teruel:	
Serranía de Montalbán I	2,0
Bajo Aragón I	1,8
Bajo Aragón II	2,0
Serranía de Albarracín	2,0
Hoya de Teruel I	2,0
Maestrazgo	2,0
– Zaragoza:	
Ejea de los Caballeros I	1,8
Ejea de los Caballeros II	2,0
Borja I	1,8
Calatayud I	2,0
La Almunia de Doña Godina I	1,5
La Almunia de Doña Godina II	2,0
Zaragoza I	1,5
Zaragoza II	1,8
Daroca I	2,0
Caspe I	1,5
Caspe II	1,8
Balears	
– Balears:	
Eivissa-Formentera	1,2
Mallorca I	1,2
Mallorca II	1,8
Menorca	1,2
Castilla-La Mancha	
– Albacete:	
MMancha	2,0
Sierra Alcaraz	1,5
Almansa	1,5
Sierra Segura	1,5
Hellín	1,5

Comarca de rexionalización	IRC
– Ciudad Real:	
Montes Norte	1,5
Campo de Calatraba	2,0
Mancha	2,0
Montes Sur	1,5
Pastos	1,5
Campo de Montiel	1,5
– Cuenca:	
Serranía Alta	1,5
– Toledo:	
Talavera de la Reina	1,5
Torrijos	2,0
La Sagra	2,0
La Jara	1,5
Montes de Navahermosa	1,5
Monte de los Yébenes	1,5
La Mancha	2,0
Castilla y León	
– Ávila:	
Ávila	2,0
Barco de Ávila-Piedrahíta	1,8
Gredos	1,2
Valle Bajo Alberche	1,5
Valle del Tiétar	1,5
– León:	
Bierzo	1,5
La Montaña de Luna	1,5
La Montaña de Riaño	1,5
La Cabrera	1,5
Astorga	1,8
Tierras de León	1,8
La Bañeza	1,8
El Páramo	1,8
– Salamanca:	
Vitigudino	1,2
Ciudad Rodrigo	1,5
La Sierra	1,2
– Soria:	
Pinares	2,0
– Zamora:	
Sanabria	1,8
Benavente e Los Valles	2,0
Aliste	1,8
Sayago	1,8
Extremadura	
– Badajoz:	
Alburquerque	1,5

Comarca de rexionalización	IRC
Mérida	1,8
Don Benito	1,8
Puebla de Alcocer	1,5
Herrera del Duque	1,5
Badajoz	1,8
Almendralejo I	1,8
Almendralejo II	2,0
Castuera	1,5
Olivenza	1,5
Jerez de los Caballeros	1,5
Llerena I	1,5
Llerena II	1,8
Azuaga I	1,8
– Cáceres:	
Cáceres	1,5
Trujillo	1,5
Brozas	1,5
Valencia de Alcántara	1,5
Logrosán	1,5
Navalmoral de la Mata	1,5
Jaraiz de la Vera	1,5
Plasencia	1,5
Hervás	1,5
Coria	1,5
Madrid	
– Madrid:	
Área Metropolitana	2,0
Suroccidental	2,0
Las Vegas	1,8
Murcia	
– Murcia:	
Nordeste	1,5
Noroeste	1,5
Centro	1,5
Río Segura	1,2
Suroeste-Valle Guadalentín	1,5
Campo Cartagena	1,2
Navarra	
– Pamplona:	
Ribera Alta-Aragón I	1,8
Ribera Baja I	1,8
Ribera Baja II	2,0
La Rioja	
– La Rioja:	
Rioja Baja	2,0

Comarca de rexionalización	IRC
C. Valenciana	
– Alacant:	
Central	2,0
Meridional	2,0
– Castelló:	
Litoral Norte	2,0
– Valencia:	
Rincón de Ademuz	2,0
Alto Turia	2,0
Campos de Liria	2,0
Hoya de Buñol	2,0
Sagunto	2,0
Huerta de Valencia	2,0
Riberas del Júcar	2,0
Gandía	2,0
Enguera e La Canal	2,0
La Costera de Játiva	2,0
Valles de Albaida	2,0

Excepcións na rexionalización produtiva do secaño

Andalucía

Córdoba:

A comarca Pedroches dividiuse en dúas zonas denominadas Pedroches I e Pedroches II. A zona Pedroches I está constituída polos termos municipais de Alcaracejos, Añora, Belmez, Cardeña, Conquista, Dos Torres, Fuente La Lancha, El Guijo, Pedroche, Peñarroya-Pueblonuevo, Pozoblanco, Santa Eufemia, Torrecampo, Villanueva de Córdoba, Villanueva del Duque, Villaralto e El Viso, e a zona Pedroches II polo resto da comarca.

Segreganse da comarca Sierra os termos municipais de Hornachuelos e Montoro, que quedan integrados na comarca Campiña Baja e o termo municipal de Adamuz, que queda integrado na comarca Pedroches II.

Granada:

Segreganse da comarca Guadix os termos municipais de Darro e Huélago, que quedan integrados na comarca Iznalloz.

Huelva:

Segreganse da comarca Costa os termos municipais de Gibraleón, Huelva e Aljaraque, que quedan integrados na comarca Condado Campiña.

Jaén:

Segreganse da comarca Sierra Morena os termos municipais de Andújar, Marmolejo e Villanueva de la Reina, que quedan integrados na comarca Campiña del Norte.

Segreganse da comarca Sierra de Cazorla os termos municipais de Cazorla, Peal de Becerro e Santo Tomé, que quedan integrados na comarca La Loma.

Segregase da comarca Mágina o termo municipal de Huelma, que queda integrado na comarca Sierra Sur.

Málaga:

Segregáanse da comarca Serranía de Ronda os termos municipais de Ronda e Arriate, que quedan integrados na comarca Norte ou Antequera I.

Sevilla:

Segregáanse da comarca Sierra Norte os termos municipais de Aznalcóllar, Gerena e Guillena, que quedan integrados na comarca El Aljarafe e o de Puebla de los Infantes, que queda integrado na de La Vega.

Aragón**Huesca:**

A comarca Hoya de Huesca dividiuse en catro zonas denominadas Hoya de Huesca I, Hoya de Huesca II, Hoya de Huesca III e Hoya de Huesca IV. A zona Hoya de Huesca I está constituída polos termos municipais de Robres, Senés de Alcubierre, Tardienta e Torralba de Aragón; a zona Hoya de Huesca II está constituída por Gurrea de Gállego.

A comarca de Monegros dividiuse en dúas zonas denominadas Monegros I e Monegros II. A zona Monegros II está constituída polo termo de Peralta de Alcofea e a zona Monegros I polo resto da comarca.

Teruel:

A comarca Serranía de Montalbán dividiuse en dúas zonas denominadas Serranía de Montalbán I e Serranía de Montalbán II. A Serranía de Montalbán I está constituída polos termos municipais de Alcaine, Aliaga, Anadón, Bádenas, Camarillas, Cañizar del Olivar, Castel de Cabra, Cortes de Aragón, Crivillén, Ejulve, Escucha, Estercuel, Gargallo, La Hoz de la Vieja, Huesa del Común, Josa, Loscos, Maicas, Monforte de Moyuela, Montalbán, Nogueras, Obón, Palomar de Arroyos, Plou, Santa Cruz de Nogueras, Torre de las Arcas, Utrillas e La Zoma, e a Zona Serranía de Montalbán II polo resto da comarca.

A comarca Bajo Aragón dividiuse en tres zonas denominadas Bajo Aragón I, Bajo Aragón II e Bajo Aragón III. A zona Bajo Aragón I está constituída polos termos municipais de Albalate del Arzobispo, Alcañiz, Azaila, Castelnou, Híjar, Jatiel, La Puebla de Híjar, Samper de Calanda, Urrea de Gaén e Vinaceite. A zona Bajo Aragón III está constituída polos termos municipais de Beceite, Cretas, Fuentespalda, Monroyo, Peñarroya de Tastavins, La Portellada, Ráfales, Torre de Arcas, Torre del Compte e Valderrobres, e a zona Bajo Aragón II polo resto da comarca.

A comarca Hoya de Teruel dividiuse en dúas zonas denominadas Hoya de Teruel I e Hoya de Teruel II. A Hoya de Teruel II está constituída polos termos municipais de Argente, Camañas, Lidón e Visiedo, e a zona de Hoya de Teruel I polo resto da comarca.

Zaragoza:

A comarca Ejea de los Caballeros dividiuse en catro zonas denominadas Ejea de los Caballeros I, Ejea de los Caballeros II, Ejea de los Caballeros III e Ejea de los Caballeros IV. A zona Ejea de los Caballeros I está constituída polos termos municipais de Castejón de Valdejasa, Pradilla de Ebro e Tauste; a zona Ejea de los Caballeros II está constituída polo de Ejea de los Caballeros.

A comarca de Borja dividiuse en dúas zonas denominadas Borja I e Borja II. A zona Borja II está constituída polos termos municipais Alcalá de Moncayo, Añón de Moncayo, Los Fayos, Grisel, Litago, Lituénigo, San Martín de la Virgen de Moncayo, Santa Cruz de Moncayo, Trasmoz e Vera de Moncayo, e a zona Borja I polo resto da comarca.

A comarca de Calatayud dividiuse en dúas zonas denominadas Calatayud I e Calatayud II. A zona Calatayud II está constituída polos termos municipais de Alconchel de Ariza, Aranda de Moncayo, Berdejo, Bijuesca, Bordalba, Cabolafuente, Calmarza, Campillo de Aragón, Cimballa, Clarés de Ribota, Jaraba, Malanquilla, Oseja, Pomer,

Sisamón, Torrehermosa, Torrelapaja e Torrijo de la Cañada, e a zona Calatayud I polo resto da comarca.

A comarca de Almunia de Doña Godina dividiuse en tres zonas denominadas Almunia de Doña Godina I, Almunia de Doña Godina II e Almunia de Doña Godina III. A zona Almunia de Doña Godina II está constituída polos termos municipais de Aguarón, Aguilón, Codos, Encinacorba, Paniza e Tosos; a zona Almunia de Doña Godina III está constituída polos termos municipais de Calcena e Purujosa, e a zona Almunia de Doña Godina I polo resto da comarca.

A comarca de Zaragoza dividiuse en dúas zonas denominadas Zaragoza I e Zaragoza II. A zona Zaragoza I está constituída polos termos municipais de Almochuel, Belchite, Codo, Fuentes de Ebro, Gelsa, Mediana de Aragón, Quinto e Velilla de Ebro, e a zona Zaragoza II polo resto da comarca.

A comarca de Daroca dividiuse en dúas zonas denominadas Daroca I e Daroca II. A zona Daroca I está constituída polos termos municipais de Aladrén, Herrera de los Navarros, Luesma, Villar de los Navarros e Vistabella, e a zona Daroca II polo resto da comarca.

A comarca de Caspe dividiuse en dúas zonas denominadas Caspe I e Caspe II. A zona Caspe II está constituída polo termo municipal de La Almolda, e a zona Caspe I polo resto da comarca.

Illes Balears

Balears:

A comarca de Mallorca dividiuse en tres zonas denominadas Mallorca I, Mallorca II e Mallorca III. A zona Mallorca I está constituída polos termos municipais de Alaró, Andratx, Artà, Banyalbufar, Bunyola, Calvià, Campanet, Capdepera, Deià, Escorca, Esporles, Estellencs, Fornalutx, Lloseta, Mancor de la Vall, Marratxí, Palma de Mallorca, Pollença, Puigpunyent, Santa María del Camí, Selva, Sóller, Son Servera e Valldemosa; a zona Mallorca II está constituída polos termos municipais de Alcúdia, Binissalem, Búger, Campos, Inca, Lluçmajor, Sa Pobla, Santanyí, Sant Llorenç des Cardassar e Ses Salines, e a zona Mallorca III polo resto da comarca.

Extremadura

Badajoz:

Segrégase da comarca Puebla de Alcocer o termo municipal de Navalvillar de Pela, que queda integrado na comarca Don Benito.

Segréganse da comarca Olivenza os termos municipais de Olivenza e Valverde de Leganés, que quedan integrados na comarca Badajoz.

A comarca Almendralejo dividiuse en dúas zonas denominadas Almendralejo I e Almendralejo II. A zona Almendralejo II está constituída polos termos municipais de Aceuchal, Almendralejo, Fuente del Maestre, Hinojosa del Valle, Puebla del Prior, Ribera del Fresno, Santa Marta, Los Santos de Maimona, Solana de los Barros, Villafranca de los Barros e Villalba de los Barros. A zona Almendralejo I está formada polo resto de los termos municipais da comarca.

A comarca Llerena dividiuse en tres zonas denominadas Llerena I, Llerena II e Llerena III. A zona Llerena III está constituída polos termos municipais de Bienvenida, Casas de Reina, Higuera de Llerena, Llerena, Usagre e Villagarcía de la Torre. A zona Llerena II queda constituída polos termos municipais de Calzadilla de los Barros e Fuente de Cantos. A zona Llerena I está constituída polo resto dos termos municipais da comarca.

A comarca Azuaga dividiuse en dúas zonas Azuaga I e Azuaga II. A zona Azuaga II está constituída polos termos municipais de Ahillones, Azuaga, Berlanga, Granja de Torrehermosa, Maguilla e Valencia de las Torres, e a zona de Azuaga I polo resto dos termos municipais da comarca.

Cáceres:

Segréganse da comarca Trujillo os termos municipais de Almoharín, Miajadas e Escorial, que quedan integrados na comarca Don Benito de Badajoz.

Segréganse da comarca Logrosán os termos municipais de Alcollarín, Campo Lugar e Madrigalejo, que quedan integrados na comarca Don Benito de Badajoz.

Navarra

Navarra:

A comarca Ribera Alta-Aragón dividiuse en catro zonas denominadas Ribera Alta-Aragón I, Ribera Alta-Aragón II, Ribera Alta-Aragón III e Ribera Alta-Aragón IV. A zona Ribera Alta-Aragón IV está constituída polos termos municipais de Lerín e Miranda de Arga; a zona Ribera Alta-Aragón III polos de Falces e Sesma; a zona Ribera Alta-Aragón II polos de Caparroso, Carcastillo, Marcilla, Mérida, Murillo el Cuende, Murillo el Fruto, Peralta e Santacara, e a zona Ribera Alta-Aragón I polo resto da comarca.

A comarca Ribera Baja dividiuse en dúas zonas denominadas Ribera Baja I e Ribera Baja II. A zona Ribera Baja II está constituída polo termo municipal de Valtierra e Las Bardenas Reales e a zona Ribera Baja I polo resto da comarca.

La Rioja

La Rioja:

O termo municipal de Grávalos segrégase da comarca Rioja Baja e queda incluído na comarca Sierra Rioja Baja.

ANEXO V

Índices de barbeito simplificado

IRC – (t/ha)	IBS (hectáreas de barbeito por cada 100 que reciben a axuda do PNFR)
1,2	25
1,5	20
1,8	15
2,0	10

ANEXO VI

Leguminosas e denominacións de calidade do Programa nacional para a calidade dos legumes recollido na sección 2.^a do capítulo I do título V

Parte I. *Leguminosas elixibles*

Garavanzo:

Cicer arietinum.

Lentella:

Lens sculenta.

Lens culinaris.

Feixón:

Phaseolus vulgaris.
Phaseolus lunatus.
Phaseolus coccineus.

Parte II. *Denominacións de calidade: agricultura ecolóxica*

Denominacións de orixe protexidas e indicacións xeográficas protexidas:

IXP Alubia de La Bañeza-León.
IXP Faba Asturiana.
IXP Faba de Lourenzá.
IXP Garbanzo de Fuentesauco.
IXP Judías de El Barco de Ávila.
IXP Lenteja de La Armuña.
IXP Lenteja Pardina de Tierra de Campos.
DOP Judía del Ganxet.

Outras denominacións de calidade:

Alubia de Guernika.
Alubia de Tolosa.
Alubia Pinta Alavesa.
Garbanzo de Pedrosillo

ANEXO VII

Grupos de variedades de tabaco cru e zonas de produción recoñecidas por grupo de variedades

I. *Grupos de variedades de tabaco cru*

As variedades de tabaco cru cultivadas no noso país clasifícanse nos grupos seguintes:

- I. Tabaco curado ao aire quente («flue cured»): tabaco curado en fornos en que a circulación do aire, a temperatura e o grao higrométrico están controlados.
- II. Tabaco rubio curado ao aire («light air-cured»): tabaco curado ao aire, a cuberto.
- III. Tabaco negro curado ao aire («dark air-cured»): tabaco curado ao aire, a cuberto, que se deixa fermentar antes da súa comercialización.
- IV. Tabaco curado ao lume («fire-cured»).

II. *Zonas de produción recoñecidas por grupo de variedades*

- I. Tabaco curado ao aire quente («flue cured»): Extremadura, Andalucía, Castilla y León e Castilla-La Mancha;
- II. Tabaco rubio curado ao aire («light air-cured»): Extremadura, Andalucía, Castilla y León e Castilla-La Mancha;
- III. Tabaco negro curado ao aire («dark air-cured»): Extremadura, Andalucía, Castilla y León, Castilla-La Mancha, Navarra e zona de Campezo (País Vasco);
- IV. Tabaco curado ao lume («fire-cured»): Extremadura e Andalucía.

ANEXO VIII

Humidade de referencia e tolerancias máximas admisibles por grupo de variedade de tabaco e métodos para a determinación do grao de humidade do tabaco cru
I. Humidade de referencia e tolerancias máximas admisibles por grupo de variedade de tabaco

Grupo de variedades de tabaco	Humidade de referencia – Porcentaxe	Tolerancias máximas – Porcentaxe
I	16	+3
		–2
II	20	+5
		–3
III	22	+5
		–3
IV	22	+3
		–2

II. Determinación do grao de humidade do tabaco cru
I. Métodos que se deberán utilizar:
A) Método de Beaudesson:

1. Equipamento: estufa Beaudesson EM 10: secador eléctrico de aire quente en que o aire atravesa a mostra que se debe secar por convección forzada mediante un ventilador «ad hoc». O grao de humidade determínase por pesaxe antes e despois da curación, estando graduada a balanza de resorte de modo que a indicación dada para a masa de 10 gramos sobre a cal se opera corresponda directamente ao valor en por cento do grao de humidade.

2. Procedemento: pénsase unha dose de 10 gramos nunha copa pequena de fondo perforado e colócase na columna de curación, onde se mantén mediante unha abrazadeira. Ponse en marcha a estufa durante cinco minutos, tempo en que o aire quente provoca a curación da mostra a unha temperatura próxima aos 100 graos Celsius.

Aos cinco minutos, un mecanismo de reloxa detén o proceso. Obsérvase a temperatura alcanzada polo aire ao finalizar a curación nun termómetro incorporado. Pénsase a mostra; a súa humidade vén dada directamente e, se procede, corríxese nalgunhas décimas de por cento en máis ou en menos, segundo a temperatura observada e de acordo cun baremo situado no aparello.

B) Método Brabender:

1. Equipamento: estufa Brabender: secador eléctrico constituído por un núcleo cilíndrico termorregulado e ventilado por convección forzada, no cal se colocan simultaneamente dez copas pequenas metálicas con 10 gramos de tabaco cada unha. As copas colócanse nun prato xiratorio con dez posicións que permite, grazas a un volante de manobra central, levar sucesivamente, despois da curación, cada unha das copas a un punto de pesaxe incluído no aparello; un sistema de panca permite colocar sucesivamente as copas sobre o fiel dunha balanza incorporada sen ter que sacar as mostras do núcleo. A balanza posúe un indicador óptico e proporciona unha lectura directa do grao de humidade.

O aparello leva unha segunda balanza que se utiliza unicamente para pesar as doses iniciais.

2. Procedemento:

Regulación do termóstato a 110 graos Celsius.

Quentamento previo do núcleo, como mínimo durante 15 minutos.

Preparación por pesaxe de dez doses de 10 gramos cada unha.

Colocación das doses na estufa.

Curación durante 50 minutos.

Lectura dos pesos para determinar o grao de humidade bruto.

C) Outros métodos: poderanse utilizar outros métodos de medida, baseados en particular na determinación da resistencia eléctrica ou na propiedade dieléctrica do lote, coa condición de cotexar estes resultados co exame dunha mostra representativa utilizando o método A ou B.

II. Toma de mostras e peso adaptado do tabaco:

Para a determinación do peso adaptado do tabaco, establecido sobre a base do seu grao de humidade, aplicarase o seguinte procedemento:

a) Determinación de humidade:

– De cada unha das partidas que os produtores entreguen ás empresas de primeira transformación obterase unha mostra representativa do tabaco incluído nela, que afectará de forma aleatoria polo menos o 5 por cento das unidades, fardos ou caixas, que integren a partida, cun mínimo dunha mostra por partida. Entenderase por partida o conxunto de tabaco entregado nun día por un produtor, dentro dun contrato, nun mesmo centro e dunha mesma variedade.

– A extracción da dita mostra poderase realizar de modo manual ou mediante a utilización dunha sonda que extraia fragmentos do perfil do paquete.

– Tras picar e homoxeneizar a mostra esta someterase ao control analítico de humidade, por calquera dos métodos e equipamentos descritos.

– A mostra dimensionarase con volume suficiente para posibilitar a repetición dun hipotético segundo control analítico.

– O grao de humidade obtido deberá ser un valor enteiro, arredondado cara ao número enteiro inferior para os decimais comprendidos entre 0,01 e 0,49 ou cara ao número enteiro superior para os decimais comprendidos entre 0,50 e 0,99.

b) Determinación do peso adaptado:

O peso adaptado de cada unha das partidas obterase multiplicando o peso neto da partida $x (100 - \text{grao de humidade da partida}) / (100 - \text{grao de humidade de referencia da variedade})$.

ANEXO IX

Contido mínimo dos contratos de tabaco, documentación exigible para o seu rexistro e documentación que cómpre entregar para solicitar o recoñecemento dunha entidade como agrupación de produtores de tabaco

I. *Contido mínimo dos contratos de tabaco*

Respecto de cada colleita, os contratos de cultivo de tabaco deberán conter polo menos os elementos seguintes:

- Nome, apelidos e domicilio das partes contratantes;
- A variedade ou grupo de variedades de tabaco reguladas polo contrato;
- A cantidade máxima que deba entregar;

- d) Lugar preciso de produción do tabaco: a provincia, o municipio e a identificación da parcela de acordo co sistema integrado de control;
- e) A superficie da parcela en cuestión, excluídos os camiños de servizo e os cercados;
- f) O prezo de compra por grao cualitativo, excluídos os importes da axuda, os posibles servizos e os impostos;
- g) Os requisitos cualitativos mínimos acordados por grao cualitativo, cun mínimo de tres graos por posición na planta, e o compromiso do agricultor de entregar á empresa de transformación tabaco cru por graos de calidade que cumpra polo menos eses requisitos cualitativos;
- h) O compromiso da empresa de primeira transformación de pagar ao agricultor o prezo de compra por grao cualitativo;
- i) O prazo de pagamento do prezo de compra, que non poderá ser superior a 30 días a partir da data da entrega;

No caso de contratos subscritos polas APA, incluírán un cadro resumo deles por grupo de variedades e variedade, por comunidade autónoma, cos seguintes datos para cada un dos contratos:

- Número do contrato (será asignado polo organismo competente para o rexistro).
- Nome da empresa con que contrata.
- Comunidade autónoma.
- Cantidade contratada.
- Prezo máximo acordado (euros/kg) nos contratos.
- Prezo mínimo acordado (euros/kg) nos contratos.
- Número de produtores.
- Número de parcelas agrícolas.
- Superficie total cultivada de tabaco.

II. Documentación exigible ás APA ou produtores individuais para rexistrar un contrato

1. Un orixinal e tantas copias de cada contrato como comunidades autónomas diferentes figuren nel con superficies cultivadas de tabaco ou con produtores que presenten a súa solicitude única nelas.

2. Un escrito dirixido ao titular do órgano competente e asinado polo produtor individual ou o responsable da APA, en que conste a relación dos contratos que se presentan para o seu rexistro, debendo figurar os datos seguintes, para cada un deles:

- N.º do contrato.
- Empresa.
- Variedade.
- Cantidade contratada total en quilogramos.
- Superficie total en hectáreas con dous decimais.

3. Un ficheiro informático que terá, polo menos, os seguintes campos:

- Número de contrato.
- Código da agrupación.
- Código da empresa.
- Grupo.
- Variedade.
- Ano da colleita.
- Apelidos e nome ou razón social.
- NIF/CIF.
- Producción total contratada.
- Superficie total contratada.
- Producción total contratada CCAA 1.

- Superficie total contratada CCAA 1.
- Producción total contratada CCAA 2.
- Superficie total contratada CCAA 2.
- Código de CCAA 1 de produción.
- Código de CCAA 2 de produción.

III. *Documentación que cómpre entregar para solicitar o recoñecemento dunha entidade como agrupación de produtores de tabaco*

- a) NIF da entidade.
- b) Memoria que comprenda polo menos:

Programa de actuación (normas comúns de produción e comercialización).

Descrición dos medios técnicos e humanos con que conte a entidade.

Síntese das actividades da entidade.

Estatutos que recollan as disposicións establecidas no artigo 51, debidamente actualizados e inscritos no rexistro correspondente.

Certificación do rexistro correspondente onde se establezan os cargos de representación da entidade e/ou poder notarial debidamente inscrito no rexistro correspondente.

Libro de socios actualizado e dilixenciado. No caso de que a entidade solicitante estivese composta por entidades xurídicas de base formadas, pola súa vez, por socios produtores, entregaranse tamén os libros de socios das entidades xurídicas de base.

IV. *Contido mínimo do ficheiro informático de entregas por lotes que deben presentar as empresas transformadoras*

O ficheiro informático terá, polo menos, os seguintes campos:

- Empresa.
- N.º de contrato.
- Agrupación.
- Apelidos e nome do produtor.
- NIF/CIF do produtor.
- Variedade.
- Centro de compras.
- Colleita.
- Data de entrega.
- Número de partida.
- Peso neto diferenciado por cada lote.
- Prezo compra diferenciado por cada lote.
- Peso neto total.
- Importe total de partida.
- Tipo de entrega.

ANEXO X

Datos mínimos que conterá o ficheiro informático cos animais bovinos sacrificados baixo sistemas de vacún de calidade

O ficheiro informático terá formato Access, en calquera das súas versións, e incluírá os seguintes campos:

- A) Identificación do sistema de calidade diferenciada:
 1. Denominación do sistema de calidade.
 2. NIF do titular do sistema de calidade.
 3. Teléfono, fax e enderezo de correo e electrónico do sistema de calidade.

B) Identificación dos animais bovinos sacrificados durante o ano da presentación da solicitude única por parte do produtor:

1. Código do brinco do bovino sacrificado, conforme o establecido polo Real decreto 1980/1998, do 18 de setembro.
2. Código Rega da explotación, conforme o establecido no artigo 5 do Real decreto 479/2004, do 26 de marzo.
3. NIF do titular da explotación.

ANEXO XI

Cálculo da carga gandeira

1. Para efectos do artigo 12.

Para calcular a actividade exercida no período actual e comparala coa do período de referencia, débense ter en conta o total de animais presentes na explotación, excluíndo os anos.

O cálculo efectuarase cos seguintes coeficientes de conversión:

- 1.º Vacúns de máis de 24 meses: 1,0 UGM.
- 2.º Vacúns entre 6 e 24 meses: 0,6 UGM.
- 3.º Vacúns ata 6 meses: 0,2 UGM.
- 4.º Ovinos e cabrúns de máis de 4 meses: 0,15 UGM.
- 5.º Vacas de leite: 1,0 UGM.

2. Para efectos do artigo 65.

A determinación da carga gandeira da explotación farase tendo en conta:

a) O número de animais converterase en unidades de gando maior (UGM) de acordo coas seguintes equivalencias:

- 1.º Bovinos machos e xovencas de máis de 24 meses de idade, vacas nutrices e vacas leiteiras, 1,0 UGM.
- 2.º Bovinos machos e xovencas de 6 a 24 meses de idade, 0,6 UGM.
- 3.º Ovinos e cabrúns, 0,15 UGM.

b) A superficie forraxeira, segundo a definición recollida no artigo 65.2.

Para determinar esta carga gandeira terase en conta a media de seis días, considerando o primeiro día de cada mes do período de retención.

ANEXO XII

Datos mínimos que conterá o ficheiro informático que teñen que remitir os responsables dos consellos reguladores, pregos facultativos e produción gandeira ecolóxica e integrada, coas explotacións e titulares dos agricultores de ovino e cabrún que comercializasen parte da súa produción baixo sistemas de calidade considerados no artigo 67

O ficheiro informático terá formato Access, en calquera das súas versións, e incluírá os seguintes campos:

A) Identificación do sistema de calidade diferenciada:

Denominación do sistema de calidade.

NIF do titular do sistema de calidade.

Teléfono, fax e enderezo de correo e electrónico do sistema de calidade.

B) Identificación das explotacións que comercializaron a súa produción ao abeiro das denominacións de calidade indicadas no número 1 do artigo 67.1 durante o ano da presentación da solicitude única por parte do agricultor:

Cantidade expresada en litros de leite ou en número de anos e/ou cabritos comercializados pola explotación durante o ano anterior ao abeiro destes programas de calidade dos cales sexan responsables.

Código Rega da explotación, conforme o establecido no artigo 5 do Real decreto 479/2004, do 26 de marzo.

NIF do titular da explotación.

ANEXO XIII

Coeficientes de conversión para determinar o número de reprodutoras utilizadas na produción comercializada

1. Para a produción de leite, a cantidade expresada en litros comercializada pola explotación ao abeiro dos programas de calidade correspondentes durante todo o ano da solicitude dividirse entre a cifra que corresponda a cada raza considerada:

a) Razas ovinas

Raza	Índice de conversión
Churra.	135
Manchega.	175
Latxa.	120
Castelá.	130
Assaf.	190
Carranzana.	130
Outras.	80

b) Razas cabrúas

Raza	Índice de conversión
Murciano-granadina	730
Majoreira	550
Malagueña	700
Tinerfeña	600
Verata	600
Pirenaica.	550
Palmera	550
Payoya	650
Guadarrama	650
Florida.	655
Branca andaluza	650
Branca celtibérica	600
Outras.	550

2. Non obstante, a autoridade competente poderá utilizar calquera documento recoñecido por ela para certificar un rendemento medio do gando leiteiro diferente para cada agricultor.

Para a produción de carne, o número de anos e/ou cabritos comercializados ao abeiro dos programas de calidade correspondentes pola explotación durante todo o ano da solicitude dividirse entre 0,9.

ANEXO XIV

Datos mínimos que conterá o ficheiro informático que teñen que remitir os responsables das denominacións de calidade e da etiquetaxe facultativa co logotipo «Letra Q», coas explotacións e titulares dos produtores de vacún de leite que comercializasen toda ou parte da súa produción baixo os sistemas considerados no artigo 79

O ficheiro informático terá preferentemente formato Access, en calquera das súas versións, e incluírá os seguintes campos:

A) Identificación do sistema (marca/prego de condicións/logo):

Denominación do sistema.

NIF do titular do sistema.

Teléfono, fax e enderezo de correo e electrónico do sistema.

B) Identificación das explotacións que comercializaron a súa produción ao abeiro dos sistemas establecidos no artigo 79 durante o ano da presentación da solicitude única por parte do produtor:

Cantidade expresada en quilogramos de leite comercializados pola explotación ao abeiro do sistema correspondente durante o ano da solicitude.

Código Rega da explotación, conforme o establecido no artigo 5 do Real decreto 479/2004, do 26 de marzo.

NIF do titular da explotación.

C) Cantidade total expresada en quilogramos de leite comercializado polo responsable do sistema correspondente durante o ano da solicitude, en cumprimento do segundo parágrafo do número 3 do artigo 82.